

# WANTU

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

32 pes

Namba 1021

Wik i stat long Fonde, Janueri 20, 1994.

40 toea



*Das i Kirap...* Em i taim bilong skul holide na taim planti pikinini i go stat painim samting bilong redi long go bek long skul, tasol yangpela Ponyou Samol bilong ples Pere long Manus ailan i no wari. Long taim bikpela ren i pundaun long Trinde, em wantaim ol poro i kisim ol BMX wilwil bilong ol na brukim tais i stap arere long haus. *Poto: Popsie Kilapak.*

## Narapela hap milien hekta graun go pinis long ovasis

WANPELA kampani bilong kantri Singapo i kisim tok orait pinis bilong katim bikpela hap bus insait long Galp provins.

Hap mak bilong graun ol bai klinim em inap long 500,000 hekta, na em i bilong wanpela kain wok didiman projek. Kos bilong dispela projek tu bai winim planti milien kina.

Minista bilong Egrikalsa na Laipstok, Roy Evara i bin sainim agrimen bilong dispela wantaim Advance Synergy Bhd (ASB) long Singapo las yia.

Dispela agrimen i givim tu tok orait long ASB long rausim olgeta samting em inap pulim mani na i stap insait long hap em ol bai klinim long en. Na kampani bai holim na wok long dispela hap graun inap long 99 yia. Hap graun ya i stap namel long Baimuru na Purari.

Ol ripot i tok olsem dispela agrimen em minista i sainim i bilong wanpela welpam projek. Na em i namba tu projek insait long Galp provins em Egrikalsa minista i wokim long en.

Namba wan agrimen nau i stap long han bilong Nesenel Kot. Long wanem sampela kros i bin kamap long husat tru em ol papa graun bilong projek eria.

Long toktok bilong ol wanem kain arapela samting em inap pulim mani i stap long dispela hap graun, eksekutiv siaman bilong ASB, Datuk i go moa long pes 2

# Kas bilong ol NPF memba

LEO WAFIWA i raitim

..ol i ken sanapim haus nau long tumbuna graun

OL MEMBA bilong Nesenel Providen Fan (NPF) i gat gutpela tok save nau.

Aninit long Hausing Skim, ol i ken sanapim haus long tumbuna graun bilong ol yet long wanem ples ol i kam long en.

Na tu, ol nupela memba i ken aplai long dispela skim sapos ol i gat K500 na moa long 5 pesen mak em i save givim go long NPF long olgeta potnait. Bipo ol memba i mas wet 5-pela yia olgeta long mani bilong ol long NPF i mas winim

K1,500.

Long tok save i kam long het opis bilong NPF na i go long ol praivet bisnis kampani na oganaisesen, mausman bilong dispela skim, Noel Wright i tok dispela skim i bin stat long 1987. Tasol skim i no helpim planti memba husat i laik go bek long ples na wokim haus long tumbuna graun bilong ol. Olsem na ol dispela senis i kamap bilong helpim gut ol memba.

Mista Wright i tok ol memba i sapotim tru dispela senis em i bin

kamap long mun Septemba 1992.

Wanpela memba i tok, "Em i gutpela long NPF i luksave nau olsem long Papua Niugini, mipela i save go bek malolo long asples taim mipela i winim yia bilong wok long ol taun na siti."

Tripela memba husat i winim pinis yia bilong wok i wetim yet ansa long aplikesen bilong ol.

Ol i tok ol i amamas tru long dispela senis em bai helpim tru planti memba.

"Ating God papa i

stap wantaim mipela, olsem na mipela i putim aplikesen bilong mipela long stretpela taim," ol i tok.

Sampela arapela memba i putim aplikesen bilong ol pinis.

Tasol NPF i no inap tokaut long hamas aplikesen ol i givim yesa pinis long ol.

Tok save long wanem rot ol memba i mas bihainim long putim aplikesen i go pinis

long ol bisnis kampani, husat em wokman bilong ol i memba long fan.

Ol memba husat i laik aplai mas i gat K500 na moa wantaim NPF. Dispela K500 i no

karamapim takis mani, na tu mas i kam long 5 pesen hap skel long pe bilong wokman em i save go long fan long olgeta potnait.

Aninit long dispela i go moa long pes 3

## Minista no bin lukim Madang baset

RODNEY KAMUS i raitim

MADANG provinsal baset i no bin go long minista bilong Viles Sevises na Provinsal Afeas wantaim Dipatmen Seketeri bilong em long skelim na mekim sampela toktok long en.

I bin gat wanpela miting bilong ol provins em dipatment seketeri i holim. Na dispela miting em

bilong ol provinsal gavman husat i stap long saspensen bai putim baset bilong ol long minista wantaim seketeri bilong skelim dispela baset na autim tingting bilong ol.

Tasol baset bilong Madang i no bin go long minista na seketeri bilong em. Long wanem i no gat wanpela nesenel memba bilong Madang i kamap long dispela kibung.

i go moa long pes 2



## COASTER BAS

EM NAU... NAMBawan PMV BAS LONG PAPUA NIUGINI NAU ILUK SMAT MOA!

TOYOTA

PORT MORESBY 229400 LAE 422322 RABAU 921988 MADANG 822188  
GOROKA 721844 MT HAGEN 521888 WEWAK 062255 KAVIENG 942132  
KIMBE 935155 TABUBIL 589060 VANIMO 871254 PORGERA 579367  
ALOTAU : WALTERS WORKSHOP PH 611174

Ela Motors  
OLGETA HAP

EM4543 B

# Tulo tokaut long kamapim bikpela senis long edministresen na polisi seketeriet

BIHAIN long em i kisim wok olsem provinsal seketeri bilong Not Solomons, Edministreta Sam Tulo i askim ol pablik sevan long ailan long wokbung wantaim na bringim stret ol gavman sevis i go long ol pipel.

Ol i bin makim Mista Tulo long dispela nupela wok antap long wok bilong edministreta insait long wanpela bung long Buka las wik Fonde. Ol bikman husat i kamap em ekting edministretiv seketeri Aaron Rigamu, sekyuriti fos Komanda long Bogenvil, Kenel Allen Pinia wantaim ol bikman bilong plis, Not Solomons edministresen, ol memba bilong ol lotu, na man i makim olgeta Interim Atoriti siaman long ailan, Thomas Anis.

Pastaim long ol trabel i kamap long Bogenvil, man husat i bin holim dispela wok olsem

Seketeri bilong Not Solomons em John Siau. Tasol long taim bilong ol hevi long 1991, Mista Siau wantaim sampela opisa i bin kirapim bek wok bilong Not solomons edministresen na kamapim ol progrem bilong stretim ol pipel long Bogenvil i kam inap long Janueri 5 taim kabinet i rausim em.

Na Mista Tulo tu i no laikim ol pipel i bruk bruk nabaut bihain long gavman i rausim olpela provinsal seketeri. Hevi bilong politik i wok long kamap bikpela na planti lida bilong ples, wanpela nesenel memba bilong Bogenvil wantaim ol arapela man i no wanbel long gavman i rausim Mista Siau long wok bilong em.

Mista Tulo i tok planti taim ol opisa i no save mekim gut ol wok bilong edministresen na polisi seketeriet. Na ol

sevis wantaim ol arapela restoren wok i no save kamap. Tasol long nau, em i kisim wok olsem provinsal seketeri na em bai lukim olsem ol opisa i wok wantaim bilong sevim gut ol pipel bilong ol husat i nidim

tru ol gavman sevis insait long ol ples.

Bihainim dispela, Mista Tulo i tokaut long bikpela senis em bai kamap long wok bilong edministresen na polisi seketeriet. Ol bai kisim tu ol saveman bilong ol bikpela wok long stre-

tim tupela dipatmen bilong edministresen na polisi seketeriet.

Bilong glasim gut ol senis na ol bai karim kaikai, Mista Tulo i tok long holim wanpela bung wantaim ol pablik sevan long provins.



• Not Solomons so long Buka long Disemba las yla i bin kamapim ol kain kain resis. Olsem dispela tripela baga ya husat i laik brukim bun long motobot resis.



• Mis PNG Sharon Onsa i stori liklik wantaim Patricia Kiroha na Serah Laris. Patricia i bin kamap namba wan long Mis Bogenvil resis na winim taitel. Serah i bin kamap namba tu.

## PNG lusim hap graun

i kam long pes 1

Ahmad Sebi Bakar i tok, "Mipela i no klia yet long wanem kain samting bai mipela painim long hap. Ating ples i pulap long ol kru bilong mambu. Tasol nogut mipela wok i go na painim diwai."

Wanpela hap ripot i kamap long Strait Times bilong Singapo i tok olsem ASB, "i ken rausim na salim wanem samting em i painim long dispela hap graun bilong kisim mani bilong em yet."

Long namba wan agrimen em minista i sainim, ol i laik kirapim wanpela join venja kampani wantaim Benturich Enterprise Sdn Bhd (CESB) na ol kain kain papa graun grup bilong eria.

Bihain long ol wok bilong klinim ples i kamap, join venja kampani nau bai makim narapela grup gen bilong kamapim ol kain kain wok didiman projek.

Long dispela taim bilong sainim agrimen, Mista Evara i bin tok tu olsem Prais Minista Wingti i tokaut olsem i gat narapela 5-pela o 6-pela hap i stap bilong ol wankain wok developmen.

ing long holim ol aweanes kempen.

Insait long kempen, ol komiti memba i bin laik tokaut klia long ol pipel olsem hombru na arapela strongpela dring i no gutpela. Bikos em i ken bagarapim bodi, tingting na wankain tu long bikpela wok bilong, bringim bel isi na gutpela sindaun i go bek

long ol famili, komyuniti na Not Solomons provins.

Long ol kempen bilong en tu, ol memba bilong komiti i bin askim olgeta lain husat i save wokim ol hombru na arapela strongpela dring long lusim dispela pasin. Na tu long givim wanem masin na samting em

ol i save yusim long mekim olsem i go long han bilong ol sief, ol bikman bilong ples na ol arapela lo bodi insait long ailan.

Ol ples insait long Not Buka olsem Lemamanu, Lemankoa na Lontis i bin bungim bikpela hevi tru long strongpela dring em ol pipel yet i wokim long ples. Ol i save kolim dispela kain bia olsem hombru.

Long dispela taim yet, ol memba bilong Buka Libresen Fran (BLF) i bin givim bek samting olsem 200 sotgan na ol katres i go long bos bilong ol ami.

Long taim bilong bikpela hevi long Buka ailan na bikples Bogenvil, ol lain BRA paitman i save kilim nating ol man.

## Singaut bilong daunim hevi bilong hombru gat kaikai

ALOYSIUS SAMI i raitim

WOK em ol lain bilong Pis Komiti i mekim long Bogenvil i go het gut tasol.

Bikos oltaim i save gat gutpela helpim na sapot i kam long ol memba bilong sekyuriti fos, ol plisman wantaim ol sief na ol bikman na

pipel bilong ples.

I no longtaim i go pinis, i bin gat ripot olsem hevi bilong dringim hombru na ol arapela strongpela dring long ailan i wok long kamap bikpela tru. Olsem na Pis Komiti i paitim toktok na ting-

## Minista no bin lukim Madang baset

i kam long pes 1

Edministrator bilong Madang Wep Kanawi, provinsal Fainens seketeri Gabriel Saul wantaim ol arapela bikman bilong Dipatmen tasol i bin kamap long givim baset bilong provins.


Mista Kanawi na Mista Saul i tok long opis bilong ol long Madang olsem minista wantaim ol 7-pela nesenel memba bilong Madang i no bin kamap long dispela miting olsem na ol i no givim baset bilong ol.

Dipatmen i tokim ol long wet inap Tunde bilong dispela wik, tasol ol i go bek hariap long Madang long wanem i gat planti wok i stap.

Tasol eksekutyutiv opisa bilong memba bilong Sumkar, Charles Loke i tok Mista Yama i no kamap long dispela miting long wanem Mista Kanawi i no toktok wantaim ol nesenel memba bihain long em i wokim baset ya.

Mista Yama i bihainim wanpela ripot bilong Wantok long las wik taim Mista Kanawi i tok olsem pastaim long em i wokim baset bilong Madang, em i salim pas na ringim olgeta memba long kisim tingting bilong ol.

Ripot ya i tok tu olsem Mista Yama i no givim bekim bilong em na bihain em i komplem olsem baset ya i no trupela.



**LAE, Morobe:** Long las wik Fraide, ol plisman i bin holim 12-pela memba bilong wanpela raskol grup husat i save bagarapim ol manmeri bilong ol ausait stesin long Morobe provins.

Kostel na Boda Plis Komanda, Tom Kulunga i tok ol dispela lain raskol i save stap long Obura long Isten Hailans na go insait long Emame stesin na bagarapim ol manmeri. Na ol i save mekim dispela long planti taim.

Em i tok plis i harim ol komplem bilong ol manmeri long hap tasol ol i no wokim wanpela samting bipo. Long wanem i no gat inap mani bilong go long Emame.

Long las wik Fraide, ol i kisim sampela mani long Dipatmen bilong Morobe na 6-pela plisman i go long Emame long balus. Na long Sarere, ol i holim ol dispela lain man ya.

Mista Kulunga i tok ol plisman i kisim tu wanpela M16 semi automatik raifol, tupela sotgan, na 5-pela arapela gan em ol man yet i wokim long en.

Ol i kisim ol dispela 12-pela man i go long Lae na sasim ol pinis. Ol bai kamap long kot klostu.

**KIMBE, Wes Nu Briten:** Ol plisman i sasim pinis tupela man bilong Isten Hailans long karim spakbrus long wanpela sip em ol i kolim long *MV Kimbe Express*. Tupela man ya i putim olgeta spakbrus insait long tripela bokis taim ol plisman i holim tupela long las wik Sande.

Tupela man ya em Joseph Mark Yambo, 20 krismas bilong ples Nanta long Asaro husat em plis i sasim long karim spakbrus long wanpela bokis tinpis na Oshmael Kose, 22 krismas bilong ples Ika long Henganofi. Plis i sasim Kose tu long karim spakbrus long tupela bokis Twisties.

Dispela pasin i kamap na Provinsal Plis Komanda, Sief Inspekta Titus Pamben i tok olsem ol plis long Lae i mas was na sekim gut ol pasindia husat i save kalap long ol sip na go long ol narapela hap.

**KAINANTU, Isten Hailans:** Plis i wok long painimaut nau long paia em i bin kukim wanpela tupela plua haus bilong Rurel Developmen Beng long las wik Fonde.

Paia i bin stat long 10 klok moning long hap em ol man i slip long en long namba tu plua. Na kwiktaim tru i kukim olgeta pepa na ol arapela samting em kos bilong ol i winim sampela tausen kina.

Wanpela opisa bilong beng i tok ol i no save yet long as tru bilong paia, tasol plis i wok long sekap yet long dispela.

PNGBC Beng i papa tru bilong dispela haus, tasol Rurel Developmen Beng i bin lisim na yusim. Kos bilong haus em inap long K160,000. Na kos bilong bagarap em paia i kamapim em inap long K40,000.

Insait long dispela haus tu i gat wanpela praivet klinik. Na beng opis ya i lukautim ol han bilong RDB long Goroka na Kainantu.

**RABAUL, Is Nu Briten:** Distrik kot i salim Robert Wilson bilong Solomon Ailan i go kalabus inap long 5-pela mun. Bikos em i no kisim tok orait na kam stap long kantri.

Wilson i gat 35 krismas na em i bilong ples Belaga long Tulagi insait long Westen provins bilong Solomon Ailan. Em i marit long wanpela meri Buin long Bogenvil na ol i gat 4-pela pikinini.

Kot i painim olsem Wilson i bin rong long stap long Bogenvil na Rabaul inap long 5-pela yia na em i no gat tok orait. Em i bin yesa tasol long ol sas kot i mekim long en. Kot i bin harim olsem Wilson i bin kam insait long PNG long 1982 bihainim ol Sotlen ailan klostu tasol long Bogenvil.

Orait long mun Jun las yia, em i bin sik na i go long kisim marasin long Rabaul. Long wankain taim tu, em i bin kisim sekmani bilong ol wokman husat em ol i bin wok wantaim long stretim tupela haus long Buin. Mani ya em inap long K6,120.09.





Hatwok tru ya...Em i no isi long wokim kain basket osem. Bikos olgeta wok i save kamap long han na inap stap 6-pela o 7-pela wik. Long poto, Elon Amakule bilong ples Litipinaga long Lufa, Isten Hailans provins i sindaun wokim wanpela i stap. Pinis em bai go salim long K30 long Goroka maket. Poto: Sape Metta.

# Moa sumatin bai go long DWI long 1994

JAMES KILA i raitim ...planti laik go tasol no gat spes

DIVINE Word Institute (DWI) long Madang provins i kisim pinis moa long 400 sumatin bilong 1994 skul yia.

Dispela namba i winim ol narapela namba bilong ol yia i go pinis. Planti bilong ol dispela lain sumatin i bilong Papua Niugini yet, tasol i gat sampela bilong Filipin Ailan na Solomon Ailan.

Rejistra na Dairekta bilong Akedemik Afeas long DWI, Bob DeBrouwere i tok dispela yia bai gat 100 sumatin i go wokim ol matrikulesen stadi bilong ol (gret 11).

Em i tok DWI i kisim pas na telipon toktok i kam long planti sumatin. Tasol ol i bin rausim planti aplikesen bikos i no gat spes long skul. Moa long 500 nupela sumatin i no inap go long DWI bikos i no gat spes.

Mista DeBrouwere i tok DWI i strongim wok bilong ol long skulim ol yangpela manmeri long kisim gutpela save long skul na save long Tok bilong God na bilong helpim komyuniti.

Em i tok wanem ol mani em ol papamama o gav-

man i putim i go insait bilong skulim ol sumatin i save karim kaikai. Bikos taim ol sumatin i go long DWI, ol i save wok hat long skul bilong traim na bekim ol hatwok bilong ol lain husat i bin helpim ol bipo.

Mista DeBrouwere i tok dispela kain pasin em i gutpela bikos wanem wok ol sumatin i mekim bihain bai sut long kirapim wok developmen long PNG na tu bilong helpim ol liklik brata na susa bilong ol.

Long dispela yia long mun Novemba, ol namba wan lain sumatin bilong DWI bai greduet long Liberel Ats (PNG Konsen).

DWI i statim dispela nupela kos long 1992. Na as tingting bilong kos ya em long skulim ol yangpela manmeri long save long pasin tru bilong PNG stret. Dispela ol kain samting i sut long stori na tumbuna bilip bilong bipo.

Kos ya i bilong helpim ol sumatin long wok wantaim ol pipel long komyuniti.

## Kas bilong ol NPF memba

i kam long pes 1

skim, ol memba i ken aplai long (a) baim wanpela haus, (b) baim graun bilong sanapim haus, (c) sanapim haus, (d)

mekim senis long haus bilong ol, na (e) sanapim ol mekim senis long haus long ol tumbuna graun.

Tasol ol memba i mas givim sampela tok

orait pepa wantaim long sapatim aplikesen bilong ol.

Long baim wanpela haus o graun bilong sanapim haus, ol memba i mas:

- gat leta long papa o ajen i soim prais bilong haus ol i salim;
- gat kopi bilong taitel o Nesenel Hausing Komisen leta long soim olsem ol i papa long haus o wanem haus mani (beng) bai helpim ol;
- leta bilong wanpla beng i soim olsem ol i stretim tok pinis wantaim beng long baim haus o graun ol i laik sanapim haus; na
- kontrak bilong salim haus o graun ol i laik baim bilong sanapim haus.

## Isten Hailans 1994 baset sut long ol rurel projek

SAPE METTA i raitim

ISTEN HAILANS provinsal asempli i oraitim pinis 1994 baset bilong en.

Bung bilong oraitim dispela K8.6 milien baset i bin kamap long wanpela de tasol las wik.

Mak bilong mani em provins bai yusim long dispela yia i go daun inap long K300,000. Dispela i kamap long wanem nesanel gavman i bin daunim mani em i save givim, mak bilong sels takis nau i surik long 3 pesen i go daun long 2 pesen na hap skel bilong mani em Nokondi Investments i mas baim long en i no kamap.

Nokondi Investments em bisnis kampani bilong

provinsal gavman tasol nau ol i salim pinis. Olsem na dispela tu i givim moa hevi long provinsal gavman.

Bikpela as wok bilong provinsal gavman nau i sut long dispela tingting bilong nesanel gavman long stretim ol lokal gavman na kirapim ol wok insait long ples. Olgeta dispela samting i stap insait long Viles Sevises Skim.

Long dispela baset tu, provinsal gavman yet i bin makim klostu moa long K870,000 tasol bilong Viles Sevises program. Na dispela bai helpim long go bungim mak bilong K3.5 milien em gavman i makim long givim.

Nesenel gavman i tokaut pinis long givim K12 long wan wan man aninit long dispela program.

Orait bihainim dispela, Isten Hailans provinsal gavman yet i putim narapela K3 bilong bringim dispela mak bilong mani i go antap long K15 long wan wan man, meri na pikinini insait long olgeta 8-pela lokal gavman kaunsil eria.

Provinsal minista bilong Fainens, Joshua Onio i tok olsem long dispela K8.6 milien, K4.6 milien bai go stret long wok bilong stretim ol wok insait long ples na kirapim ol nupela wok.

Em i tok bikpela hap bilong ol dispela mani bai go long ol wok bilong edukesen, helt na stretim ol rot.

Narapela bikpela hap skel bilong mani bai go long ol arapela projek bilong helpim ol pipel long ples, distrik na gavman yet.

Long dispela baset, Edukesen i kisim samting olsem K300,000. Bikpela hap skel bilong en bai go long kamapim moa spes bilong kisim moa gret 7 sumatin. Helt i kisim samting olsem K205,000 bilong tupela rurel helt senta long Lowa Bena na Lufa distrik, na sampela bilong stretim Kainantu haus sik na wokim sampela de klinik long ol ples.

Long wok bilong rot, K400,000 bai go long stretim ol bikpela rot na wok bilong ol liklik han rot nabaut bai stap long han bilong ol kaunsil.

Aplikesen bilong mekim senis long haus memba i papa long en mas i gat kopi bilong taitel or NHC leta soim olsem ol i papa tru bilong haus. Na tu aplikesen mas i gat pepa i soim wanem kain samting memba i laik baim bilong wokim o stretim haus. Dispela pepa mas i kam long wanpela kampani o kontrakta.

## Paia kukim haus long Kaindi

LONG las wik Fonde, paia i bin kukim wanpela haus bilong ples Kaindi long Wau.

Wau taun taim dispela birua i kamap.

Mista Tengweit i bilong ples Nemnem insait long Wau Distrik long Morobe provins.

Tasol em i save wok gol long Kaindi na em i

gat haus tu long hap.

Em i bilip olsem i bin gat sampela man i wokim paia long haus bilong em. Long wanem paia i no bin kirap long sampela hap bus pastaim na bihain i go kukim haus bilong

em. Nogat. Em i stat stret insait long haus.

Planti samting insait long haus i bin paia olgeta. Ol samting bilong wok gol, ol klos, samting bilong kukim kaikai wantaim planti narapela samting.

**TOR**

TORO WOK OLSEM RIPOTA BILONG WANTOK NIUGPEPA NA EM I GO LONG VANIMO LONG KISIM SAMPELA STORI LONG HAP...

BAGA INO DRESAP GUT... EM DRESAP OLSEM OL REBEL PAITMAN BILONG OL O.P.M NA RAUN LONG VANIMO TAUN...

VANIMO

NAU TUPELA YANGPELA PUISMAN I LUKIM EU NA OL I TING WANPELA REBEL RAUN ISTAP...

HEY, YU! YU LUK OLSEM WANPELA O.P.M REBEL!

HE! HE! HE! MI WANPELA RIPOTA BILONG WANTOK!

TORO KIRAP RAUSIM KAMERA BILONG EM NA TOK PILAI LONG TUPELA...

LUKIM DISPELA KAMERA?... EM SOT GAN BILONG MI... NA DISPELA FILM EM BULET BILONG MI... SAPDS MI LODIM... BAI MI SUTIM YUTUPELA!

TUPELA PUISMAN I TING TRU NA TUPELA TEK-KAVA (TAKE-COVER) INSAIT LONG WANPELA STUA...

TEK-KAVAA!!

OL REBELS! STRAIK! AMBUSH!





# WANTOK

NIUSPEPA BILONG OL PAPA NIUGIN STRET

## Boroko Motors i harim krai bilong ol trangu na givim ol helpim kwiktaim

### Wanem kain senis gen

LAS WIK ol memba bilong Konsitutenel Rivi Komisn i bin mekim tok promis long kirapim wok bilong ol. As bilong kirapim dispela komiti em long glasim gen ol toktok i stap insait long mama lo bilong PNG na mekim senis long sampela hap bilong ol dispela lo.

Gavman i mas mekim senis bikos Palamen i tok orait long sampela lo pinis. Tasol lo i no inap kamap inap i gat sampela senis tu i kamap long mamalo bilong kantri. Em long dispela as na komiti i mas mekim wok bilong en long raun na kisim tingting bilong ol pipel. Dispela pasin i wankain olsem bipo ol i bin mekim long 1970 samting taim ol i raun na kisim tingting bilong ol pipel orait bihain ol saveman i raitim mama lo bilong PNG.

Mipela i amamas long dispela. Tasol i gat bikpela askim i stap. Watpo na i kam inap nau i no gat wok i kamap long tanim mama lo i go long Tok Pisin o Hiri Motu? Nau yet olgeta toktok i stap long Inglis tasol. Na ol pipel husat i save long rit rait long Inglis i klia. Sori tru long ol manmeri husat i no inap ritim toktok long Inglis. Ol i paul yet.

Olsem na mobeta dispela nupela komiti i mas tok save long wanem ol toktok ol i laik kisim tingting bilong ol pipel long en. Na tok save long wanem taim tru ol bai raun long provins. Mekim olsem bai ol pipel i klia na moa manmeri i ken kamap na autim tingting bilong ol.

### BEN TAUMAI i raitim

BOROKO Motors em i namba wan kampani bilong Madang long givim sampela kaikai long Provinsal Disasta opis long Mandel.

Ol i mekim dispela bikos long las wik, Provinsal Disasta opis i bin askim ol kampani wantaim ol arapela manmeri long givim sampela helpim. Na dispela i bilong lukautim ol pipel bilong ol kea senta husat em ol bai salim i go

bek long ol ples bilong ol.

Kwiktaim Boroko Motors i harim na baim sampela kaikai na i givim i go long opis. Kos bilong ol dispela samting em inap long K500.

Long taim em i givim ol kaikai samting, brens Mensea bilong Boroko Motors, Paul Webber i tok, "Mipela sapatim wok bilong Provinsal Disasta opis olsem na mipela givim dispela liklik helpim."

Tasol dispela em i no namba wan taim bilong Boroko Motors long givim kain helpim olsem. Ol i bin

givim sampela klos wantaim jenereta na ka long namba wan taim birua i kamap long en.

Bos bilong Provinsal Disasta opis, Norman Philemon i tok, "Mi givim bikpela tok tenkyu i go long Boroko Motors long givim mipela ol dispela kaikai bilong lukautim ol pipel long ol kea senta na taim ol i go bek long ol ples bilong ol.

"Wok bilong lukautim ol pipel i kisim bagarap i no isi. Em i bikpela tru na oltaim mipela i save sot long mani.

Olsem na mi laik askim olgeta kampani wantaim ol narapela manmeri long helpim dispela wok bilong mipela," Mista Philemon i tok.

Em i tok olgeta kaikai ol i kisim bai go stap long stuarum, na ol bai givim sampela long ol lain husat i lusim Ranara na Gusap kea senta na go bek nau long ol ples bilong ol.

Sapos i gat sampela i stap yet, ol bai salim i go long ol pipel bilong Manam ailan husat i kisim taim nau long hevi bilong maunten paia.

## Biaru autim nupela rot bilong bungim mani

### ARI GUH DANDEE i raitim

OL pipel bilong Biaru insait long Wau distrik long Morobe provins bai kirapim das taim ol i holim wanpela feit bilong ol long Sarere na Sande bilong dispela wik.

Mausman bilong ol, Lowi Namun i bin kirapim tingting bilong ol pipel long traim bungim inap mani bilong wokim nupela edpos bilong ol.

Dispela edpos bai kamap wantaim wan-

pela narapela bilong stap long ples Wasini na Tori bilong helpim ol pipel bilong Biaru.

Mista Lowi i tok dispela em i wanpela bikpela sevis tru ol pipel i nidim. Tasol long wokim dispela tupela nupela edpos, ol yet i mas go pas long ol samting olsem mani.

Em i tok dispela bai soim gavman olsem ol pipel i laikim tru dispela samting olsem na ol yet i kamapim na bai gavman i luksave na givim liklik helpim tu.

Em i tokim ol pipel olsem ol i no ken sindaun nating na askim gavman long givim ol kain sevis olsem. Gavman bai helpim tasol pastaim em i mas luksave olsem ol pipel yet i hatwok long kamapim dispela samting.

Long dispela as na Mista Namun i laikim ol pipel bilong Biaru long luksave long dispela na kamapim projek bilong ol yet. Olsem na ol i kamapim dispela feit bilong bungim inap mani bilong wokim tupela edpos ya.

Em i tok olsem ol pipel yet i putim hap mani pinis inap long K1,000.



• Mista Webber wantaim namba tu bos bilong Provinsal Disasta opis, Barry Mapo i putim ol kalkai i go antap long ka. Na stuaman bilong opis, Peter Gaun i sanap na stretim ol antap long ka.

## Sapot kam long rausim pe bilong ol MP

SIAMAN bilong Pablik Akauns Komiti, Aita Ivarato i amamas tru long wanem samting em Spika bilong Nesenel Palamen i laik mekim long ol memba husat i no save kamap long ol kibung.

Long ol ripot bilong bipo, Spika Bill Skate i bin toktok long givim mekim save long ol memba husat i no save kamap long ol Palamen kibung. Ol ripot i tok Mista Skate i tok long rausim siting alauwens bilong olgeta memba husat i no kamap long kibung.

Mista Ivarato i tok bipo ol memba i save gat dis-

pela kain pasin nogut na ol i no inap kamap long ol bikpela kibung bilong Palamen. Na ol i save mekim olsem long laik bilong ol tasol.

Em i tok dispela i wok long kamap olgeta taim nau na i wok long kostim bikpela mani tumas.

Siaman bilong Pablik Akauns Komiti (PAC) i tok dispela samting Mista Skate i laik mekim bai suvim ol memba tu long stretim gut taim bilong ol. Olsem bai ol i gat inap taim bilong mekim ol wok bilong ilektret na wok bilong Palamen.

Em i tok long nau yet, planti memba nating i no klia long dispela samting. Olsem na ol i save yusim taim bilong ol nabaut na mekim samting long laik bilong ol.

Mista Ivarato i tok i tru olsem dispela bai kamapim liklik bel pen namel long sampela memba, tasol long taim bihain, em bai helpim wok bilong Palamen na kantri wantaim ol pipel.

Orait em i tok tu olsem mani em ol i kisim long katim pe bilong ol memba i ken go insait long helpim wok bilong ol Palamen Komiti olsem PAC na Pablik Woks Komiti.

Long wanem, Mista Ivarato i tok dispela tupela komiti i save mekim bikpela wok tru. Olsem na ol i mas kisim inap wokman na mani bilong wok gut.

## Kainantu bai kirapim taun atoriti

### SAPE METTA i raitim

I GAT wanpela taun atoriti nau bai kirap long liklik taun bilong Kainantu long Isten Hailans provins.

Dispela taun i gat moa long 5 tausen pipel long hap.

Long kirapim atoriti long dispela yia, Isten Hailans provinsal gavman i makim pinis K50,000 bilong dispela wok. Dispela mani i kam long baset bilong provinsal gavman.

Primia bilong Isten Hailans, Robert Atiyafa i tok taim provinsal gavman i makim ol memba bilong atoriti, bai i

gat bikpela senis tu i kamap long dispela liklik taun.

Em i tok ol i mekim olsem bikos provinsal gavman i laikim Kainantu long kamap klin olsem Goroka. Na i no bilong em long stap olsem wanpela liklik doti autstesin.

Long wankain taim, primia i tok atoriti bai kisim narapela K20,000 bilong kirapim wara saplai projek bilong taun yet. Bikos nau ol pipel i save painim hevi tru long wara taim i gat liklik kros namel long ol papa graun wantaim gavman o ol yet.

Orait provinsal gavman bai givim ol tu narapela K40,000 bilong yusim long ol edministresen wok na sevis.

# WANTOK

NIUSPEPA BILONG OL PAPA NIUGIN STRET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00





# Kot bilong Madang edministreta bai kamap nau long neks mun

**BEN TAUMAI i raitim**

NESENEL Kot i makim pinis de bilong harim kot namel long memba bilong Sumkar, Peter Yama na edministreta bilong Madang, Wep Kanawi.

Kot bilong tupela bai kamap long hap pas 9 long Fraide, 4 Februari. Ples bilong holim kot em long Nesenel Haus Kot long Waigani.

Mista Yama i bin givim samons bilong kot wantaim Nesenel Kot long 16 Desemba, 1993. Na long dispela samon pepa bilong em, Mista

Yama i kolim Mista Kanawi olsem namba wan difenden, minista bilong Viles Sevises na Provinsal Afeas, John Nilkare olsem namba tu difenden na Stet olsem namba tri difenden.

Bikpela toktok bilong Mista Yama insait long samon pepa i stap olsem wok ol i givim long Mista Kanawi olsem edministreta bilong Madang i no bihainim lo.

Olsem na em i askim kot long rausim olgeta pawa bilong wok anit long seksen 89 (2) (b) bilong hap lo i karamapim wok bilong ol

provinsal gavman.

Dispela hap seksen i tok olsem: "...man husat i no pablik sevan i no gat pawa bilong makim narapela man o long mekim wok bihainim pawa bilong provinsal gavman".

Mista Yama i tokaut olsem Kanawi em i wanpela ritrens opisa olsem na dispela i no bihainim lo i karamapim wok bilong ol provinsal gavman. Olsem na em i laikim kot long rausim olgeta pawa bilong Mista Kanawi long wok olsem edministreta.

Tasol long Mande apinun,

edministreta i tokim *Wantok Niuspepa* olsem em i no wari long kamap long ai bilong kot. Bikos olgeta samting i stap insait long taim ol i makim em long wok edministreta i bihainim lo.

"Mi toktok pinis wantaim ol loya long opis bilong Atoni Jenerel. Na tu mi salim pinis sabmisen bilong mi i go long ol bilong banisim mi long kot," Mista Kanawi i tok.

Olsem na em i tok tasol long stap isi na lukim wanem tingting kot bai givim long dispela.



Kanage i bilong Kuba long hap bilong PS Kantri yet. Wanpela taim em i kalap long wanpela PMV kam na i laik go long Wewak taun. Antap long dispela PMV ka, Kanage i sindaun klostu long wanpela yangpela mama. Draiva bilong dispela PMV ka i no isi long spitim ka. Ka ya i ron olsem wanpela smok balus bilong Siapan. Long hap rot nau wanpela pik kalapim rot na i laik go long hapsait. Em nau draiva i lukim olsem na em i krungutim brek bilong ka hariap tru. Mekim na olgeta pasindia i laik sut olsem roket bilong ol Amerika i go ausait long ka. Kanage tu i pundaun i go na han bilong em i tasim praivet samting bilong dispela yangpela mama. Taim ol i go kamap long Wewak taun, meri i go na kisim plis long Kanage. Em nau ol plis i go na holimpasim Kanage na kisim i go long plis stesen. Long plis stesen, ol plis mas i askim meri ya long givim ripot bilong em. Yangpela mama ya givim ripot bilong em pinis nau ol i askim Kanage long givim ripot bilong em. Em nau Kanage i tokim ol plisman olsem: "Yupela save, pasin bilong haitim i no gutpela. Mipela i ron long ka i kam na draiva i lukim wanpela pik na em i krungutim brek. Mekim na mipela olgeta pasindia i laik plai i go ausait long ka. Em nau mi pundaun i go na han bilong mi i go na tasim praivet samting bilong em. Sopus mama ya i no wanbel long dispela, orait yupela i ken givim tok orait long em na em i bekim bek na holim praivet samting bilong mi."

Willie An'on  
Ku Nava, WEWAK



*Kam na yumi go long haus win....Ol bikman na sief bilong ples Inauil long hap bilong Bereina long Sentrel provins i kisim Gavana Jenerel Sir Wiwa Korowi wantaim meri bilong em Ledi Korowi i go long haus win bilong ol sief. Dispela em logng las wik Sarere taim Sir Wiwa i givim namba olsem SIR i go long Sief Ombudsman Komisina Charles Maino long ples bilong em Inui. Foto: Elliot Raphael.*

## Yama sarapim minista bilong Komyunikesen

NESENEL memba bilong Sumkar ilektret long Madang, Peter Yama i tok Minista bilong Komyunikesen, Martin Thompson i no gat tingting long helpim ol pipel bilong Madang.

Memba bilong Sumkar i mekim dispela toktok long bekim ol toktok bilong Mista Thompson.

Mista Thompson i bin askim Mista Yama long no ken pilai politik nabaut na kisim Mista Kanawi i go long kot. Na tu em i askim Yama long wokbung wantaim edministreta na bringim ol sevis i go long ol pipel.

## Ol plisman bungim yet hevi bilong haus

**GODFRIED YASSAFAR i raitim**

PAPUA Niugini Plis Fos i gat bikpela hevi yet long painim haus bilong ol memba bilong en.

Plis Fos i no gat inap haus na planti plisman na plismeri i no stap long ol gutpela haus.

Komisina bilong Plis, Henry Tokam i bin tokaut long dispela hevi long las wik Trinde, 12 Janueri, 1994.

Komisina Tokam i tok planti plisman insait long kantri i no gat haus. Ol i stap wantaim ol wantok na save go long wok. Na planti arapela plisman tu insait long kantri i no stap long ol gutpela haus.

Mista Tokam i tok nau em i wok olsem plis komisina, em bai traim long stretim dispela hevi. Bikos dispela em i wanpela rot bilong mekim ol plisman i wok gut.

Em i tok narapela hevi long nau yet i olsem wok bilong ol plisman long kantri i wok long pundaun. Long wanem, ol bos long hetkwata i no wok gut. Em i tok ol bos long Mosbi i no save tok klia long ol bos bilong ol provins long rot na pasin em ol i mas bihainim long mekim ol plisman i wok gut.

Bikos long dispela hevi, ol plisman i kamapim ol arapela hevi. Bikpel tru em ol plisman i no save yusim gut ol samting olsem ol plis ka long wok. Planti i save yusim long kisim meri bilong ol i go i kam long maket, go long stua na haus sik na tu long

mekim ol narapela samting olsem.

"Hevi bilong lo na oda insait long kantri i wok long kamap bikpela. Na ol plisman i stap olsem ol man bilong mekim wok bilong lo na oda long lukautim ol pipel.

"Olsem na ol provinsal plis komanda i mas lukim olsem ol plisman bilong ol i yusim ka stret long wok. Na i no bilong yusim long ol wok bilong ol yet," Komisina Tokam i tok.

Em i tok moa olsem namba bilong ol pipel long kantri i go antap klostu long 4-pela milien nau. Tasol namba bilong ol plisman na plismeri i stap wankain yet long 5,000.

Dispela namba bilong ol plisman, em i tok, i no inap long luakutim sindaun bilong olgeta man, meri na pikinini long kantri.

Nupela Plis minista, Stanley Pii i tok em bai askim gavman long givim inap mani long Plis Fos. Olsem bai fos inap yusim dispela long helpim ol wok bilong en.

Mista Pii i tok tu oisem em wantaim Mista Tokam i kibung pinis wantaim ol bikbos bilong Plis Fos. Na ol i oraitim tingting bilong em wantaim Mista Tokam bilong go long olgeta provins. Na kisim tru ripot bilong wanem kain hevi ol plisman i gat long en. Na tu long luksave long wanem kain hevi bilong lo na oda wan wan provins i gat na i wok long bungim.

## Yut lida tu autim bel hevi

WANPELA yut lida bilong Sentrel provins i tok olsem hevi bilong rot i pasim ol yangpela long mekim planti wok bilong autim Gutnius na bung wantaim.

Presiden bilong Poregana Katolik Yut, John Gabi i tok insait long hap bilong em, rot bilong go na kam i hat tru.

Em i tok taim em i kisim tok save long Mosbi na laik givim long ol arapela yut grup insait long peris bilong em, dispela i save hat tru. I gat sampela olsem 20 yut grup insait long dispela peris.

Mista Gabi i tok dispela hevi i bikpela tru insait long olgeta hap bilong Rigo. Bikos ol i stap long ples maunten na i no gat gutpela rot bilong ol long go i kam.

## SOME PEOPLE DON'T TAKE STUDYING BY MAIL SERIOUSLY

Some people believe that you cannot get a good education through Distance Education. Some people believe that, because you are getting your education through a correspondence school, you don't have to work for your diploma or your degree. Some people confuse "phony degree mills" with legitimate Distance-Education Schools. If you are one of these people, don't read any further.

ICS is looking for people who take their education SERIOUSLY, whether attending a traditional college or studying by mail. We are looking for people who will apply themselves and work hard to get the full value of the training that ICS offers. Diplomas and Degrees are issued upon successful completion of a course accredited by the National Home Study Council...your guarantee of a quality education. If you take your education seriously and want to train for a new career or improve your job skills for advancement in your present job, ICS may have the right career training for you. Choose from 60 career courses listed below. Select the one career field you would like to train for and indicate that choice in the coupon below. Cut out this ad and mail it to ICS TODAY. We will send you a detailed course outline and tuition schedule by return Airmail. There is no obligation.

**SEND FOR FREE FACTS—NO OBLIGATION** 743G  
International Correspondence Schools, Dept. TTT14  
Box 1900, Scranton, PA 18501-1900 U.S.A.

- THE World's Recognized Leader in Home Study Training for More Than 100 Years.**
- ASSOCIATE IN SPECIALIZED BUSINESS DEGREE PROGRAMS**
- 60 Accounting
  - 61 Accounting
  - 80 Business Management with option in Marketing
  - 81 Business Management with option in Finance
  - 64 Applied Computer Science
  - 68 Hospitality Management
- ASSOCIATE IN SPECIALIZED TECHNOLOGY DEGREE PROGRAMS**
- 67 Electronics Technology
  - 63 Civil Engineering Tech.
  - 62 Mechanical Engineering Tech.
  - 65 Electrical Engineering Tech.
  - 66 Industrial Engineering Tech.
- Get FREE Information—MAIL ENTIRE AD TODAY OR FAX TO 717-343-8462**
- Write the number of the one career that interests you
- CAREER DIPLOMA PROGRAMS**
- 01 Computer Programming in BASIC
  - 07 U.S. High School Diploma
  - 02 Electronics
  - 05 Hotel/Restaurant Management
  - 13 Professional Secretary
  - 35 Travel Agent
  - 14 Air Conditioning & Refrigeration
  - 32 Art
  - 59 Catering/Gourmet Cooking
  - 20 Medical/Dental Office Assistant
  - 51 Fashion Merchandising
  - 33 Motorcycle Repair
  - 52 Surveying & Mapping
  - 22 Wildlife/Forestry Conservation
  - 47 Animal Care Specialist
  - 260B Building Trades
  - 106 General Business
  - 16 Practical English
  - 89 Small Engine Repair
  - 50 Starting Your Own Business
  - 08 Legal Assistant
  - 69 Computer Programming in COBOL
  - 48 Computer-Assisted Bookkeeping
  - 42 Dressmaking & Design
  - 87 TV/Video Repair
  - 04 Auto Mechanics
  - 12 Interior Decorating
  - 18 Bookkeeping
  - 06 Electrician
  - 03 Child Day Care
  - 38 Personal Computer Specialist
  - 29 Police Sciences
  - 10 Private Security Officer
  - 09 Legal Secretary
  - 55 Diesel Mechanics
  - 94 Fitness & Nutrition
  - 85 Drafting
  - 260A Architecture
  - 260C Machine Shop
  - 161 Engineering
  - 41 Journalism/Short Story Writing
  - 40 Photography
  - 70 Computer-Assisted Small Business Mgmt
  - 79 Electronics Technician
  - 91 Cartooning
  - 25 Firearms Repair
  - 27 Personal Computer Repair
  - 26 Teacher Aide
  - 30 Floral Design

PLEASE PRINT  
MR / MRS / MISS \_\_\_\_\_ AGE \_\_\_\_\_  
ADDRESS \_\_\_\_\_  
CITY \_\_\_\_\_ POSTAL CODE \_\_\_\_\_  
COUNTRY \_\_\_\_\_ (PHONE) \_\_\_\_\_



# TU MINIT TINGTING OL PLAWA I GAT TOK LONG YUMI

LONG olgeta hap bilong PNG i gat ol plawa. Ol plawa i save swim antap long ol raunwara bilong Sepik na Ramu na ol i save holimpas ol ston i stap antap long ol maunten. Ol plawa i naispela samting. Olsem Jisas yet i bin tok long Luk 12:27, "Long taim King Solomon i bilas nogut tru, em i no inap long bilas bilong ol plawa nating."

I gat planti tausen plawa long PNG na olgeta ol i gat wok bilong ol. Ol i gat planti kain kala; planti i gat naispela smel; ol i save bilasim ol ples we ol i sanap i stap. Nabaut long ol haus bilong ples na tu nabaut long planti haus long taun i gat ol plawa.

Yumi save yusim ol plawa bilong bilasim haus na skul na haus lotu. Ol plawa i save bilasim banis na gaden. Long taim ovasis man o meri i kamap long PNG namba wan taim, yumi save welkamim em wantaim ol rop plawa yumi putim nabaut long nek bilong em.


Yumi save tok olsem: ol plawa i olsem smail bilong God. Ol meri na ol man tu i save putim plawa long gras bilong ol. Long

taim bilong singsing, het na bodi bilong yumi i karamap long olkain plawa na lip i gat gutpela smel. Long taim yumi gutbai long matmat, yumi tromoim ol wan wan plawa i go antap long bokis matmat bilong man/meri i dai pinis.

Ol plawa ol i olsem yumi manmeri. Ol i gat tripela bikpela taim long laip bilong ol. Taim plawa i yangpela tru, em i olsem wanpela liklik bal tasol i hangamap long wanpela liklik stik. Dispela em i makim taim yumi liklik bebi yet, ating yumi stap long bel yet.

Namba tu taim bilong plawa em i long taim em i op naispela na i soim olgeta lip na kala bilong em na em i salim gutpela smel i goaut. Dispela i makim taim yumi manmeri i groap na bodi na pes bilong yumi i kamap naispela, na pes bilong yumi em inap lait olsem wanpela plawa.

Namba tri taim bilong plawa em i long taim em i go lapun; nau ol lip bilong em i pundaun na kala i lus na gutpela smel tu i



FRANK MIHALIC i raitim

lus. Tasol lukaut, sapos dispela plawa i stap long wanpela tri i save karim prut, orait, nau tasol plawa i pundaun na prut i stat long gro. Yu lukim laulau o aiai tasol bilong lukim dispela. Na dispela taim bilong plawa i makim yumi long taim yumi kamap lapun. Tasol lukaut, nogut yumi tromoim ol lapun... ating ol i bin givim laip bilong ol bilong kamapim wanpela prut.

Yesa, plawa bilong laip bilong ol i laik pinis, tasol prut i kamap nau.

Orait, nau yumi wokim liklik skul long dispela tripela taim long laip bilong ol plawa. Sampela yumi i olsem plawa i nupela yet na em i pasim olgeta lip bilong em insait long wanpela liklik bal yet. Ating yumi manmeri bilong pret. Ating yumi sem long soim olgeta bilas na save bilong yumi. Olsem na yumi hait i stap, na ol strong bilong yumi i hait i stap. Ating yumi pret na yumi no opim laip bilong yumi.

Olsem lait bilong san i opim ol liklik plawa, olsem tasol pasin bilong laik, na pasin bilong trastim narapela, na pasin bilong bilipim narapela na pasin bilong presim narapela, na pasin bilong soim interes long narapela - ol dispela i opim laip bilong ol: olsem san i opim plawa.

Long taim yumi hepi na sindaun gut na stap gut na amamas, yumi olsem plawa i op

pinis na i bilasim olgeta samting nabaut long en. Maski kala bilong yumi o sais bilong yumi - olgeta plawa na olgeta manmeri tu ol inap long mekim ol manmeri i belgut na i hepi.

Plawa i lapun pinis em i save larim het bilong en i pundaun olsem het na pes bilong man/meri i kraio i bel nogut. Dispela kain plawa tu i makim man o meri i save pret tumas na i save wari tumas na i save givap kwiktaim tumas. Kain man/meri olsem i no inap bilasim laip bilong ol manmeri nabaut olsem wanpela naispela plawa. Oltaim em i luk lapun.

Las tok bilong mi i go long klaim tok long ol plawa yumi katim na putim insait long botol na sanapim antap long alta bilong bilasim em. Bikos yumi bin katim pinis dispela plawa, nau em i mas dai. Em i givim laip bilong em long God; na long dispela we em i kisim ples bilong yumi manmeri husat tu i bin kisim laip bilong yumi long God... na nau yumi laik givim bek. Plawa i piksaim dispela aidia na laik bilong yumi.

# Glasing na strongim nau wok lotu, Sir Julius

## VERONICA HATUTASI i raitim

"EM i taim nau bilong ol Kristen sios insait long PNG long glasing na strongim ol wok bilong ol na lusim tingting pastaim long kirapim tumas wok long planti arapela hap bilong kantri."

Deputi praim minista na minista bilong Foren Afeas, Sir Julius Chan i bin mekim dispela tok tok long Fraide, Janueri 14, em long las de bilong Luteran sinod long Mosbi.

Dispela bung i bin stap inap long wanpela wik.

Sir Julius i bin askim tu ol Kristen sios long wanem as tru na ol i slek nau long ol wok bilong ol. Em i tok ating dispela i kamap bikos

pawa bilong ol arapela samting bilong graun i win o ating i no gat

inap ensel bilong lip-timapim na karim ol gutpela wok i go.

Long nau tu, planti liklik lotu i kam insait long kantri na kamapim ol

hevi insait long komyuniti, ol pipel na ol bikpela Kristen sios husat i stap wok long kantri moa long 100 yia pinis olsem ol Luteran,

Katolik, Yunaited, Engliken na Seven De Edventis sios. I no gat hap insait long mama lo bilong kantri em i pasim ol kain kain lotu

bilong kam insait long PNG.

Long bekim ol askim bilong wanpela sinod delegeet long dispela, Sir Julius i tok gavman bai lukluk long hevi bilong ol sios na planti Kristen manmeri long kantri.

Mama lo bilong PNG i no olsem Buk Baibel em no gat man inap long senisim. Tasol gavman inap long kamapim senis long mama lo em i givim fridom long ol man long kam na lotu long laik bilong ol.

Sir Julius na gavman bilong PNG i luksave tu long ol 5-pela Kristen sios husat i bringim lotu na ol sevis olsem helt, skul, ol sosol sevis na mekim bikpela wok long developmen bilong PNG na ol pipel. Ol Kristen


sios i lukautim moa long 80 pesen bilong ol rurel helt sevis insait long kantri.

Orait 50 pesen bilong ol skul na helt sevis insait long kantri i kam aninit long lukluk bilong ol sios. Na 80 pesen nes trening i stap aninit tu long han bilong ol sios, Sir Julius i tok.

Na em i bikpela samting tru olsem gavman i mas luksave long dispela.

Long baset bilong dispela yia, ol sios i bin kisim K13 milien long helpim ol long mekim ol wok bilong helt na edukesen insait long kantri.

Gavman i givim bikpela luksave long dispela na i bin givim hap mani long ol. Na i go moa long pes 13



• Ol dispela lain manmeri i mekim bikpela wok tru long olgeta de. Hia em ol i wok long kisim ol ID kat bilong olgeta sios delegeet husat i go insait long taim bilong sinod.

# Ol bikpela savelain lukautim ol Katolik yut bilong Mosbi

## EDDIE SAUNDERS i raitim

MOSBI Katolik Yut Kaunsil i gat ol nupela eksekutiv bilong holim wok long dispela yia.

Tasol ol lain husat i kisim ol wok i no ol man na meri nating. Nogat. Olgeta i gat namba pinis.

Kaunsil i bin makim ol nupela opisa bilong en long las wik Sarere. Bung bilong mekim dispela i bin kamap long Sivarai Namona, sampela kilomita longwe long Mosbi.

Man husat i hoiim wok olsem siaman em Gabriel Maroa bilong ples Keram long hap bilong Is Sepik provins. Dispela em i namba tri taim bilong em long holim dispela wok.

Ausait long dispela wok, Gabriel i save wok wantaim NBC long Mosbi.

Na em i memba bilong planti komiti na bod insait long ol wok bisnis na pablik sevis.

Insait long wok bilong ol yut, Gabriel i stap tu olsem wanpela memba bilong Nesenel Yut Sevis Edvaisori Bod wantaim NCD Yut Bod.

Siamer em wanpela yangpela meri bilong Gailala long Sentrel provins.

Rufina Peter em i wanpela memba bilong Gerehu Katolik Yut na em i bin go winim skul pinis long ol yunivesiti bilong Papua Niugini na ovasis. Nau em i holim wanpela digri long wok bilong Egrikalsa Saiens.

Man husat ol i makim bilong bosim ol wok bilong mani em Paul Hasa bilong Kerema long Galp provins. Na em i wanpela yut lida bilong ol lain yangpela yut bilong Sabama.



• Olgeta man na meri wantaim pikinini i putim gut tru yau na harim ol toktok bilong namba tu praim minista na minista bilong Foren Afeas, Sir Julius Chan. Sir Julius i bin kamap long las de bilong bung.



# Bilip long God na em bai kisim yumi

**Dia Edita**  
Mi wanpela meri PS tasol nau mi stap long Kimbe. Mi laik bekim pas bilong brata long Ramu Suga. Mi laik egensim pas bilong em i bin kamap long *Wantok Niuspepa* long Novemba 25.  
Brata, mi lukim olsem

yu toktok long tingting bilong yu o yu longlong liklik. Mi laik askim yu olsem yu save ritim buk Baibel tu o nogat? Buk bilong God i tokim yumi olsem man husat i lusim olpela bel na bihainim ol gutpela pasin bilong Jisas em God bai kisim yumi

long taim yumi dai. Aposel 16:31 i tok olsem yumi mas bilip na God bai kisim bek yumi. Sori tru brata, mi laik tokim yu olsem yu no bin skul liklik long tok bilong Bikipela. Sopus yu skul, ating bai yu save long ol tok i tru.

Brata, mi laik tokim yu olsem yu mas tanim bel bilong yu nau na senisim laip. Yu mas bilip long Bikipela na bai God i ken kisim yu bek. Em tasol liklik skul bilong mi long yu.

**Maria Alois KIMBE**

# Wok bilong plis long Minj pundaun olgeta

**Dia Edita**  
Plis inap yu putim dispela liklik wari bilong mi wantaim ol famili bilong mi long Niuspepa na bai Minista bilong Plis na PPC bilong Isten Hailans iken lukim. Dispela plis stesen komanda taim em i kam na wok long asples bilong em, i luk olsem em i save wok insait long wanpela

bokis ais ya. Na em i save stap kol tasol. Em i no save wok strong. Na tu dispela man i wanpela asples man na em i save mekim wantok sistem. Dispela kain pasin i mekim na Minj i bagarap stret long wok bilong plis. Ol nupela plisman na meri i kam long mekim wok i lusim interes na

wok bilong plis i pundaun olgeta long Minj.

Mi laikim olsem PPC na Minista bilong Plis i mas senisim dispela kain man na kisim nupela bos i kam long Minj. Dispela em bikos Minj em wanpela bikipela distrik na, i gat bikipela populesen. Na tu em i wanpela trabel taun.

Maski long putim wankain man. Em bai slek na stesen bai slek tu. Na olgeta wok bai pundaun olgeta. Em tasol na sopus yu husat i laik sapatim o egensim mi, rait tasol long *Wantok Niuspepa* na mi bai amamas long ritim.

**Mista Tumun Duffe Minj Taun**

# Ramu Suga, Gusap na Dumpu no stap long Morobe provins

**Dia Edita,**  
Olsem wanpela manki bilong Madang provins mi no amamas long lukim long niuspepa olsem *Wantok na Pos Korja* ol ripota i tok Ramu Suga, Gusap na Dumpu olsem hap bilong Morobe provins. Tripela ples ya i stap insait long Madang. Tasol long bodamak bilong Madang na Morobe provins. Mipela ol pipel bilong Madang i save olsem ol pipel bilong dispela tripela ples i stap insait long Apa Ramu distrik bilong Madang provins. Na ol i no stap insait long wanpela distrik bilong Morobe provins.

Mi askim yupela ol ripota long sekim gut kain ol liklik samting olsem pastaim long yupela i putim raitim long nius pepa. Bikos planti pipel i no wanbel long dispela pasin en yupela i putim Ramu Suga, Gusap na Dumpu i stap long Morobe provins. Baudri mak bilong Madang provins em i abrusim Ramu Suga na i kam liklik klostu long Wara Rais. Yu husat man o meri i gat toktok long dispela, rait i kam tasol long *Wantok Niuspepa* na mi ken lukim. **Alphonse Boina LAE.**

# Ol skul pikinini no wok

**Dia Edita,**  
Mi wanpela manki Madang. Tasol nau mi stap na skul long Kimbe long Wes Nu Briten provins. Mi no amamas long wanpela pasin sampela PMV long Kimbe taun i save mekim long abrusim mipela ol skul sumatin. Taim mipela i stapim bas draiva i no save stapim bas. Ol save spid tasol i go. Tasol taim ol meri i stapim bas, ol i save stap na kisim ol. Dispela pasin em i no gutpela. Mi ken tok olsem dispela ol PMV draiva em ol meri pas lain stret ya. Narapela samting tu em sopus mipela i baim bas wari, aiam liklik mani olsem skel bilong ol sumatin, ol draiva na boskru i save krosim mipela. Mipela ol skul manki i no wok mani na bai mipela i bai baim bas long mak bilong baim bas. Em tasol liklik komplek bilong mi. Husat manmeri i laik sapatim o egensim mi, rait i kam tasol long *Wantok Niuspepa* na bai mi lukim. **Finjon Familo KIMBE**

# Inap ol plisman long Bialla sekim Sad Eyes PMV ka

**Dear Edita**  
Mi laik mekim bikipela apil bilong mi go long C.I.D bilong plis dipatmen long Bialla. Inap yupela i mekim wanpela wok painimaut long wanpela PMV ka i save ran long Bialla. Nem bilong dispela kar ya em *SAD EYES*. Na papa bilong kar ya em Kaspar. Yupela save long wanem hap man ya i kisim mani na baim dispela ka? Man ya i no wanpela wokman. Em wanpela man bilong raun nating. Olgeta man meri long Bialla i save em i kisim mani we na baim dispela ka. Dispela mani em ol i bin hensapim wanpela ka bilong Hargy na stilim K19,000 long Lobo bris namel long Balima rot. Namba wan ka em ol i kolim Konex em wanpela blupela bas. Ol i

# Mipela bihainim tasol histori

**Dia Edita**  
Mi wanpela mangi Manam ailan tasol nau mi stap long Wes Nu Briten provins. Mi laik bekim pas bilong Baltazar Mango i bin kamap long *Wantok Niuspepa* long Fonde, Disemba 30 1993. Brata ya i bin komplek long dispela de mama Maria i bin karim Jisas. Brata, yu tok olsem yu no wanpela kristen manki. Tasol yu egensim dispela deit Disemba 25 em Maria karim Jisas. Yu tok olsem dispela dei em wanpela bikipela man bilong Katolik sios i bon. Brata, mi laik tokim yu olsem i no gat wanpela bikman bilong Katolik sios i kamap long dispela de. Tru long

Baibel i no gat wanpela hap i tok olsem Jisas i kamap long dispela de. Tasol sopus yu lukluk gut tru i go bek long taim bilong ol Juda man, ol i no save makim dispela de olsem krismas de olsem nau yumi save mekim. No gat tru. Bilong wanem na ol bikman bilong Katolik sios i makim dispela de Disemba 25? Bikos ol i bin painim dispela de Disemba 25 long kalenda bilong ol Juda man na tu ol i laik mekim dispela de bai yumi olgeta manmeri i mas save na lotu long pikinini bilong God. Em i bin kamap long dispela de. Brata, yumitupela bilong nau tasol na sopus wanem samting

yu no klia tumas, yu mas Tukim wanpela pater o pasta long helpim yu. Na no ken toktok na bagarapim narapela sios nating. Bikos God i no laikim dispela pasin. Brata, laspela toktok bilong mi olsem mipela ol Katolik i no save egensim wanpela sios o lotu. Tasol yupela ol narapela sios i save bagarapim mipela ol Katolik. Brata, Katolik sios i stap na olgeta lotu i kamap isi isi. Na save bilong lotu yupela kisim we? Em liklik tingting mi gat. Sopus yu husat brata o susa i laik bekim pas bilong mi, em i orait tasol. **Francis Kay Fragile KIMBE**

# Ol SinaSina daunim nem bilong Simbu

**Dia Edita,**  
Mi wanpela man Simbu. Mi no amamas tumas long lukim ol wantok bilong mi i stap nabaut long ol narapela taun insait long PNG. Mi lukisave olsem sopus wanpela wantok i wok long taun na i gat wanpela haus, olgeta wanlain bilong em bai i

go na pulap long dispela haus. Na kain kain samting bai i kamap. Kain olsem wokim ol liklik maket ples, sampela i save bungim ol meri na mekim pamuk pasin, kros na pait nabaut long ai bilong pablik na na tu ol arapela samting. Dispela em i no wanpela gutpela pasin.

Sampela long ol dispela pipel em ol bikipela man husat inap stap long ples na lidim ol pipel bilong ol. Planti long ol i mekim dispela pasin em ol lain bilong SinaSina. Plis ol gutpela wantok bilong mi, yupela bagarapim nem bilong Simbu ya. Mi laik askim ol lida bilong mipela long nesenel palamen na tu long ples long wokbung wahtaim na askim ol pipel Simbu em ol i stap nabaut long ol arapela taun long go bek long provins bilong ol. **Francis Ande SIMBU**

# LAIKIM PENPREN

- Nem:** Hencely Nore  
**Krismas:** 20  
**Adres:** Ramu Sugar Limited, Bora Section, P O Box 2183, Lae, Morobe Province
- Save Laikim:** Pilai soka, basketbal na volibal na tok pilai.  
**Nem:** Alfssco Modssco  
**Krismas:** 19  
**Adres:** P O Box 685, Kimbe, WBNP
- Save Laikim:** Pilai soka, harim musik, lukim vidio na go lotu.  
**Nem:** Andy N Koldop  
**Krismas:** 21  
**Adres:** Igam SDA Chapel, P O Box 3076, Lae, Morobe Province
- Save Laikim:** Baibel stori, raitim pas, pilai spot.  
**Nem:** John Syndelin  
**Krismas:** 23  
**Adres:** Igam SDA Chapel, P O Box 3076, Lae, Morobe Province.
- Save Laikim:** Lotu, raitim pas, pilai spot na harim musik.

# Ol meri long Goroka taun kamap olsem ol man

**Dia Edita**  
Mi wanpela manki long Sauten Hailans tasol nau mi stap long Goroka. Mi laik autim liklik wari bilong mi long *Wantok Niuspepa* em mi save lukim long Goroka taun. Mi stap long Goroka na mi save lukim olsem ol meri bilong PNG i save putim jin trausis, werim danlop su o haikat na raun long ol taun.

Man olgeta hap bilong Goroka taun i bagarap stret long ol dispela ol meri ya. Na olgeta stua long Goroka i no gat wanpela jin trausis i stap. Ol meri i pinisim jin trausis bilong ol man na ol man i painim taim stret. Na tu ol man i lukim ol meri i kamap olsem ol man. Taim ol man i save lukim ol, ol i save guria. I luk olsem i no long-

ranim long 7-pela mun tasol na ol i tredim na baim *SADEYES 1*. Bihain long 5-pela mun ol i tredim gen na kisim *SAD EYES 2*. I no longtaim i go pinis, olsem lain tasol i bin hensapim wanpela man Siapan husat i bos bilong wanpela kampani ol i kolim Sing Asonua. Tasol man ya i paitim ol na ol i kilim em i dai. Dispela ol raskol taim bai ol i werim stokmen su nau. Jin trausis na yakka siot bilong ol man i pinis. Ol su tu i pinis. Mi lukim dispela pasin i no gutpela long werim ol samting bilong ol man. Em i gutpela tru long werim ol samting bilong yupela yet.

**Tua Tom Walu GOROKA**

# Tingim laip bilong ol pasindia pastaim

**Dia Edita,**  
Mi laik sapatim pas bilong Graham Michael bilong Kimbe. Pas bilong em i bin kamap long *Wantok Niuspepa* bilong Novemba. Planti taim mi save go kam long ol pasindia sip. Na long dispela ol taim, mi save lukim ol meri i

tck pilai i stap wantaim long ol lain boskru na kepten bilong sip. Na tu ol i save go long rum bilong ol boskru na mekim pasin nogut wantaim ol. Dispela ol manmeri i no tingim hamas pasindia i stap long sip na ol i wokim kain pasin

nogut olsem. Yupela i mekim ol dispela pasin nogut, yupela i no pret long buk solwara? Traim na liptimapim nem bilong God na em bai i lukautim yupela long sip. Sopus yumi wokim sin, bai yumi dai ya. **Francis Mondo Bialla, KIMBE**

# LAIKIM PENPREN

- Nem:** Jackson Wonino Hihimou  
**Krismas:** 22  
**Adres:** C/- Joe Koa, P O Box 229, Vanimo, Sandaun Province.
- Save Laikim:** Harim musik, stretim redio, tok pilai, ron long aut bot moto na stori wantaim ol yangpela meri.  
**Nem:** Pakau Parage  
**Krismas:** 19  
**Adres:** Kapiura Plantation, Bilomi Division 2, P O Box 451, Kimbe, WBNP
- Save Laikim:** Pilai soka, lukim vidio, raun lukim ples, wok gaden pas.  
**Nem:** John Ove  
**Krismas:** 24  
**Adres:** C/- P O Box 2343, Lae, Morobe Province
- Save Laikim:** Pilai spot, waswas, malolo long wiken na wok.  
**Nem:** A. Joel Sukenai  
**Krismas:** 25  
**Adres:** P O Box 20, Kiunga, Western Province.
- Save Laikim:** Ritim Wantok Niuspepa, harim musik, tok pilai na stori.  
**Nem:** Lings Lem  
**Krismas:** 21  
**Adres:** SBLC Buluma, PO Box 162, Kimbe, WBNP
- Save Laikim:** Pilai soka na volibal, waswas na raitim pas.





*Nupela bebi kamap....*Long Sarayevo i gat bikpela pait i stap yet. Na planti famili i lusim ples bilong ol na i go stap long ol refusi kem. Dispela man ya, Mehmed wantaim meri bilong em Zejrika i gat nupela bebi long stat bilong dispela yia long refusi ken tupela i stap long em. Pikinini bilong tupela em i namba wan pikinini long kamap long wanpela refusi kem long Sarayevo long dispela yia.



*Haus paia olgeta....*Wanpela man wantaim tupela pikinini bilong em i luk sore na wokabout raun sekim haus bilong ol em paia i kukim olgeta. Nogat wanpela samting i lep-olgeta i paia. Na nau ol i painim hatpela laip tru. Long dispela poto yu ken lukim simen tasol i lep na stap.



*Givim helpim....*Reveren Bradbury (putim sotpela trausis) i kisim wanpela sek mani long han bilong wanpela man. Ol manmeri i givim mani na tu ol arapela samting wanpela haus. Dispela em long wes Komo long Saut Sidni long Australia. Bikpela paia i kukim planti haus na kamapim planti arapela bagarap. Planti famili i lusim haus na ol arapela samting bilong ol.



*Bikpela paia kamapim bagarap....*Dokta Ramsay (namel) wantaim tupela arapela wanwok bilong em i wok long glasim ol bagarap em bikpela paia i kamapim long wanpela haus. Dispela em long wes Komo long Saut Sidni long Australia. Bikpela paia i kukim planti haus na kamapim planti arapela bagarap. Planti famili i lusim haus na ol arapela samting bilong ol.



*Wok hat long stopim paia....*Mis Sandra Levy bilong Wes Kosmo long Saut Sidni long Australia i wok long traim long kilim pala long haus bilong em. Bikpela paia i kamapim bikpela hevi long em wantaim ol arapela pipel long Wes Kosmo. Bagarap i kamap long olgeta samting bilong ol.



# YAMAHA

Marine




## Powering the Nation



### NIUELA NAMEL CONSOLE

I kam wantaim olgeta samtım, mekim olgeta samtım i wok long wanpela hap tasol na i gat ful stia sistem, dispela nupela console inap givim yu bikpela hap bilong lukluk, hevi bilong ol kago bai go long olgeta hap, na yu no inap wari long bot i tantanim nabaut. I gat i stap nau bilong ol 14ft, 19ft na 24ft model long olgeta stua bilong Ela Motors long Kantri.



### HAMAMAS TRU LONG WOKIM LONG PNG

Sampela bilong ol ekspiriens man stret bilong Kantri i save wokim ol dispela Yamaha FRP Bot long Milen Be Provins aninit long Yamaha Laisens bilong Japan, wantaim ol nupela Senta Console yunit. Mipela i hamamas tru long sapotim ol lain bilong yumi yet husat inap wokim ol top kwaliti samtım em mipela i save yu olsem yu ken hamamas long kisim na pinisim laik wantaim.

**YAMAHA**  
Marine

## Ela Motors



## LUTERAN SIOS SINOD namba 19... "God i Tok Mi Givim Yu, Yu Lukautim"

# Olpela bisop na namba tu kisim gen wok

VERONICA HATUTASI i raitim

## ...tasol i bin gat kain kain bel hevi na kros

BISOP Getake Gam i kisim bek gen wok bilong em olsem het bisop bilong Evangelikal Lutheran Sios bilong Papua Niugini (ELC-PNG).

Sinod kaunsil na ol memba bilong 12-pela sios distrik i bin makim Reveren Gam long las de bilong bung.

Dispela sinod bung bilong ELC-PNG i bin kamap long Mosbi na i stap inap long 5-pela de. Bung i bin stat long Mande na pinis long Fraide, Januəri 14, 1994.

Orait long wankain taim, ol i givim tu wok bilong namba tu bisop i go bek gen long Reveren Ray Rasowe.

Long taim bilong makim het bisop bilong sios, ol ripot i tok olsem 286 deleget em i karamapim sinod kaunsil na ol bikman bilong 12-pela ELC-PNG distrik i bin tromoi ol vot bilong ol. Na long taim ol i kaunim ol vot, Bisop Gam i kisim 97 vot. Man husat i kamap namba tu long em i kisim 87 vot.

Bisop Gam i bin holim dispela wok olsem het bisop inap long 12-pela yia nau stat yet long 1982.

I gat 4-pela narapela man husat i bin sanap resis wantaim Bisop Gam long dispela sia bilong het bisop. Man husat i kamap namba tu em Pasto Piandui Kumin (87 vot), olpela dairekta bilong Evangelisem insait long ELC-PNG. Orait bihain long tupela em pasto bilong Balob Tisa Koles long Lae, Pasto Jim Baital husat i kisim 67 vot, Bisop Ray Rasowe (namba tu bisop) i kisim 27 vot, na presiden bilong ELC-PNG distrik, Pasto Magob Krou i kisim tasol 7-pela vot.

Ol ripot i tok olsem Bisop Ray Rasowe i bin kisim bek wok bilong em olsem namba tu bisop bikos em i no bin risain long dispela wok. Olsem na long dispela as, sinod kaunsil i oraitim em long holim gen dispela wok.

Tasol bihain long vot, planti toktok i bin kamap long kain rot em het bisop wantaim namba tu bilong em i mekim long sanap long ileksen.

Ol ripot i tok wanem samting em Bisop Gam wantaim Rasowe i mekim i no stret na i brukim tu mama lo bilong sios. Bikos tupela i no risain long ol wok bilong tupela pastaim long tupela i sanap long ileksen.

Long dispela as, tupela sios distrik bilong Madang na Karkar i bin rausim nem bilong ol kendidet bilong ol long resis long sia bilong het bisop. Long wankain taim, ol i no bin tromoi vot long taim bilong makim het bisop na namba tu bilong em.


Ol lain bilong Kainantu distrik tu i no bin tromoi vot bikos balus bilong ol i lusim Mosbi long Fraide moning bilong go bek long ples. Olsem na namba bilong ol deleget husat i makim tripela distrik ya na i no tromoi vot em inap long 62 olgeta.

Dispela bel hevi tu i wokim na wanpela pasto i

brukim mama lo pepa bilong sios. Bel kros i kamap moa yet na sampela deleget i tokaut long kisim loya long glasim mama lo bilong sios na traim long stretim.

Bihain tasol long tok save i kamap olsem Bisop Gam bai holim gen wok olsem het bisop long narapela 4-pela yia, em i givim bikpela tok tenkyu long ol pipel husat i soim luksave na makim em gen olsem het bisop bilong ELC-PNG.

Wanpela wik sinod i bin lukluk long wok bilong ELC-PNG long kantri, wok bilong kisim Gutnius bilong Jisas i go long ol pipel, rot bilong daunim hevi i kamap namel long ol yangpela husat i laik kamapim ol nupela senis long pasin bilong bringim lotu long wok sios, wok bilong kisim ol sevis olsem helt, edukesen na ol sosol sevis i go long ol pipel long komyuniti em sios i karamapim, ripot bilong wok mani bilong sios na ol arapela bikpela samting.



• Pasto Piandui Kumin i bin kamap namba tu long taim bilong makim het bisop, tasol em i no kisim wok bilong namba tu sios bisop.

Wanpela wik sinod i bin lukluk long wok bilong ELC-PNG long kantri, wok bilong kisim Gutnius bilong Jisas i go long ol pipel, rot bilong daunim hevi i kamap namel long ol yangpela husat i laik kamapim ol nupela senis long pasin bilong bringim lotu long wok sios, wok bilong kisim ol sevis olsem helt, edukesen na ol sosol sevis i go long ol pipel long komyuniti em sios i karamapim, ripot bilong wok mani bilong sios na ol arapela bikpela samting.

Long dispela taim yet, tupela nesanel minista insait long gavman bilong Prai Minista Paias Wingti i bin givim sekmani inap long K4,000 i go long han bilong Bisop Gam. Ol i tok dispela mani i bilong helpim sios long ol wok bilong en.

Spika bilong Nesanel Palamen, Bill Skate i bin givim K2,000 taim ol i wokim lotu bilong opim sinod long Sande, Januəri 9.

Orait bihainim askim bilong Mista Skate, planti deleget bilong i go moa long pes 11



• Man husat i winim gen sia bilong het bisop, Reveren Getake Gam i sanap small bihain long em i win.

## Pe bilong spirit mas stap oltaim, Oposisen lida

LIDA bilong Oposisen long Palamen na rijonal memba bilong Galp, Chris Haiveta i bin mekim wanpela strongpela toktok tru long taim em i givim toktok long Trinde, 12 Januəri, 1994.

Klostu long ol pinis bilong ol toktok bilong em, Mista Haiveta i kisim hap het tok bilong sinod na i tokim olgeta Lutheran manmeri na pikinini husat i bung olsem, "Bikpela wok nau i stap long yupela long go pas olsem ol lida long spiiit na pasin bilong kantri. Na long wankain taim, long mekim mipela ol lida wantaim ol pipel long tingim dispela hap tok bilong God: 'Mi Givim, Yu Bosim Gut'."

Long taim em i givim toktok, Oposisen lida i bin amamas tru long nem bilong ol pipel bilong Papua rijon. Bikos insait long las 19 yia em sinod bilong Lutheran Sios i save kamap, 1994 em i namba wan taim bilong ol long holim long Mosbi.

"Na olsem wanpela nesanel memba bilong Papua rijon long Palamen, ating yupela inap luksave long dispela kain amamas em mi gat bilong kam bung wantaim yupela na toktok nau," em i tok.

Long ol toktok bilong em, Mista Haiveta i luksave tu olsem insait long namba wan 100 yia bilong Lutheran Sios taim em i stat long Simbang long Finsafen long 1886, nau em i kamap olsem namba tu bikpela lotu insait long kantri.

Luteran Sios nau i gat moa long 25,000 memba. Na em i gat gutpela rekot long mekim ol wok pasto na

wok misin insait long ol komyuniti. Long wankain taim, sios i kirapim tu planti skul, edpos, helt senta, haus sik na klinik long olgeta hap em i stap wok long en.

Long luksave bilong em, Mista Haiveta i tok dispela het tok bilong namba 19 sinod i gat wanpela bikpela as.

"Luteran Sios i laik askim ol lida na memba bilong en, na insait long ol em gavman na ol pipel bilong Papua Niugini long wanem gutpela rot i stap bilong yusim ol gutpela samting nau em kantri i gat long en. Dispela em olkain samting olsem ol pipel bilong en, gutpela wara, gutpela graun, diwai, kain gavman mipela i gat na ol lida bilong en.

"Ating bekim bilong dispela i stap ples klia. Mipela i mas yusim na developim ol dispela samting bihainim gutpela Kristen rot. Bikos mipela i no ol lain husat i wokim dispela samting, mipela i stap bilong lukautim tasol."

Oposisen lida i tok insait long dispela wok, pasin gridi na daunpasin i no gat rum long hia. Dispela kain pasin bilong lukluk antap na gridi na daunim ol arapela bai bagarapim tru olgeta gutpela wok em inap kamap long hap.

Long wankain taim yet, Mista Haiveta i sutim tu strongpela toktok long kain pasin planti lida bilong kantri nau i bihainim.

Em i tok, "Planti bilong mipela ol lida nau i wok long yusim namba na nem i go moa long pes 12



• Sampela lain memba bilong Lutheran Sios deleget long sinod i kam ausait na sanap malolo i stap bihain long ol i tromoi vot bilong ol long makim het bisop bilong sios. Bihain ol i painimaut olsem olpela het bisop i kisim gen wok wantaim namba tu bilong em.



# Toktok bilong kain kain hevi kamap long sinod

WANPELA wik sinod i bin lukluk long wok bilong ELC-PNG long kantri, wok bilong kisim Gutnius bilong Jisas i go long ol pipel, rot bilong daunim hevi i kamap namel long ol yangpela husat i laik kamapim ol nupela senis long pasin bilong bringim lotu long wok sios, wok bilong kisim ol sevis olsem helt, edukesen na ol sosol sevis i go long ol pipel long komyuniti em sios i karamapim, ripot bilong wok mani bilong sios na ol arapela bikipela samting.

Long dispela taim yet, tupela nesenel minista insait long gavman bilong Prai Minista Paais Wingti i bin givim

sekmani inap long K4,000 i go long han bilong Bisop Gam. Ol i tok dispela mani i bilong helpim sios long ol wok bilong en.

Spika bilong Nesenel Palamen, Bill Skate i bin givim K2,000 taim ol i wokim lotu bilong opim sinod long Sande, Janueri 9.

Bihain namba tu praim minista na minista bilong Foren Afeas, Sir Julius Chan i bin givim hap skelmani inap long K2,000 gen i go long sios long las de.

Sir Julius i tok gavman i luksave long bikipela wok ol Kristen lotu i mekim long kirapim PNG.

Luteran Sios wantaim

ol narapela 4-pela bikipela lotu olsem lotu Katolik, Engliken Sios, Yunaited na Seven de Edventis i mekim bikipela wok tru long givim sevis na helpim sindaun bilong ol pipel long kantri.

Na em i tok ol dispela lotu i papa tu long planti komyuniti na haikul insait long kantri. Wankain tu long ol helt sevis, nes trening, klinik na ol haus sik long kantri em ol sios i lukautim na ranim na givim trening i go long ol pipel bilong PNG yet.

Bilong luksave long bikipela wok ol lotu i mekim long dispela kantri, gavman i bin givim ol K13.2 milien

long baset bilong dispela yia, Sir Julius i tokim ol deleget long sinod.

Long dispela, ol lotu bai yusim hap bilong dispela mani long baim ol sios helt woka long wankain mak olsem ol gavman helt woka. Na tu long baim ol yunifom na arapela alauwens bilong ol wokman na meri.

Planti memba na ol bikman bilong 5-pela bikipela Kristen sios long kantri i wari long planti liklik sios grup i kam insait long kantri wantaim narapela kain pasin bilong lotu.

Dispela i kamapim hevi insait long planti liklik ples na komyuniti.

Tasol mama lo bilong PNG i givim fridom long olkain sios long kam insait long kantri. Na bihainim ol hevi nau i kamap, Sir Julius i tok gavman i glasim gen ol dispela samting na bai traim kamapim sampela senis long dispela. Bikos mama lo bilong kantri i no olsem Buk Baibel em no gat man inap senisim. Dispela em lo bilong graun na man i ken tanim na mekim em i moa gutpela.

Sir Julius i askim tu ol Kristen sios long PNG long wokbung oltaim wantaim gavman na strongim wok bilong sevim na skruim gut i go moa long pes 13



• Ol Luteran sios deliget i tromol vot bilong ol long balot bokis.

## Olpela bisop na namba tu kisim gen wok

i kam long pes 10 sinod i bin go lukluk raun long Nesenel Palamen. Na ol i amamas tru long dispela bikos em i bin namba wan taim tru bilong ol long go raun lukluk long bikipela haus bilong Stet long Mosbi.

Bihain namba tu praim minista na minista bilong Foren Afeas, Sir Julius Chan i bin givim hap skelmani inap long K2,000 gen i go long sios long las de.

Sir Julius i tok gavman i luksave long bikipela wok ol Kristen lotu i mekim long kirapim PNG.

Luteran Sios wantaim ol narapela 4-pela bikipela lotu olsem lotu Katolik, Engliken Sios, Yunaited na Seven de Edventis i mekim bikipela wok tru long givim sevis na helpim sindaun bilong ol pipel long kantri.

Na em i tok ol dispela lotu i papa tu

long planti komyuniti na haikul insait long kantri. Wankain tu long ol helt sevis, nes trening, klinik na ol haus sik long kantri em ol sios i lukautim na ranim na givim trening i go long ol pipel bilong PNG yet.

Bilong luksave long bikipela wok ol lotu i mekim long dispela kantri, gavman i bin givim ol K13.2 milien long baset bilong dispela yia, Sir Julius i tokim ol deleget long sinod.

Long dispela, ol lotu bai yusim hap bilong dispela mani long baim ol sios helt woka long wankain mak olsem ol gavman helt woka. Na tu long baim ol yunifom na arapela alauwens bilong ol wokman na meri.

Planti memba na ol bikman bilong 5-pela bikipela Kristen sios long kantri i wari long planti liklik sios grup i kam insait long kantri wantaim narapela kain

pasin bilong lotu.

Dispela i kamapim hevi insait long planti liklik ples na komyuniti.

Tasol mama lo bilong PNG i givim fridom long olkain sios long kam insait long kantri. Na bihainim ol hevi nau i kamap, Sir Julius i tok gavman i glasim gen ol dispela samting na bai traim kamapim sampela senis long dispela. Bikos mama lo bilong kantri i no olsem Buk Baibel em no gat man inap senisim. Dispela em lo bilong graun na man i ken tanim na mekim em i moa gutpela.

Sir Julius i askim tu ol Kristen sios long PNG long wokbung oltaim wantaim gavman na strongim wok bilong sevim na skruim gut save, sindaun na laip bilong ol pipel long kantri.


Em i tok moa tu olsem insait long las 100 yia, ELC-PNG wantaim ol arapela bikipela lotu i bin sanapim as bilong trupela Kristen bilip insait

long planti hap bilong PNG. Ol misineri husat i bin kam pastaim wantaim Gutnius bilong God i no wari long wanem hap ol i go long en, maski ples i stap antap long bikipela maunten, ol liklik ailan o long bikbus, ol i bin redi tasol long mekim bikipela wok marimari na bringim lotu, skul, helt na ol arapela sevis i go long ol pipel.

Wanem hevi ol sios i gat, Sir Julius i askim olgeta lotu long lusim tingting long dispela na wokbung wantaim bilong strongim gutpela wok ol i mekim pinis bilong helpim ol pipel bilong PNG.

Sinod i pinis long las Fraide wantaim ol lain ovasis ELC delegesen i kisim presen long ol bikman bilong ELC-PNG na lotu bilong pasim sinod. Long wiken, ol deleget i bin lusim Mosbi na go bek long wan wan ples na provins bilong ol. Narapela sinod bai kamap long Simbu distrik long 1996.

# Yu mas baim long 10t tasol long olgeta stoa!



# 10t tasol!



# 5t tasol!

Sapos ol i askim moa... go long narapela stoa!



# Wok bilong LDS go insait tru long bikbus

LUTERAN Developmen Sevis i bin kirap wantaim as tingting bilong bringim helpim na ol wok kamap i go long grasrut pipel.

Long 1962, em i kamap aninit long nem bilong Lutheran Ekonomik Sevis olsem wanpela kampani em i no bilong pulim winmani. Na bikpela wok bilong en tu long dispela taim i bilong helpim wok bilong Lutheran Sios insait long

Papua Niugini.

Tasol long dispela taim em i stat i kam inap nau, as tingting long wok bilong en tu i senis. Long wok bilong kirapim ol bisnis projek, em i kalap i go long ol selphelp na rurel program.

Bihainim dispela senis, ol program bilong Yangpela Didiman, Marikalsa Projek na Infrastraksa divisen i kamap long en. Em nau nem tu i senis i go

long Lutheran Developmen Sevis (LDS).

Bikos long kain bikpela bilip em Lutheran Sios i gat long kirapim wok insait yet long ol memba bilong en pastaim, em i givim dispela wok bilong helpim ol grasrut pipel i go long LDS.

Tasol long mekim dispela olgeta wok i kamap tru na ran gut, LDS i lukim olsem i no gat wanpela samting i paul o kapsait i go

insait long narapela insait long wok bilong bodi, wok bilong laip na sindaun na amamas, wok bilong ol pasin tumbuna na pasin bilong ples, wok bilong spirit wantaim wok bilong bisnis.

Bikpela wok bilong helpim ol yangpela man na meri tu i stap long han bilong LDS. Na dispela long planti hap bilong kantri em Lutheran Sios i wok long en i karim gut tru kaikai.

Bikos long olgeta hap nau, planti yangpela tru i stap insait long ol yut wok bilong sios. Na tu ol i holim ol wok olsem ol yut lida na kirapim ol yut grup nabaut long ples.

Namel long dispela, LDS i lukluk tu long wok bilong kirapim tingting bilong ol pipel bilong ples long sanap long lek bilong ol yet. Na i no long stap oltaim na askim long helpim bilong ol arapela.

Wanpela gutpela program tru em ol lain bilong LDS i save ranim olgeta taim bilong helim ol pipel bilong ples em dispela Yangpela Didiman Wokabout Skul.

Dispela kos i save

stap inap long 10-pela mun insait long ol ples. Na em i olsem samting ol opisa bilong LDS i wokim na ol pipel i bihainim na lainim wantaim.


Tasol oltaim long olgeta wok bilong en, LDS i save sutim long gutpela Kristen pasin na laik.

Maski Lutheran Sios bilong Papua Niugini (ELC-PNG) i bin kirapim LDS, helpim bilong en i save go long olgeta kain pipel bilong PNG. Em i no save wari long wanem lotu ol dispela lain pipel i memba long en, bikpela samting em i ol pipel bilong ples insait tru long bikbus o biksolwara o bikmaunten.

Yangpela Didiman Program i bin kirap na stap insait long PNG inap 20 yia pinis. Na bikpela as tingting bilong dispela program em bilong kirapim na helpim ol pipel bilong ples long kamapim na stretim sindaun bilong ol.

Aninit long dispela program, ol pipel bilong ples yet bai stap insait long kos inap long 10-pela mun. Na bihain ol gen bai wok olsem ol voluntia developmen woka bilong helpim ol pipel bilong ol.

Bikpela hap bilong dispela kos i save sut oltaim long wok didiman.



• Ol bikpela lain manmeri na pikinini i kamap long namba 19 sinod bung bilong Lutheran Sios long Mosbi. Long foto em ol i bung i stap insait long Sir John Guise Stedlum long Mosbi.

## Pe bilong spirit mas stap oltaim

i kam long pes 10

bilong mipela long helpim mipela yet. Ol narapela i yusim dispela long tingting olsem mipela i stap antap long lo na winim tru ol arapela pipel."

Tasol em i tok dispela i no tru.

Long toktok bilong ol lida, em i givim sampela piksa long ol sios lida, ol plisman na ol papamama insait long famili.

Em i tok ol sios lida i sanap bilong bringim ol memba insait long kongriksen bilong ol long klia na save gut long God. Olsem bai ol inap stap bihainim ol skul na Tok bilong Em.

Long ol plisman, ol Plis Komanda em ol wokman bilong ol pipel. Ol i stap insait long sosaiti bilong banisim ol lain husat i no inap banisim ol yet. Na i no long larim wanpela raskol grup i kam insait na kamapim nabaut

pret namel long ol pipel.

Olsem na Mista Haiveta i tok, wan wan bilong mipela i gat wok bilong mekim olsem ol lida insait long sosaiti.

Long ol las toktok bilong em, Oposisen lida i askim olgeta lida bilong sios long wokim samting bihainim olsem rot em God i laikim long en olsem bai ol sios memba tu inap bihainim. Na olgeta dispela samting tu i mas pundaun aninit long mama lo bilong Lutheran Sios insait long Papua Niugini.

Na em i tok long olgeta ples insait long wol, i mas gat pawa bilong God na spirit bilong em i wok namel long ol manmeri bilong kamapim gutpela sosaiti.

## Tanim i go long Krai bikos em i helpman: Bisop Nassar

Bisop bilong Evangelikal Lutheran Sios bilong Jordan (ELC- Jordan), Nain Nassar i wanpela long ol ovasis deleget husat i bin stap long bikpela sinod bung bilong ELC-PNG long Mosbi las wik.

Bisop Nassar i no man bilong toktok planti, em i man bilong toktok isi. Tasol long wok, em i bisop bilong 2,000 Lutheran Sios memba husat i stap long Is Jerusalem.

Ol memba husat em i lukautim i bilong 6-pela Lutheran kongriksen insait long hap we pait na belkros i stap namel long ol Juda wantaim ol Palestain long hap em ol i kolim Wesbeng. Narapela kongriksen i stap long Amman insait long boda mak bilong Jordan.

Bisop Nassar i bin kam long sinod bihainim askim bilong Lutheran Sios bilong Bavaria long Jemeni. Na long PNG, em i kam sindaun long bung olsem man bilong lukluk tasol. Taim slaman na ELC-PNG i askim em, Bisop Nassar i givim tu liklik toktok bilong em.

Dispela em i namba wan taim bilong Bisop Nassar long limlimbur i kam long PNG. Na em i bin mekim gutpela toktok long dispela kantri na ol pipel bilong en.

Bisop i laikim tu gutpela san bilong Mosbi na em i tok, "Em i wankain tasol olsem gutpela sol bilong ol pipel bilong PNG we i pulap long gutpela tingting na pasin bilong helpim wanpela na narapela."

Nau em wanem kain stori em Bisop Nassar i wokim taim em i stori wantaim ripota VERONICA HATUTASI.

Ol pipel bilong Is Jerusalem i save holim paspot bilong kantri Jordan, maski ol i stap long Wesbeng em hap ples em Isrel i kisim insait long bikpela pait bilong Siks De Woa long 1967. Tasol nau bikpela hevi i stap yet long dispela hap.

Insait long taim em i stap na wok long hap, Bisop Nassar i bin lukim 6-pela bikpela pait. Ol pait ya i kamap namel long ol Isrel wantaim ol Palestain pipel.

Tasol em i tok dispela pait bilong 1967 i bin winim tru olgeta arapela. Bikos planti pipel bilong tupela sait wantaim i kisim bikpela bagarap na planti tu i bin dai.

Pastaim long Isrel i tekova long Is Jerusalem, dispela hap i bin stap aninit long lukaut bilong kantri Jordan.

Long hap bilong Is Jerusalem

em Bisop Nassar i lukautim ol wok bilong Lutheran Sios long en, i gat 5-pela skul bilong sios i kirap na wok i stap. Long ol dispela skul i gat moa long 3,000 sumatin wantaim samting olsem 200 skul tisa.

Bihain long 50 yia bilong pait-na kros namel long ol pipel bilong Palestain na Isrel, ol Palestain i bin amamas tru long las yia taim bikman bilong Isrel, Zitzak Rabin na lida bilong Palestain Libresen Oganaisesen (PLO), Jassar Arafat i sainim wanpela tok orait long mun Septemba long Amerika bilong toktok na stapim ol pait. Olsem bai bel isi na gutpela sindaun inap kamap namel long ol tupela lain pipel bilong ol.

Bisop Nassar i tok, "Ol grup husat i stap insait long ol toktok i gat bikpela tingting long painim

rot bilong pinisim hevi olgeta. Olsem bai bel isi na gutpela sindaun i ken kamap.

"Mipela long sios i strongim ol toktok long go het bikos sindaun bilong ol pipel i bagarap, planti man, meri na pikinini tru i dai pinis, planti pikinini i lusim ol papamama bilong ol, planti i stap long kalabus na planti arapela i stap olsem ol refuji.

"Ol man i les pinis long pait na ol i sapotim dispela pis agrimen em ol i laikim long karim kaikai," em i tok.

Bisop i tok long nau yet, i gat ol liklik lain pipel bilong Palestain tasol i wok long egensim dispela ol toktok bilong painim bel isi na gutpela sindaun. Long wanem ol i ting Isrel i no inap long givim planti bilong ol samting em ol i askim long en.

Tasol long narapela sait, ol lain pipel bilong Isrel husat i stap nau long Haifa, Tel Aviv na ol arapela liklik ples i pret tu long kam aninit long lukaut bilong Palestain sapos Isrel i lusim ol na ol i lukautim ol yet.

Dispela em i wanpela as na ol setla bilong Isrel i egensim ol toktok bilong kamapim gutpela sindaun. Bisop Nassar i tok samting olsem wan handed tausen pipel bilong isrel i stap long ol kain kain hap insait long hapsait bilong Wesbeng.

Lukluk i go bek long laip stori bilong em, mama i bin karim Bisop Nassar long wanpela liklik ples klostu long Jerusalem.

Bisop i marit na i gat tupela pikinini meri. Meri bilong Bisop em i wanpela wantok na wanples bilong em yet. Em i bin stap long Jerusalem i go inap long 1948 na bihain em i go bek gen long Betlehem.

Bisop i bin go long semineri bilong skul pastol long wanpela semineri bilong ol Kristen lotu long Ingran stat yet long yia 1955 i kam inap long 1958. Bihain long dispela, em i bin go bek long ples bilong em na wok wantaim ol pipel inap long wanpela yia.

Orait long 1959 i kam inap long 1964, em i go skul long Jemeni na greduet long Yunivesiti bilong Hambeg. Bihain long em i pinisim skul bilong em long 1964, em i kamap olsem wanpela Lutheran pasto. Em i go bek long ples na mekim wok pasto bilong Lutheran

Sios kongriksen long Betlehem inap long ol i makim em olsem Bisop bilong Jerusalem long yia 1984.

Nau em i lukautim olgeta wok administresen bilong sios na wok bilong bisop wantaim insait long kongriksen bilong em.

Bisop i liptimapim tu nem bilong ol Kristen pipel insait long Midel Is na long hap bilong em husat i gat bikpela bilip long strongim wok bilong sios namel long bikpela lain Muslim na Juda.

Long bipo yet inap long planti handed na tausen yia, ol Kristen i save karim bikpela na hevi bikos ol i bilip long God Papa, Son na Spirit. Tasol dispela i kam na nau pawa bilong Kristen sios i wok strong tru.

Ol Kristen sios olsem ol lain Grik Otodoks, lotu Katolik, Engliken Sios, Lutheran na ol arapela i stap na strongim bilip insait long hap bilong Midel Is.

Long ol toktok bilong em long namba wan de bilong opim namba 19 ELC-PNG sinod bung long Mosbi, Bisop i bin tromoi dispela hap toktok i go long kongriksen olsem: "Tanim i go long Jisas sapos ol hevi bilong dispela wol i karamapim yumi wan wan man. Bikos Jisas i stap long sios bilong em na long dispela graun insait long Baibel na long ol sakramen. Na em bai harim prea bilong wan wan man husat i singaut long helpim na givim askim long Em".



# Sotpela stori bilong Kristen Radio

## VERONICA HATUTASI i raitim

KRISTEN Redio i save kamapim planti lotu program olsem *On The Spot* na ol arapela sios program em yumi harim long NBC, ol

provinsal redio stesin, Kalang FM na EM TV.

Tasol planti bilong yumi i no klia tumas long stori bilong Kristen Redio.

## Toktok bilong kain kain hevi

i kam long pes 11

save, sindaun na laip bilong ol pipel long kantri.

Em i tok moa tu olsem insait long las 100 yia, ELC-PNG wantaim ol arapela bikpela lotu i bin sanapim as bilong trupela Kristen bilip insait long planti hap bilong PNG. Ol misineri husat i bin kam pastaim wantaim Gutnius bilong God i no wari long wanem hap ol i go long en, maski ples i stap antap long bikpela maunten, ol liklik ailan o long bikbus, ol i bin redi tasol long mekim bikpela wok marimari na bringim lotu, skul, helt na ol arapela sevis i go long ol pipel.

Bisop Getake Gam i kisim bek gen wok bilong em olsem het bisop bilong Evanjelikal Lutheran Sios bilong Papua Niugini (ELC-PNG).

Sinod kaunsil na ol mamba bilong 12-pela sios distrik i bin makim Reveren Gam long las de bilong bung.

Dispela sinod bung bilong ELC-PNG i bin kamap long Mosbi na i stap inap long 5-pela de. Bung i bin stat long Mande na pinis long Fraide, Janueri 14, 1994.

Sinod i pinis long las Fraide wantaim ol lain ovasis ELC delegesen i kisim presen long ol bikman bilong ELC-PNG na lotu bilong pasim sinod. Long wiken, ol deleget i bin lusim Mosbi na go bek long wan ples na provins bilong ol. Narapela sinod bai kamap long Simbu distrik long 1996.

Orait long wankain taim, ol i givim tu wok bilong namba tu bisop i go bek gen long Reveren Ray Rasowe.

Long taim bilong makim het bisop bilong sios, ol ripot i tok olsem 286 deleget em i karamapim sinod kaunsil na ol bikman bilong 12-pela ELC-PNG distrik i bin tromoi ol vot bilong ol. Na long taim ol i kaurim ol vot, Bisop Gam i kisim 97 vot.

Ol protesten sios long PNG olsem Lutheran, Yunaited na Engliken Sios i papa bilong Kristen Redio.

Dispela tripela lotu i wok wantaim long kirapim ol wok bilong Kristen Redio. Tasol Sios i bin orait long tingting bilong stretim na lukautim hapwok bilong mani na edministresen. Long nau yet, Kristen Redio i stap aninit long menesmen bilong Kristen Pres Inkopreted kampani (KPI). Na wok i ron gut tasol.

Het opis bilong Kristen Redio i stap long Lae insait long studio bilong Martin Luta Semineri. Na faivpela man i wok long kamapim ol redio program na ol narapela wok bilong Kristen Redio.

long mun Jun 1992, olgeta wok bilong lukautim mani, ol samting na edministresen wok tu i bin go long han bilong Lutheran Sios. Dispela i kamap bikos long sampela hevi. Na Lutheran

Ol dispela tripela lotu husat i papa bilong Kristen Redio i papa tu bilong KPI.

KPI i save prinim na kamapim ol lotu buk, ol buk na pepa bilong ol kain kain kampani long kantri, ol skul buk na ol arapela wankain sam-

ing olsem.

Het opis bilong KPI i stap long Nagada long Madang. Pastaim long en, hetkwata i bin stap long Lagaweng insait long Finsafen distrik long Morobe.

Ol Lutheran misineri husat i bin kamap pas-

taim long PNG long yia 1886 i bin kirapim KPI. Na seksen em i save prinim ol buk samting i bin kirap long yia 1909.

Nau KPI kampani i gat moa long 200 wokman na meri. Planti em ol pipel bilong PNG yet. Na liklik lain ovasis

manmeri tasol i wok wantaim ol.

Olsem wanpela kampani bilong ol PNG pipel, KPI i wok long ron gut tasol long kamapim na raitim kamap planti gutpela buk long tok inglis na Tok Pisin.



• Wanpela wokman bilong Kristen Press Incorporated (KPI), Sam Vulum i hatwok stret long salim ol buk na pepa samting i stap long taim bilong sinod long Mosbi.

Glasim na strongim nau wok lotu

Ol ripot i tok olsem Bisop Ray Rasowe i bin kisim bek wok bilong em olsem namba tu bisop bikos em i no bin risain long dispela wok. Olsem na long dispela as, sinod kaunsil i oraitim em long holim gen dispela wok.

Tasol bihain long vot, planti toktok i bin kamap long kain rot em het bisop wantaim namba tu bilong em i mekim long sanap long ileksen.

Ol ripot i tok wanem samting em Bisop Gam wantaim Rasowe i mekim i no stret na i brukim tu mama lo bilong sios. Bikos tupela i no risain long ol wok bilong tupela pastaim long tupela i sanap long ileksen.

Long dispela as, tupela sios distrik bilong Madang na Karkar i bin rausim nem bilong ol kendidet bilong ol long resis long sia bilong het bisop. Long wankain taim, ol i no bin tromoi vot long taim bilong makim het bisop na namba tu bilong em.

Ol lain bilong Kainantu distrik tu i no bin tromoi vot bikos balus bilong ol i lusim Mosbi

i kam long pes 6

gavman i putim tu K2 milien insait long mini lon skim bilong Rurel Developmen Beng bilong ol meri, sios na yut grup long aplai long kisim dinau bilong kirapim ol wok projek bilong helpim komyuniti.

Long sinod tu, askim bilong wanpela sios deleget i bin go long Sir Julius long gavman i makim wanpela sios lida bilong lukautim sindaun na wokabaut bilong ol politisen olsem ol inap bihainim gutpela Kristen pasin long wok bilong ol. Bikos oltaim ol dispela lain lida i save mekim wok em i karamapim olgeta bikpela na liklik manmeri na pikinini insait long kantri.

Long bekim dispela, Sir Julius i tok wankain askim i bin kamap long bung bilong ol Nesenel Kaunsil bilong ol Meri long las yia. Dispela i kamap bihain long ol toktok long paul pasin bilong sampela lida na politisen i bin kamap strong, em i tok. Na Palamentri Komiti i wok long skelim dispela.

## PABLIK TOK SAVE



### SEPTI TOK SAVE I GO LONG OLGETA PAPA BILONG OL LIKLIK BOT

NO 1/94/SAS

Nau i gat planti ripot bilong ol kain kain bagarap na birua i kamap long ol liklik bot na spitbot long ol solwara bilong Papua Niugini. Olsem na i gat bikpela nid nau bilong tok save na skulim gut ol lain husat i save yusim ol dispela kain bot na spitbot long wanem samting ol i mas gat long bot na stretpela rot bilong yusim bot pastaim long ol man i baim. Olsem na long banisim ol dispela kain kain birua na bagarap long kamap, Maritaim Septi brens bilong Dipatmen bilong Trensport bai kamapim wanpela "Septi long Solwara Aweanes Kempen" bilong skulim ol man long dispela. Han bilong Dipatmen i laik mekim olsem bikos em i laikim tu ol Provinsal Gavman long kam insait tru na mekim ol man i luksave long ol septi rot bilong bihainim. Na i mobeta sapos ol Provinsal Gavman i mekim dispela i kamap olsem wanpela lo insait long provins bilong ol.

Olsem na long namba wan samting, Dipatmen bilong Trensport, Maritaim Septi Brens i kamapim dispela "Septi long Solwara Aweanes Kempen" bilong en insait long wanpela liklik buk em ol i wokim long 1990 aninit long het tok "Basic Boating Safety In Papua New Guinea Waters". (ol toktok insait long buk i stap long Tok Pisin, tok Motu na tok inglis).

Namel long ol samting i stap insait, dispela buk i toktok tu long:

- ol septi samting bilong karim i go wantaim yu long kanu;
- lukluk na gutpela bilong bot pastaim long em i wokim ron bilong en;
- sekap na stretim ensin bilong bot;
- ol las samting bilong sekim pastaim long bot i wokim ron bilong en long solwara; na
- wanem samting bilong mekim sapos bot i bungim taim nogut, ensin i bagarap o birua i kamap na bot drip i drip nating long solwara.

Dispela buk nau i stap long: olgeta nambis provins bilong Papua Niugini. Yu ken kisim wanpela fri buk long Provinsal Gavman opis bilong yu o salim pas i kam long dispela adres:

Safety At Sea Education Officer,  
Maritime Safety,  
Maritime Transport Division,  
Department of Transport,  
P.O. Box 457,  
KONEDOBU.

Tingim Septi pastaim long yu Brukim Solwara!!  
Authorised by: Gao K. Zurenuoc  
Secretary



# Steamships

# HARDWARE

**WAIGANI STORE NOW!**  
Everything you need for that  
**BACK TO SCHOOL  
CLEAN UP!**




PAINT BRUSH KIT  
x 3 Per Card  
**K5.85**



PAINT ROLLER  
& TRAY KIT  
**K9.00**



BLACKBOARD PAINT  
BLACK & GREEN  
**K9.00**



WALPAMUR  
GLOSSWHITE  
**K19.95**



FLYWIRE  
All Sizes  
**20% Off**  
Usual Price



PLASTIC  
MOP BUCKET  
**K24.80**



MOP HEAD  
**K4.60**  
PLUS HANDLE **K2.65**



NO MORE  
GAPS  
**K3.99**



LOUVRE GLASS  
All Sizes  
**20% Off**  
Usual Price



DOOR MAT  
SEAGRASS  
**K6.75**



INDOOR/OUTDOOR  
BROOM **K6.30**  
PLUS HANDLE **K2.65**



YARD BROOM **K8.55**  
PLUS HANDLE **K2.65**



GRASS  
KNIFE  
**K4.95**



SCRUBING  
BRUSH  
**K2.25**



PLASTIC RAKE  
WITH HANDLE  
**K4.05**



# Steamships

# HARDWARE

## WAIGANI STORE ONLY!

Phone: 25 6755 Fax: 25 6793 Sales Office Direct Fax: 25 4178



# GO BEK LONG SKUL spesel... 1994

## Skul bilong fri edukesen mas kamap moa yet, Bossi

**JAMES KILA** i raitim

PLANTI moa wok kempen i mas kamap bilong skulim ol papamama long dispela nupela polisi bilong gavman long fri edukesen.

Fes Asisten Seketeri bilong Edukesin long Madang, John Bossi i tok planti papamama i no klia gut long dispela nupela polisi bilong gavman.

Em i tok klia olsem i no gat wanpela edukesen sistem i fri. Olsem na gavman i mas tok klia long ol pipel olsem

dispela nupela edukesin polisi em sabsidais edukesen.

Dispela i min olsem gavman bai baim hap mani long skul fi bilong ol sumatin na ol papamama bai baim hap.

Mista Bossi i tok ol komyuniti skul long Madang bai baim K2 olsem sitap o projek fi long 1994. Na sabsidi bilong gavman em i K20. Antap long ol dispela mani, ol papamama tu bai baim Bod ov Menesmen fi bilong ol pikinini bilong ol.

Mista Bossi i tok ol sumatin husat bai slip long ol haikul (boding

studen) long Madang bai baim K250 olsem projek fi long 1994. Na ol de studen bai baim K150.

Em i tok helpim ol haikul sumatin bai kisim i kam long gavman em K300.

Long dispela yia, gavman i bin givim K2,198,296.40 i go

long Madang provins bilong lukautim dispela fri edukesen polisi. Las yia em i bin givim tasol K1,502,598.

Madang em i wanpela bilong ol namba wan provins insait long kantri em gavman i bin statim topap progrem bilong en. Dispela em taim tupela skul,

Malala long Madang na Hoskins long Wes Niu Briten provins, i bin kisim ol gret 11 sumatin long las yia.

Mista Bossi i tok dispela nupela progrem long Madang i bin ron gut tru. Na em i tok Malala haikul bai ikamap olsem wanpela top haikul long

provins na PNG.

Long dispela yia, moa long 33,900 sumatin bai go insait long ol komyuniti skul long Madang. Na ol haikul yet bai kisim 3,900 sumatin na ol vokesenel skul bai kisim 660 sumatin.

Mista Bossi i tokaut tu olsem 19 komyuniti

skul long provins bai kisim gret seven long dispela yia. Ol dispela skul em Jomba, Talidig, Banara, Bieng, Alexishafen, Mirap, Malala, Bogia Katolik, Josephstaal, Mikarew, Tabele, Ulingan, Taleng, Gum, Holi Spirit, Rempi, Saidor na Annaberg.

Roslyn trening long wok nius ripota



• Yangpela Roslyn i sindaun na kisim wanpela stori long telpon insait long niusrum bilong Word Publishing. Foto na stori: James Kila.

ROSLYN Saun em i wanpela fes yia diploma studen bilong Divine Word Institute long Madang.

Na long las yia i kam inap long mun Janueri, 1994, em i bin go wok hap taim wantaim Word Publishing kampani long Mosbi.

Em i bin wok 6-pela wik olgeta long niusrum long raitim ol stori bilong niuspepa na helpim long bungim nius i kam long ol provins.

Roslyn i tok em i bin pret na sem liklik taim em i go insait long opis long namba wan de bilong wok. Tasol bihain, em i painim wok i gutpela tru, na tu ol ripota bilong Word i bin helpim em gut tru.

Em i tok tu olsem long skul, em i no save lukim ol kain kain masin bilong wokim niuspepa. Tasol long Word, em i bin gat sans bilong lukim wanem kain ol wok i save kamapim niuspepa.

Roslyn wantaim planti wansku bilong em i bin mekim prektikal bilong ol stat long mun Novemba, 1993 na pinis long Janueri 1994.

Roslyn em hapkas Madang na Is Sepik. Em bai greduet long mun Novemba long dispela yia.

# "BACK TO SCHOOL" Specials in

Today's Post Courier  
Don't miss out.

Steamships  
Town & Boroko  
Stop N Shop Waigani  
Family Stores  
Town & Boroko



# Kain kain tingting kamap long fri edukesen polisi



□ Elizabeth Peter

□ ELIZABETH Peter i tok em i no save yet. Gavman bai baim skul fi long dispela yia o nogat. Em i save salim kokomba long Godens maket bilong helpim em sapos ol i tok long baim skul fi. Em i gat wanpela pikinini man husat i save skul long Sen Pol komyuniti skul long Gerehu.

Em i tok olsem em i save go long maket tupela taim long wanpela wik bilong salim ol kokomba bilong em. Dispela bai inap kamapim mani bilong baim skul fi bilong pikinini bilong em. Ol kokomba ya em i kamautim long gaden bilong em arere long Braun Riva.

□ MONA Oa tu i save salim kokonas long Godens maket long kisim mani bilong skul fi bilong em. Em i pinisim gret 6 long Hisiu komyuniti skul long Kairiku insait long sentrel provins. Na long dispela yia, em bai go long larowari haikul.

Em i tok olsem em i harim ol tok-tok bilong fri edukesen tasol em i

PLANTI papamama na ol sumatin tu i paul olgeta olsem ol bai baim skul fi long dispela yia o nogat. Long las yia, gavman i bin tokaut olsem ol skul fi bai kam aninit long Fri Edukesen Polisi bilong en. Tasol taim *Wantok Niuspepa* i askim planti papamama na ol skul pikinini, ol i paul yet long dispela nupela fri edukesen polisi bilong gavman. Tupela ripota, JAMES KILA na RODNEY KAMUS i toktok wantaim sampela papamama na skul sumatin long dispela toktok bilong Fri Edukesen na painimaut olsem planti bilong ol i paul yet.



□ Mona Oa

no save bai ol i kamap tru o nogat. Ol tisa bilong ol tu i no tok save gut long ol long dispela fri edukesen polisi.

Em i tok em i tingim olsem long las yia, ol papamama bilong em i bin baim sampela mani long skul. Na long dispela yia, em i no klia yet.

□ EFORE Songoi i gat 12-pela krismas na em i save go skul long Bam komyuniti skul long Abau eria insait long Sentrel provins. Em i save go long Mosbi wantaim tupela basket kuka bilong mangro long salim. Mani em i kisim long ol kuka ya bai go long skul fi bilong em long dispela yia. Em i save salim ol bikpela kuka long K5 na ol liklik long K2.

Em i tok planti manmeri i save kam na baim kuka bilong em.

"Mi no save wanem samting em fri edukesen. Ol tisa bilong mipela i tokim mipela long redim inap mani taim mipela i go bek long skul. Na dispela mani bai go long stretim ol klasrum bilong mipela," em i tok.



□ Elizabeth Reva na bikpela pikinini bilong em Boe

□ ELIZABETH Reva i wanpela mama husat i gat bikpela amamas tru. Bikpela pikinini man bilong em Boe i winim skolasip bilong go skul long Australia.

Boe i winim skolasip long Badihagwa haikul long las yia.

Em i tok olsem em i amamas tru olsem em i no inap baim skul fi long dispela yia. Tasol Boe i mas

baim K200 long skul fi bilong em long wan wan yia long Australia.

Misis Reva tu i gat wanpela pikinini man husat i save go long Hagara komyuniti skul long Nesenel Kapitel Distrik. Em i tok em i paul yet long toktok bilong gavman long fri edukesen. Na em i no save yet bai em i baim skul fi o nogat.



□ Maima Kaupa

□ MAIMA Kaupa bilong Simbu provins i save salim buai long kisim mani bilong helpim pikinini bilong em long skul.

Em i save sindaun arere long Godens Intanesenel Skul long Henao Draiv long Mosbi na wokim bisnis bilong em.

Em i tok long olgeta moning, em i save kirap long 6 klok na hariap i go long Tokorara maket long baim buai bilong em long salim.

"Mi no klia gut tumas long wanem samting em i Fri Edukesen. Sampela manmeri ol i tok mipela i no inap baim skul fi. Na sampela ol i tok mipela mas baim sampela mani long skul. Mi paul olgeta long ol dispela kain toktok," Maima i tok.

## Oro statim 1994 skul yia wantaim 29 tausen sumatin

RODNEY KAMUS i raitim

MOA long 29,744 skul pikinini bilong Oro provins bai stat skul long Mande, Janueri 31 bilong makim 1994 skul yia.

Na 4-pela komyuniti skul insait long provins bai kisim ol gret wan i go inap long gret 7 sumatin long dispela yia. Ol skul husat bai gat gret 7 nau em Isinivi, Sorovi, Igora na Siroga komyuniti skul.

Ol sumatin husat bai wokim gret 7 em ol sumatin bilong skul yet. Ol i bin pinisim gret 6 long las yia.

Ol dispela 4-pela komyuniti skul i stap namel long ol 98 narapela komyuniti skul long Oro provins na ol i stap tasol insait long ol wel pam blok.

Wanpela Edukesen opisa bilong provins i tok olsem ol tisa i mas

go long skul long Janueri 24 bilong redim ol progrem bilong ol na olgeta skul bai stat long Janueri 31.

Insait long Oro provins, i gat 98 komyuniti skul wantaim 13,295 sumatin, 4-pela haikul wantaim 1,730 skul sumatin, na 6-pela voksesinel senta wantaim 349 sumatin husat bai skul long dispela yia.

Dispela opisa i tok ol papamama wantaim ol tisa bai stat klinim ol skul long neks wik Mande. Olsem bai ol tisa wantaim ol sumatin i no inap westim gen taim bilong ol long klinim skul long taim skul i stat.

Narapela samting em planti papamama i paul yet long en em long dispela fri edukesen polisi bilong gavman.

Dispela i kamapim planti kain kain tingting namel long ol papamama long las yia.

"Taim ol papamama i harim olsem bai i gat fri edukesen, ol i no baim wanpela liklik mani moa bilong helpim skul long stretim ol klasrum samting," dispela Edukesen opisa i tok.

"Tasol ol papamama i stap liklik moa na lukim olsem ol skul i wok long sot long sampela samting. Ol i luksave olsem gavman i no givim inap mani long wan wan skul. Dispela kain tingting i mekim na kwiktam tru ol i givim liklik moa mani bilong helpim ol skul."

Em i skruim toktok olsem ol papamama i sapatim tru ol skul na ol i givim liklik moa mani bilong helpim ol skul long kirapim ol nupela klasrum, haus bilong ol tisa na ara-

pela bikpela wok projek olsem. Na dispela i wokim na planti skul i ron gut i go inap long pinis bilong yia 1993.

Na long dispela yia, gavman i givim pinis mani bilong wan wan provins long fri edukesen. Olsem na ol provins yet i wokim pinis ol baset bilong ol. Oro provins i redim pinis edukesen baset bilong en wantaim ol plen bilong dispela skul yia long 1994.

Long dispela yia, edukesen opisa ya i tok ol i no bungim olkain hevi olsem long las yia taim planti papamama i paul long dispela toktok bilong fri edukesen. Na em i tok planti papamama i save liklik pinis long wanem kain samting bai kamap.

Opisa ya i bilip olsem dispela yia bai kamap wanpela gutpela yia bilong wok edukesen insait long Oro provins.



• Taim bilong skul i klostu olsem na planti sumatin i go long taun na painim ol samting bilong skul. Long lephan i go long raithan em Fere Mu, Joe Joe, Mu Kohu, Ave Sese na Idau Lohia. Ol i save skul long ol haikul insait long Sentral provins.



# Bikpela laik bilong skul suvim Fred long go het

**RODNEY KAMUS i raitim**

LONG dispela kain taim bilong yia, planti sumatin husat i pinisim gret 10 long las yia bai kisim bek ol tok save bilong go long wanem haikul o koles long dispela yia.

Tasol ol dispela sumatin husat i no kisim gutpela mak, ol i

no inap amamas na bel bilong ol i no inap sindaun gut. Ol i save pinis olsem ol i no inap go long wanpela skul.

Sampela bai lukim olsem sans bilong ol long skul i pinis olgeta. Ol narapela bai traim painim wok o baim skul bilong ol yet long ol

skul na koles nabaut.

Fred Woyengu, wanpela yangpela man husat i get 19 krismas bilong ples Jengi long Yangoru, Is Sepik i wanpela bilong ol lain husat i laki tru long baim skul bilong em yet. Na em bai go long Hagen Teknikel Koles long kisim Hevi Ikwipmen Fita kos (HEF).

Em bai go skul long hap inap long wanpela

yia. Fred i no kisim dispela sans isi tasol. Nogat. Em i bin wok hat tru inap long tupela yia bilong kisim sans bilong go skul long hap.

Bihain long em i pinisim gret 10 bilong em long Yangoru haikul long 1991, em i no kisim wanpela ofa. Long wanem em i kisim wanpela kredit (C mak) tasol long Sosol Saiens, apa pas (UP mak) long Saiens na Maths, na pas (P mak) long Inglis.

Inglis mak bilong em i mekim na em i no inap go long wanpela koles long 1992.

Taim em i painimaut olsem em i no inap go long wanpela hap, em i salim pas i go long het tisa bilong Hagen Teknikel Koles na askim em sapos em i ken baim skul fi bilong em yet na go long dispela koles.

Tasol het tisa bilong Hagen Tek i tokim em olsem em i mas mekim sampela kos moa long Koles bilong Disten Edukesen (CODE) na apim mak bilong em


long Inglis. Na bihain em i ken aplai na ol bai kisim em.

"Mi pilim olsem dispela em sans bilong mi na mi mas traim. Bilong wanem mi gat bikpela laik long skul yet na kisim moa save," Fred i tok.

Olsem na long 1992, em i raitim nem long CODE long Wewak na stat mekim ol kos long apim mak bilong em long Inglis. Em i stap nating long ples inap long wanpela yia.

Long 1993, Fred i go stap wantaim bikpela brata bilong em husat i wok wantaim Coopers & Lybrands long Mosbi. Taim em i wok long pinisim kos bilong em long Inglis, em i wok wantaim wanpela praivet kampani Sungruwangian Pty Limited olsem wanpela man bilong salim bensin long Shell Gerehu Sevis Stesin.

Bihain long em i winim Inglis eksem bilong em long Konedobu CODE senta, em i aplai gen long Hagen Teknikel Koles. Taim ol i lukim olsem em i



• Fred Woyengu

apim mak bilong em long Inglis, ol i kisim em olsem wanpela selp sponsa sumatin.

Ol bikpela brata bilong Fred, Anthony na Peter husat i wok i stap long Mosbi bai bungim mani wantaim na baim skul fi bilong Fred. Skul fi bilong wanpela yia olgeta em K1073.

"Mi laik tok tenkyu

long ol lain famili bilong mi long Mosbi na ples husat i sapatim mi long dispela tupela yia," Fred i tok

"Em i stat bilong skul tasol na mi no kisim wanpela save yet. Mi bai traim hat tru long koles na kisim gutpela mak na mi ken kisim wanpela gutpela wok long bihain."

## Meri Amerika apim stret nem bilong Malala haikul

**JAMES KILA i raitim**

LORELEI Kimbiough em i wanpela blakmeri bilong Amerika husat i save tis long Malala Katolik haikul long Madang provins. Em i wok tu olsem wanpela misineri bilong lotu Katolik.

Lorelei i bin kam long PNG long mun Jun long las yia na stat tis long Malala. Em i save skulim ol sumatin Inglis na Ekspresiv Ats long Gret 9 na gret 11.

Long lukluk bilong em, PNG em i wanpela gutpela kantri stret.

Em i tok ol sumatin em i tisim long Malala i save putim olgeta tingting

bilong ol long skul. Ol i no save bikhet. Na tu wokbung bilong ol sumatin wantaim ol tisa bilong ol i gutpela tru.

Em i tok dispela i narakain tru long ol sumatin em i save stap wantaim long Amerika.

Em i tok long sampela taim, ol i save laik pait wantaim ol tisa bilong ol. Tasol long Malala, no gat samt-ing olsem i save kamap.

Lorelei i tok em i bin guria stret bihain long em i lukim ol gret 11 sumatin long Malala i raitim wanpela liklik buk em i gat ol piksa na givim long ol sumatin long gret 7. Dispela buk ol gret 11 sumatin i wokim em i wanpela klasrum wok bilong ol.




# WEB BOOKS

FOR ALL YOUR EDUCATIONAL BOOK NEEDS

For all your Back to School needs:-

Phone: 25 2508/25 9032

Fax: 23 0737



SHOWROOM:- Spring Garden Road, Hohola  
(Next to Stop & Shop)  
P.O. Box 1385  
Port Moresby





# INSEVIS BILONG OL GRED 7 NA 8 TISA

Astingting bilong Edukesen Sistem long kantri em i olsem olgeta wan wan sitisen i mas kisim sampela kain save long kamapim integral humen develop. Long mekim dispela samting i kamap gut na karim kaikai, i gat ol polisi i stap long lukim olsem olgeta pikinini i kisim sampela kain save.

Wanpela bilong ol dispela polisi em long Edukesen Rifom polisi. Aninit long dispela polisi, gavman bai go het yet long stretim na kamapim senis long edukesen sistem bilong kantri. Dispela polisi i tok ol pikinini i mas stap long lainim samting taim ol i liklik yet, ol praimer skul i mas i gat gred 7 na 8 na ol provinsal haikul i mas i gat gred 11 na 12.

Insait long narapela 10-pela yia, bai i gat gred 7 na 8 insait long ol praimer skul. Dispela em long lukim olsem olgeta wan wan pikinini i mas skul i go inap long gred 8.

Long long yia 1993, gavman i selektim 7-pela komyuniti skul long Madang provins na tupela long Wes Nu Briten provins long i gat gred 7. Bihainin dispela disisen, 700 komyuniti skul sumatin i wokim gred 7 bilong ol.

Wok bilong karim aut dispela rifom long dispela yia i wok long go het. Edukesen dipatmen, aninit long Staff Developmen Yunit bilong em long nau yet, i wok long kondaktim 4-pela wik Lahara sesen bilong ol gred 7 na 9 tisa long ol praimer skul. Tupela Lahara sesen bai kamap long Jenueri-wanpela long Madang na arapela long Mosbi long Insevis Koles. Samting olsem 120 tisa long Oro, Milen Be, Sentrel, Nesenel Kapitool Distrik, Wes Nu Briten na Sauten Hailans i wok long stap insait long dispela kos long Mosbi.

Wan wan Provinsal Edukesen Divisen i selektim ol tisa long stap insait long dispela Lahara sesen o kos. Provinsal Edukesen Atoriti i selektim ol tisa em ol i soim olsem ol i gat bikpela laik na tingting long mekim wok bilong ol. Na tu ol tisa husat i soim olsem ol i gat laik long tisisim ol gred 7 sumatin.

Ol sabjek ol tisa i kisim long dispela Lahara sesen en Metametiks, Inglis, Saians, Sosel Sains, Laiberi Skil na Besik Teknoloji.

Long Mosbi Insevis Koles, 16-pela risos pipel i ranim dispela Lahara sesen-4-pela long Inglis, 3-pela long Metametiks, 3-pela long Sains, 3-pela long Sosel Sains, tupela long Laiberi Skil na wanpela long Besik Teknoloji.

Lahara sesen i bin stat long Jenueri 3 long dispela yia. Na bai pinis long Jenueri 28.







# 1994 SKUL ENROLMEN

Nesenel Edukesen dipatmen i tokaut olsem long dispela yia samting olsem 105,000 pikinini bai wokim gred wan long ol komyuniti skul insait long kantri. Samting olsem 300 pikinini bai skul long ol pri skul. Milen Be na Nesenel Kapitol Distrik bai stap olsem pilot elementari skul. Na bihain bai kamap hap bilong edukesen sistem. Ol tok ples skul insait long kantri bai kisim samting olsem 50,000 pikinini long dispela yia.

Samting olsem 20,000 sumatin bai wokim gred 7 long ol provinsal haiskul long dispela yia. Na samting olsem 4,500 pikinini bai wokim gred 7 bilong ol long ol praimer skul insait long kantri. Namba bilong dispela yia i winim namba bilong las yia.

Insait long 4-pela nesanel haiskul long kantri, 1,000 sumatin bai wokim gred 11 bilong ol. Dispela yia bai i gat 4-pela moa arapela sekondari skul-Mogol long Sauten Hailans provins, Bugandi long Morobe provins, Gordon long Nesenel Kapitol Distrik na Cameron long Milen Be provins.

Ovasis Sekondari Skul Skim long dispela yia bai kisim 200 sumatin. Dispela namba em i wankain olsem bilong las yia. Aninit long dispela skim ol sumatin i save go stadi long Australia na Nu Silan.

Bihainim plen na tingting bilong nesanel gayman, sampela provinsal haiskul insait long kantri bai i gat gred 11 na 12. Gavman i laikim olsem long 1998, wan wan provins i mas i gat sekondari skul bilong em yet wantaim gred 11 na 12. Dispela bai kamapim astingting bilong gavman long lukim olsem long yia 2000, 5,000 sumatin i mas pinisim gred 12 bilong ol.

## Sampela skul toktok long ol papamama long 1994 skul yia

Planti papamama bai painim sampela kain skul long lukim olsem ol pikinini bilong ol i skruim skul bilong ol bihain long ol i pinisim gred 6 na 10. Dispela em ol pikinini em ol i no kisim spes long haiskul na nesanel haiskul ol long ol arapela skul olsem ol teknikel koles.

Dispela toksave o skul toktok i bilong skulim ol papamama em ol i painim dispela hevi. Dispela ol papamama i laikim olsem ol pikinini bilong ol i mas kisim sampela kain wok o skruim skul bilong ol. Ol papamama i mas save gut long edukesen sistem bilong kantri. Dispela bai helpim ol long wokim disisen.

## Nesenel Edukesen Sistem

1. Nesenel Edukesen Sistem i gat ol rejista memba skul. Ol tisa husat i tis long ol dispela skul i bin kisim trening na i gat savelong wok olsem ol tisa. Ol i wok aninit long Tising Sevis Komisin.

2. (i) Memba Skul (eksampel: Gavman na planti Sios Ejensi skul) em ol skul i rejista aninit long Nesenel Sistem i bihainim Nesenel Karikulum em Nesenel Edukesen Bod (NEB) i tok oraitlong en.

(ii) I gat tu ol Rejistet Pemitet skul. Sampela samting namel long ol Memba Skul na Rejistet Pemitet Skul em:

- Planti tisa em ol i tis long rejistet pemitet skul i gat save longwok olsem ol tisa. Tasol ol i no memba bilong Tising Sevis Komisin. Eksampel em ol tisa long ol SDA skul. Tasol dispela ol i save yusim wankain Nesenel Karikulum em ol skul aninit long Nesenel Edukesen Sistem i save yusim. Ol inspekta long Nesenel Edukesen Sistem i save inspektim o glasim wok bilong ol tisa em ol i tis long ol pemitet skul. Na ol sumatin bilong dispela ol skul i save wokim wankain Nesenel gred 6 na 10 eksam wankain olsem ol sumatin bilong ol Memba Skul.

- I gat sampela Pemitet skul insait long kantri em ol i save yusim Nesenel Karikulum em NEB i tok orait long en. Dispela skul i save yusim karikulum bilong ol yet. Na ol inspekta bilong Nesenel Edukesen Sistem i no save inspektim ol tisa bilong dispela ol skul.

- I gat sampela praivet skul em ol i no rejista aninit long Nesenel Edukesen Sistem. Olsem na Edukesen dipatmen i no save long levelna stended dispela ol skul i gat long en. Dipatmen i no inap skelim ol samting

dispela ol skul i gat long en. Dispela em i wanpela bikpela samting. Bikos ol papamama i laikim olsem ol pikinini bilong ol i mas kisim wanpela setifitek em ol kampani na oganaisesen i mas luksave long en taim ol i laik kisim wok.

Long nau yet, i gat sampela praivet pemitet skul i wok long karim aut gutpela wok bilong edukesen na trening. Tasol Edukesen dipatmen i wok long toktok long ol skul em ol i no rejista aninit long Edukesen dipatmen. Ol pikinini husat bai go long dispela ol skul bai painim hevi kisim wok na skruim skul bilong ol taim ol i pinisim skul bilong ol.

Seksen 100 (2) bilong Edukesen Ekt namba 2 bilong 1983 i tok olgeta praivet skul i mas rejista aninit long Dipatmen bilong Edukesen. Dispela Ekt i givim pawa long Minista na na Seketeri Bilong Edukesen dipatmen long tok orait long ol kos em ol praivet skul i mas yusim long skulim ol pikinini. Minista na Seketeri bai tok orait long ol kos bilong dispela skul taim dispela ol skul i bihainim ol samting i stap aninit long Edukesen dipatmen.

Planti praivet skul i bin yusim planti skul liva long kisim gutpela samting long nem bilong Edukesen Edvansmen. Sampela praivet skul i kamap olsem ol bisnis wantaim astingting bilong wokim winmani.

Edukesen dipatmen i gat bilip olsem i gat planti kain ol praivet skul i stap insait long kantri em ol i no rejista aninit long Edukesen dipatmen. Dispela ol skul i no gat inap gutpela ol tisa na tu ol arapela samting long karim aut wok bilong skulim ol pikinini. Bihainim dispela samting, Edukesen dipatmen i laik toksave long ol papamama olsem:

- ol i mas sekap wantaim ol Edukesen Atoriti long Nesenel o Provinsal level sapos dispela ol skul i rejista aninit long Edukesen dipatmen pastaim long putim ol pikinini long go skul long ol dispela skul;
- ol i mas sekap sapos ol kos dispela ol skul i ofaim i orait wantaim Dipatmen Bilong Edukesen na Leba na Emploimen;
- sapos wanpela pikinini i no go long skul, em o moa gutpela long papamama i mas paitim toktok wantaim ol edukesen atoriti. Sapos yu n save o klia long wanem samting long wokim long pikinini bihain long em i pinisim gred 6 yu mas:

(i) helpim pikinini long skruim skul bilong em long Koles ov Disten Edukesen (CODE) i go inap long gred 10 na wokim gred 10 eksam.

(ii) salim em i go long wanpel vokesenel senta.

(iii) salim em i go long wanpela praivet skul em i rejista aninit long Edukesen dipatmen.

Sapos wanpela pikinini i no wokim gut skul wok bilong em na i no winim spes long haiskul, em i mas kisim CODE na stre-tim ol mak em i no wokim gut long skul. Na em i ken aplai long skruim skul bilong em long wanpela nesanel haiskul long wokim gred 11 na 12.





## Kapul helpim papamama long kisim bek pikinini bilong tupela

LONG bipo, bipo tru long ples Gajengan insait long Boana distrik long Morobe provins i bin i gat wanpela man wantaim meri bilong em na pikinini bilong tupela i stap.

Ol i stap i go na wanpela taim ol i go wok long gaden. Taim ol i go kamap long gaden, mama i kirap na putim liklik pikinini go insait long bilum na hangamapim em long han bilong wanpela diwai.

Em nau em wantaim papa i lusim liklik pikinini i stap na mekimsave long wok. I no longtaim na wanpela bilakbokis i flai i kam na lukim pikinini i slip i stap long bilum. Bilakbokis ya i flai i go klostu long pikinini na pairapim tupela wing bilong em. Na kamapim gutpela kol win tru long pikinini na em i slip dai olgeta.

Taim bilakbokis i lukim pikinini i slip dai, em i kirap tasol na karim em i go long ples em i stap long en. Long apinun papamama bilong pikinini i pinis wok na laik go bek long ples. Tupela i go sekim ples mama i bin hangamapim pikinini na lukim olsem pikinini i no stap. Na tupela i ting olsem sampela lain bilong tupela i karim em i go olsem na tupela i wok-olsem i go long ples.

Tasol taim tupela i kamap long ples, tupela i

no lukim pikinini. Tupela i askim olgeta lain long ples tasol ol i tok ol i no kisim pikinini bilong tupela.

Bilakbokis i kisim dispela liklik pikinini i go long ples bilong em na i save lukautim em gut tru. Tupela i stap wantaim na em i save go painim ol kaikai long gaden bilong papamama bilong dispela liklik manki ya. Na i go givim long liklik manki ya.

Wanpela taim dispela bilakbokis i go long ples na na pulim gras bilong kakaruk na karim i go long liklik manki ya. Narapela taim em i go olgeta long haus bilong papamama bilong dispela manki na kisim kundu bilong papa bilong em. Na karim kundu i go na paitim i stap. Em i bilasim liklik manki pinis na taim em i paitim kundu, liklik manki ya i wok long sekim het bilong em i stap.

Long wanpela taim mama bilong liklik manki ya wantaim kandre meri bilong em i go painim pis long wara. Tupela i painim pis i go antap long wara na kandre meri i sindaun arere long wara i stap.

Em i sindaun i stap na lukim hol bilong wanpela ston. Em nau em i go sekim na lukim tewel bilong wanpela man i wok long sekim het taim san i kisim sait bilong ston. Kandre meri i kirap singautim

mama bilong liklik manki ya i kam na tupela i go sekim. Tupela i lukluk i go na lukim dispela liklik manki ya i wok mekimsave long sekim het bilong em i stap.

Mama i krai nogut tru na tupela i go long ples. Long narapela de, olgeta lain long ples i go long traim kisim dispela manki. Taim ol i go kamap, kandreman bilong liklik manki ya i go antap na laik kisim em. Tasol dispela bilakbokis i singautim olgeta-pisin na ol i paitim em i kam daun. Bilakbokis i kisim manki na karim em i go antap long het bilong diwai. Ol i traim no gat na go long ples.

Long nait papa bilong dispela liklik manki ya i slip na driman. Long driman sampela lain i tokim em olsem long narapela de, em i mas kukim 5-pela kaukau na karim i go long bus. Na singautim ol kapul long kam. Orait bihain ol bai helpim em long kisim pikinini bilong em.

Em nau long narapela de, papa i kukim 5-pela kaukau na karim i go long bus na em i singautim ol kapul. Tasol ol i les long kam na kaikai dispela 5-pela kaukau. Papa bilong liklik manki ya i wokabout i go na lukim wanpela hol long wanpela diwai. Na em i putim dispela 5-pela

kaukau na wanpela kapul i kam ausait na kaikai. Bihain papa i tokim em long helpim em long kisim pikinini bilong em i stap antap long diwai. Dispela kapul i pinisim dispela 5-pela kaukau pinis na go stret long diwai em liklik manki i stap long en. Na stat long wokim hol. Em i wokim i go antap klostu long manki i stap na larim i stap.

Papa i go long ples na kisim olgeta lain long ples na ol i go long dispela diwai em pikinini bilong em i stap long en. Bilakbokis i lukim planti lain long ples i go na em i singautim olgeta pinis long was. Tasol ol i no save olsem i gat wanpela bikpela hol i stap aninit stret long ples em liklik manki i stap.

Taim olgeta lain long ples i redi, kapul ya i go antap na kisim pikinini. Bilakbokis ya i lukim olsem na laik traim holimpasim kapul tasol em i spit nating i kam daun long graun. Na givim pikinini long papa bilong em. Bilakbokis ya i traim longkisim pikinini long han bilong papa. Tasol papa i holimpasim pikinini bilong em strong tru na karim em i go long ples.

Tomas Mota  
RABAUL.



Kanage em wanpela man bilong raun na lukim ol meri na mekim kain kain tok. Wanpela taim em i go raun long Wewak taun. Em i raun i go na lukim wanpela yangpela meri Tolai. Dispela meri Tolai i pat stret. Na em i putim wanpela sket i tait tru. Kanage lukim dispela meri Tolai na kirap askim em olsem: "Susa beksait bilong yu ya i pat na solap krangi stret ya. Yu-kaikai wanem kain kaikai na beksait bilong yu i solap olsem?" Meri Tolai harim Kanage i tok olsem na em i tanim na tokim Kanage: "Na bai mi kaikai wanem kain kaikai gen. Em ol kaikai ya ol man i save kaikai long en ya. I no gat planti kain kaikai." Kanage harim meri Tolai ya i tokim em olsem na em i kirap askim em: "I gat planti kain kaikai ya. Inap yu tok klia stret long wanem kain kaikai em yu save kaikai. Bikos sampela kaikai em ol man tasol i save kaikai. Na ol arapela kain em ol meri tasol i save kaikai. Olsem na yu kaikai ol kaikai ol meri tasol i save kaikai long en o yu dabolim tupela wantaim." Meri ya kirap na tokim Kanage: "Yu askim mi tumas long wanem. Yu gat sampela kaikai long givim mi?" Kanage lap wantaim na tokim meri ya: "Kaikai i stap. Tasol dispela kain pasin bilong yupela ol meri Tolai long gridi na mi les liklik long givim yu."

Yosefus Yassafar  
PS KANTRI

## Gris bilong spak oltaim winim mi pinis

Dia Lalplain,

Long olgeta potnait taim mi kisim pe, ol poro i save laikim mi long go bung wantaim ol na dringim sampela bia pastaim long yumi bruk na go nabaut long haus.

Tasol bihain long sampela, no gat wanpela bai laik go long haus. Olsem na mipela olgeta bai stap i go inap hotel i pas. Bihain mipela bai go bung gen long haus bilong wanpela man na dring yet i go.

Mi laik lusim dispela kain pasin bilong dring planti, tasol mi no laik mekim ol pren i les long mi. Bai mi mekim wanem long dispela?

BUDDY.

Dia Pren,

Mipela olgeta i laikim ol arapela long laikim mipela, olsem na sampela taim mipela save wokim samting em mipela yet i no laik mekim. Bikos mipela i laik amamasim ol.

Em i bikpela sore tru long lukim olsem planti yangpela nau i pun-

daun long hevi bilong dring planti bia tumas. Na mipela i wari tru long lukim olsem planti lain i pundaun long kain hevi olsem bikos ol i laik amamasim tasol ol pren.

Long pas bilong yu, yu tok olsem olgeta wanwok bilong yu i laikim yu go wantaim ol long hotel.

Tasol long sampela taim, yu save sindaun na traim skelim pastaim sapos olgeta bilong ol i laik yusim olgeta taim bilong ol long dring bia o nogat? Long planti taim, i gat wanpela o tupela man i save go pas long mekim samting. Ating i gat sampela pren bilong yu husat i gat wankain hevi olsem yu: ol tu i gat tingting olsem olgeta arapela i laik dring. Olsem na no gat wanpela i laik traim kamap narakain bikos ol arapela bai luk baksait long em.

Ating wanpela samting yu inap mekim em long kamap lida bilong yu yet.

Long narapela potnait, tok ol poro olsem: "Nau bai mi go lukim muvi, maski long go

long hotel. Husat moa i laik kam wantaim mi?"

I luk olsem yu bai kalap nogut long lukim hamas poro bai laik bihainim yu. Sapos ol i tok ol i les, em i orait. Yu yet i ken go long muvi.

Bihain orait yu ken stori wantaim sampela bilong ol na tokim ol long amamas em yu painim taim yu go long muvi. Mekim olsem taim yupela olgeta i no bung wantaim. Ating bai yu painimaut olsem sampela bilong ol bai laik go wantaim long narapela potnait.

Sapos dispela i no kamap, ating em i taim nau bilong yu long tingting na painim ol narapela poro husat i laik mekim ol samting olsem yu yet. Na sapos i no gat kain man olsem i stap long ples bilong yu long wok, i mobeta yu go

bung wantaim wanpela arapela sios o yut o spots grup. Nogat orait traim wokim sampela kain training kos long speataim bilong yu.


Long dispela rot, yu inap tokim ol sampela poro long kam bungim yu bihain long wok long potnait. Na sapos ol dispela lain poro bilong yu long wok i laik go long hotel, yu ken tokim ol olsem: "Sori tumas, tasol mi gat arapela wok bilong go bungim ol sampela poro long haus bilong ol."

Mipela i no inap givim tok promis olsem yu bai lusim sampela poro bilong yu nau. Tasol sapos ol i wok long pulim yu long go dring tumas, ating em i mobeta long yu painim ol nupela pren.

Yu ting wanem??

Mi Lalplain.

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong yu long hia.



Redi long skol...Bikman ya i wok long raun long Steamships stua long Mosbi bilong painim samting bilong ol liklik bilong em long go bek long skol. Olgeta stua i resis nau long salim ol samting bilong ol skol pikinini. Foto: James Kila.



Specials available until 29th January! Hurry while stocks lasts!!!


# 2 Week Erima

## SUPERMARKET



GOLDEN CRUSH CORDIAL  
750MLS. WERE K1.55

**K1.39**



PAULS  
LONGLIFE MILK  
1 LTR.

**K1.25**



TRUKAI RICE 10KG

**K6.48**



FLAME FLOUR  
PLAIN 2.5KG

**K1.56**



MADAM  
MACKEREL IN OIL  
150Z.

**K1.35**



MALING  
STEWED DUCK  
397G. WERE K1.49

**K1.35**



GLOBE CORNED  
BEEF & ONION. 340G.

WERE K1.53

**K1.39**



SNOWITE BLEACH  
500MLS. ASST'D  
WERE K1.33

**K1.11**




MUTTON SHANKS T/P  
KILO. WERE K1.99

**K1.65**



ILIMO CHICKEN FEET  
WERE K1.90

**K1.65**



ILIMO  
EGGS 1 DOZ. 65G  
WERE K2.96

**K2.45**




LAMB FLAPS T/P KG  
WERE K2.45

**K1.95**

### TRADING HOURS

MONDAY 09.00am TO 6.00pm  
TUESDAY 09.00am TO 6.00pm  
WEDNESDAY 09.00am TO 6.00pm



THURSDAY 09.00am TO 6.00pm  
FRIDAY 9.00am TO 6.00pm  
SATURDAY 09.00am TO 5.00pm  
SUNDAY 8.30am TO 3.00pm



**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik advertais, telepon 25 2500 na askim long

Ph: Mirl Alori Ext. 203  
Vetovo Magull Ext. 232  
Jeffrey Mailou Ext. 216

by **ADVERTISING** in



I go het wantaim PNG  
Ol Engliken, Katolik,  
Lutheran na Yunaitet  
sios i amamas long  
bung wantaim long  
wokim ol nius

**WANTOK**

NIUSPEPA BILONG PAPUA NIUGINI STRET

**FRI BAIBEL KOS  
YU KEN KISIM SKUL  
LONG SALIM PAS**

Salim num na edres long:  
WORLD BIBLE SCHOOL, Dept. PNG4  
P.O. Box 9346, Austin, TX 78766 USA

**DWYERS**

**OFFICE SUPPLIES  
PTY LTD**

Telipon namba: 25 5855 Fax namba: 25 4343

MUN JANUERI 1994 SPESEL

- \* OL DAIRI BUK .... PRAIS GO DAUN LONG 20 PESEN
- \* OL A4 SAIS 80GSM PEPA BILONG WOKIM POTOKOPI EM K4.99 LONG WANPELA RIM...MAN EM SPESEL PRAIS
- \* OL A4 SAIS KARELIA PEPA BILONG WOKIM POTOKOPI EM K5.99 TASOL...EM TU EM SPESEL PRAIS
- \* ORAIT SPESEL BILONG GO BEK LONG SKUL\* 20 PESEN DISKAUN I GO LONG OLGETA SKUL!!
- KAM KWIKTAIM...DISPELA GUTPELA SANS BAI STAP INAP OLGETA SAPLAI I PINISI!!

**HAGEN TAUN ATORITI**

TENDA NAMBA 001

Hagen Taun Atoriti i singaut nau long ol lain husat i laik resis long tenda bilong wanpela wok insait long Hagen taun bilong haiarim 4-pela Tipa Trak em inap karim kago winim 2 mita.

TENDA NAMBA 002

Hagen Taun Atoriti i singaut nau long ol lain husat i laik resis long tenda bilong winim wok insait long Hagen Taun. Tenda i bilong tripela flet top ka em baksait bilong ol i op na inap karim namel long 3 na 3.5 tan hevi.

TENDA NAMBA 003

Hagen Taun Atoriti i singaut nau long ol lain husat i laik resis long tenda bilong wanpela wok insait long Hagen taun. Tenda i bilong haiarim tripela dabol keb yutiliti wantaim 4 Wil Draiv.

Salim o bringim olgeta tenda aplikesen i go long:

Siaman,  
Risos na Woks Komiti,  
P.O. Box 75,  
HAGEN, Westen Hailans Provins.

Kisim olgeta tenda fom tu long dispela opis i stap long adres antap. Na olgeta tenda aplikesen i mas kamap long opis pastaim long las de olsem i stap long tok save. Mipela i no inap kisim olgeta tenda aplikesen em i kamap bihain long las de.

Las de bilong kisim olgeta tenda aplikesen em long 4 klok apinun long Mande, 31 Januери, 1994.

**LAE CITY AUTHORITY**



**PABLIK NOTIS**

Lae Siti Otoriti i laik toksave long olgeta pipel insait long Lae Siti olsem em bai karim out ol rul i stap aninit long Lae Siti Otoriti Ekt, long klinim Lae Siti stat long Februari long dispela yia (1994).

Sapos yu brukim ol dispela rul ol wokman emLae Siti Otoriti i makim o Plis i ken kisim yu i go long kot.

Sapos kot i painim yu i bin brukim ol dispela rul, yu inap i go long kalabus o baim fain inap K500.00 o hamas inap long kot yet i makim.

Dispela em o rul bilong Lae Siti Otoriti:-

1. I tambu long tromoi pipia nambaut long ol pablik ples.
2. I tambu long salim samting long ol pablik ples o long banis bilong yu we dispela ples em i no maket ples.
3. Ol pipel husat i stap insait long Lae siti bandri mas aplai long Lae Siti Otoriti long kisim sevis bilong pipia na baket toilet.
4. Lae Siti Otoriti Helt Inspektor i mas sekim olgeta bisnis olsem Tred Sota insait long Siti bandri pastaim long em i ken givim laisens long bisnis i ken kirap.
5. I tambu long draivim ol kar o trak i go insait long ol pablik pak o ples bilong malolo.
6. Olgeta strit na haus insait long Lae Siti mas i gat nem na namba long em. Sapos wanpela man or meri i bagarapim dispela nem or namba em i ken i go long kot.
7. I tambu long larim grass arere long haus na banis bilong yu i gro i go longpela. Yu mas klinim eria bilong yu i go inap long arere bilong rot o baret long strit.
8. Olgeta dog insait long siti mas i gat registresen (laisen). Yu ken baim long Lae Siti Otoriti opis. Sapos ol wokman bilong Otoriti i painim dog bilong yu nogat laisen, bai yu gat kot.
9. I tambu long mekim ol samting we inap bagarapim sindaun bilong ol narapela pipel olsem nois long ol haus bilong stap namel long 10 kilok nait na 7 kilok moning, flaim ol kait na piksa balus long ol strit, lukautim ol enimal olsem snek or pukpuk long ol haus inap long

kamapim birua, long kipim o kamapim samting we i ken kamapim strongpela smel nogut, lusim pipia i stap long eria bilong yu long ai bilong ol pablik, lusim ol diwai i go inap long kamapim birua, kipim samting we inap long kirapim faia, mekim smok inap long bagarapim sindaun bilong ol narapela, larim ol enimal olsem ol dog na pisin i wokim planti nois.

10. Olgeta pipel insait long Lae Siti husat i laik wokim nupela haus o skurim haus imas aplai long Building Board wantaim plen bilong haus na kisim tok oraipastaim long wok i ken go het.

11. Husat ol man i laik planim bodi long matmat long Seken Seven i mas baim long Lae Siti Otoriti ofis pastaim.

12. I tambu long putim ol sain nambaut insait long siti. Yu mas kisim tok orait na baim fi long Lae Siti Otoriti pastaim long yu putim ol sain i go antap.

13. I tambu tru long long salim buai long ol pablik ples na banis bilong yu we em ol no maket ples. Em i tambu tu long spetim buai long ol pablik ples.

14. I tambu long kipim ol samting olsem gas, kerosen, petrol, disel na ol narapela kain ol samting i stap long ples klia we em inap long kirapim faia.

15. I tambu long bagarapim ol pablik propati, olsem, ol haus bilong kibung, malolo, ol bas stop, ol pawa na sain pos, ol ples bilong wokabout, ol sain, na ol arapela samting bilong ol pablik long usim.

16. Husat man or meri i laik wokim haus bilong ol narapela manmeri i slip na baim rent i mas baim registresen pastaim long wokim ol dispela kain haus.

Sapos yu laik save moa long ol dispela rul, yu ken i go long Lae Siti Otoriti ofis na lukim Siti Menesa.

Tasol tingim oltaim, sapos yu burkim ol dispela Lae Siti Otoriti rul bai yu i ken go long kot.

**JACOB SAWANGA  
CITY MANAGER**



# NOTIS BILONG OL KASTOMARI PAPA BILONG FORES RISOSSES

## Nupela Fores Revenu Sistem

Nupela Nesenel Forestri Developmen Gaidlain i laikim olsem wanpela nupela fores revenu sistem i mas kamap. Taim bilong kamapim dispela nupela revenu sistem em Mas 1, 1994.

### Dispela nupela revenu sistem bai kamap long:

- lukim olsem papa bilong ol fores risos i kisim gupela mani long diwai bilong ol na
- dispela kain pemen (mani) i kamap long kamapim gupela lokal ekonomi wantaim wokbung i kam long olgeta hap long kantri.

Aninit long nupela sistem, mani bilong royalti bai stap olsem K5 long wan wan kiubik mita diwai. Bihainim oda i kam long Fores Atoriti, ol loging kampani bai baim royalti i go stret long beng akaun bilong ol papa o klen o ejen bilong fores risos. Sopoa wanpela risos ona i nogat beng akaun, Fores Atoriti bai holim ol royalti mani bilong em long interes bering tras akaun. Na Fores Atoriti bai baim em olgeta 6-pela mun.

Fores Atoriti bai i no inap baim arapela royalti mani o stampes fi i go long dispela konsolitetet revenyu. Atoriti bai tok kliia tu long dispela risos ona rot em i bihainim long baim em.

Ol risos ona bai kisim tu arapela mani ol i kolim edisenel stampes. Dispela mani ol bai kisim i kam long profit bihain long kampani i salim timba. Fores Atoriti bai tokim beng bilong kampani long putim dispela mani i go insait long beng akaun bilong oganaisesen husat i makim ol papa graun. Insait long wan wan mun kampani bai baim royalti mani i go long ol risos ona. Long sait bilong edisenel stampes, kampani bai baim ol papa graun long wan wan mun taim sip i lusim bris na kisim ol timba i go long ovasis kantri. Na taim kampani i kisim mani bilong ol dispela timba.

Ol risos ona long wan wan timba projek eria i mas makim wanpela representativ koporet bodi long kisim dispela ol mani. Dispela ol bodi bai wokim disisen long wanem rot ol risos ona bai spenim dispela mani, tilim namel long ol yet o investim long wan wan projek eria. Olsem na em i moa impoten olsem olgeta klen grup i mas i gat gupela mani makim ol long bodi husat i makim ol risos ona.

Sopos i gat hevi i kamap namel long ol risos ona long husat i trupela man o lain long kisim royalti na edisenel stampes mani, Atoriti bai holim dispela olgeta mani long tras akaun. Inap long taim hevi i pinis orait Atoriti bai baim dispela mani i go long ol stret-pela man o grup.

### OL RISOS ONA BAI KISIM BIKPELA SEA BILONG FOB PRAIS

Tebol aninit i soim olpela na nupela fores revenyu sistem. Dispela tebol i soim olsem ekspot log i gat K50 olsem FOB prais long wan wan kiubik mita. Na kos bilong loging na lodim em K50 long wan wan kiubik mita.

OLPELA REVENUE SISTEM		OLPELA REVENU SISTEM	
LOGING NA HAULING KOS	50.00	LOGING NA HAULING KOS	50.00
ROYELTI	4.00	PROFIT NA RIS ALAUWENS BILONG OPERETA	10.00
EKSPOT TAKIS	28.50	ROYELTI	5.00
PROVINSAL GAVMAN LEVI	.50	FORES EDMIN. LEVI	14.00
PRIMIUM NA LEVI BILONG BAIM I GO LONG PAPA GRAUN KAMPANI BIHAIN LONG TAKIS	9.00	PROVINSAL GAVMAN LEVI	1.00
INKAM TAKIS BILONG BAIM I GO LONG PAPA GRAUN KAMPANI	3.00	EDISENEL STAMPES BILONG BAIM I GO LONG REPRESENTATIV BODI O GRUP	44.62
OPERETA PROFIT	55.00	SPESEL FORES WITHOLDING TAKIS	14.88
		OPERETA PROFIT	10.50

OPERETA RITEN ON KOS	110%	OPERETA RITEN ON KOS (K20.50)	41%
----------------------	------	-------------------------------	-----

Dispela tebol antap i soim olsem long nupela sistem, ol risos ona wantaim ol representativ bilong ol bai kisim K36.62 moa long wan wan kiubik mita diwai long wanem samting ol i wok long kisim nau long olpela sistem. Taim prais bilong ol diwai i go antap, mani ol papa graun bai kisim bai go antap tu. Taim prais bilong diwai i surik i kam daun, mani ol papa graun bai kisim bai surik i kam daun tu.

Dispela bai daunim profit bilong opereta. Tasol pri-takis-opereting riton long opereting kos bai stap yet long 41%. Samting tru i olsem nau yet long olpela sistem, opereta i wok long kisim 110% profit long opereting kos.

### STRAKSA BILONG OL REPRESENTATIV BODI

Sopos Fores Atoriti i no amamas long wanpela representativ bodi husat i makim ol papa graun, Atoriti bai tok nogat long dispela lain long makim ol papa graun. Sopos ol risos ona i laik tru save olsem ol i laikim representativ bodi ol i makim, orait ol i mas glasim gut ol gaidlain i stap daunbilo. Sopos ol risos ona i fomim pinis wanpela papa graun kampani o asosiesen, ol i mas lukluk gut sopos dispela i bihainim gaidlain. Sopos nogat orait ol i mas kamapim ol senis long dispela kampani o asosiesen pastaim long tok orait long dispela kampani o oganaisesen long makim ol.

#### • Wanpela representativ bodi i mas:

wanpela kampani husat i gat sea em ol papa graun i holim, bisnis grup, trastis bilong ol klen grup insait long projek eria o lokal level gavman o wanpela asosiesen emol papa graun i memba long en insait long projek eria, binis grup, trastis bilong klen grup o lokal level gavman.

#### • Wanpela projek i stat aninit long Forestri (Praiwet Dilings) Ekt:

olgeta kastomari len ona grup i mas stap insait long dispela representativ grup o bodi long tupela rot (1) olsem memba (2) komiti ol i makim. Long tupela sait wantaim, olgeta len ona grup i mas sainim pepa na tok orait long dispela samting.

#### • Wanpela projek i stat aninit long foma Forestri Ekt:

olgeta kastomari len ona grup husat i kam aninit long dospela timba rait peses agrimen i mas i gat bodi i makim ol long tupela rot (1) i mas kamap memba bilong dispela bodi (2) wanpela komiti ol i apoinim i mas

makim ol. Ol i mas sainim nominesen o len ona grup husat i memba long dispela timba rait peses agrimen.

#### • Fores Atoriti bai sekim nominesen bilong ol inkoporetad o rejistet grup wantaim Rejista Bilong ol Kampani.

Ol risos ona i mas luksave olsem sopos Fores Atoriti i no luksave long wanpela representativ bodi long eria bilong ol long stat bilong nupela sistem, edisenel stampes mani bilong ol bai go long Fores Atoriti. Atoriti bai holim dispela mani bilong ol risos ona i stap long wanpela arapela interes bering akaun. Dispela mani bai go long akaun bilong ol risos ona bihain long Atoriti i luksave long representativ bodi bilong ol risos ona.

Ol risos ona husat i laik save moa long dispela nupela revenyu sistem o rot bilong nominetim wanpela representativ bodi i ken ringim Revenyu Sistem Opisa bilong Fores Atoriti long telipon namba: 27 7800.


CONRAD SMITH R.P.F.  
Ekting Menesing Dairekta  
Nesenel Fores Sevis







• Bolton Tonga bilong Hawks i redi long paitim bal. Tim bilong em Hawks i no strong na Brown Eagles i winim ol 5-2. Dispela em stail bilong Mosbi sofbal long las wiken. *Poto: John Rei*

• Goli bilong DCA i klap i go antap holim bal maski birua bilong em i traim hetim bal. Taim ol arapela pilaia bilong Transport i was long em.



• Dispela pilaia bilong Hawks i redi long paitim bal tasol tim bilong em i no strong na ol i lus long Brown Eagles.

• Dispela pilaia bilong Transport long lephan na birua em bilong em bilong DCA i sanap lukluk long bal. Bal i stap long namei na tupela i no save wanem long wokim.



• Daniel Serl bilong Brown Eagles i yusim gut ai na taim em i lukim bal i no kam stret long em i paitim em i larim i go. Kain stail olsem i bin helpim tim bilong em long win.

• Manual bilong Transport i stail liklik long traim stapim bal. Transport i bin strong na dro 0-0 wantaim DCA.



**GEREHU TOUCH ASSOCIATION TRIAL - MATCHES**

Monday 31/01/94

Time	Grade	Teams	Vs	Teams
4.00pm	B	Roosters	vs	Seagulls
5.00pm	A	Raiders	vs	Country
<b>Tuesday 01/02/94</b>				
4.00pm	B	Raiders	vs	Country
5.00pm	A	Roosters	vs	Seagulls
<b>Wednesday 02/02/94</b>				
4.00pm	B	Bears	vs	Tigers
5.00pm	A	Bulldogs	vs	Knights
<b>Thursday 03/02/94</b>				
4.00pm	B	Bulldogs	vs	Knights
5.00pm	A	Bears	vs	Tigers
<b>Midweek draws - Mon - 07/02/94</b>				
4.00	B	Eels	vs	Sharks
5.00pm	A	Broncos	vs	Tete
<b>Tuesday 08/02/94</b>				
4.00pm	B	Broncos	vs	Tete
5.00pm	A	Eels	vs	Sharks
<b>Wednesday 09/02/94</b>				
4.00pm	B	Saints	vs	Rainbow
5.00	A	Panthers	vs	Magani
<b>Thursday 10/02/94</b>				
4.00pm	B	Saints	vs	Rainbow
5.00pm	A	Panthers	vs	Magani

BYE: Crusaders

**SOGERI VALLEY RUGBY LEAGUE SUNDAY, JANUARY 23, 1994 GAME 7**

Time	Fixtures
01.00	Tanobada Bros vs Hugo Canning
02.00	Sogeri Tigers vs Kanage Raiders
03.00	Radho Spiders vs Bluff Inn
04.00	KK United vs Ilimo Kerras

**GEREHU TOUCH ASSOCIATION ROUND 12 DRAW**

Saturday 22/01/94

Time	Grade	Teams	Vs	Teams
9.00	B	Tigers	vs	Tete
9.50	B	Sharks	vs	Saints
10.40	B	Raiders	vs	Eels
11.30	B	Raabbits	vs	Knights
12.20	B	Magani	vs	City
1.10	A	Tigers	vs	Tete
2.30	A	Sharks	vs	Saints
3.40	A	Raiders	vs	Eels
4.50	A	Rabbits	vs	Knights

Sunday 1230/194

9.00	B	Panthers	vs	Crusaders
9.50	B	Rainbow	vs	Country
10.40	B	Broncos	vs	Seagulls
11.30	B	Roosters	vs	Bulldogs
12.20	A	Magani	vs	City
1.10	A	Panthers	vs	Crusaders
2.30	A	Rainbow	vs	Country
3.40	A	Broncos	vs	Seagulls
4.50	A	Roosters	vs	Bulldogs

Bye: Bears

Midweek Draws Monday 24/01/94

4.00	Roosters	vs	Tete
5.00	Rainbow	vs	Crusaders

Tuesday 25/01/94

4.00	Rainbows	vs	Crusaders
5.00	Roosters	vs	Tete

Wednesday 26/01/93

4.00	City	vs	Raiders
5.00	Country	vs	Tete

Thursday 27/01/94

4.00	Country	vs	Knights
5.00	City	vs	Raiders

**RESULTS OF JUNIOR ATHLETICS TRIALS SATURDAY, JANUARY 16, 1994**

<b>100M BOYS</b>		<b>800M BOYS</b>	
Jerry Seph	11.1	Gumsie Taulobi	206.5
John Salom	11.2	Gilwa Mali	26.6
Amechi Nwokolo	11.5	Wareng Toutun	207.9
<b>100M GIRLS</b>		<b>1500M BOYS</b>	
Vavine Rupa	13.1	Sebastian Sena	4.24.6
Shayne Avela	13.3	Gumsie Taulobi	4.26.5
Joyce Tonny	13.4	Liken Ireng	4.26.6
<b>200M FINAL</b>		<b>5000M BOYS</b>	
Wesley Yaling	23.0	Toksy Jaint	16.54.7
John Salom	23.1	David Ruben	16.58.7
Samuel Bai	23.5	Jonah Mayan	17.30.8
<b>200M (GIRLS)</b>		<b>HIGH JUMP</b>	
Joyce Tonny	27.1	John Elisha	1.80
Monica Jonathan	27.5	Adam House	1.70
Linda Lingo	28.1	Daniel Obin	1.55
<b>400M BOYS</b>		<b>LONG JUMP</b>	
*Brendan Tommy	52.2	John Mayang	6.78
Vickson Boma	52.3	Daniel Kaputin	6.70
* Gilwa Mala	53.1		
Stanley Kero	53.7		
<b>400M</b>		<b>JAVELIN</b>	
Vavine Rupa	63.7	Ephreddie Jubilee	39.4
Elizabeth Patan	64.8		
Linda Ningo	68.4		
<b>1500M GIRLS</b>		<b>DISCUS</b>	
Rita Kama	5.28.7	E. Jubilee	30.08
Elis Anemai	5.51.1		
<b>300M</b>		<b>110 HARDLES BOYS</b>	
Rita Kama	11.52.2	Buchanan Bais	16.8
		Stanley Kero	18.6

Note: \* = Over age athletes.

**NCD PEPSI OFF-SEASON LEAGUE DRAW SUNDAY, JANUARY 23, 1994 HOHOLA LEAGUE OVAL ROUND SIX**

HOHOLA LEAGUE OVAL

TIME:	TEAM	Ref
12.00-01.00	Tauruba vs	South Settlement
01.00-02.00	Opo vs	Unagi
02.00-03.00	Sogeri Valley vs	Morata
03.00-04.00	Porebada vs	Koiani

KONE TIGERS OVAL

12.00-01.00	Porebada vs	Hohola
01.00-02.00	Opogo vs	Roosters
02.00-03.00	Manumanu vs	Lealea
03.00-04.00	Hisiu vs	Tatana

**PEPSI NCD OFF SEASON LEAGUE Round 6 Sunday, 23/01/94**

Hohola League Oval

Time	Teams	Ref
12:00 - 1:00	Tauruba vs	S/Settlement
1:00 - 2:00	Opo vs	Unagi
2:00 - 3:00	Sogeri V vs	Morata
3:00 - 4:00	Porebada vs	Koairi

Oval (2)

12:00 - 2:00	Poreporena vs	Hohola
1:00 - 2:00	Opogo vs	Roosters
2:00 - 3:00	Manumanu vs	Lealea
3:00 - 4:00	Hisiu vs	Tatana

**PORT MORESBY MEN'S SOFTBALL ASSOCIATION DRAWS Week 14. 23/01/94**

A grade Diamond 1

1000-1115	Malangan vs C/Tigers	P Chalapan
1130-1245	Elcom vs Chebu	C Terra
1300-1415	NGI vs Manolos	A Moe
1430-1545	Hawks vs Gazelle	A Evald
1600-1715	Fujitsu vs B/Eagles	L Duba

B grade Diamond 2

1000-1115	Fujitsu vs B/Eagles	T Simitap
1130-1245	Hawks vs Gazelle	N Kimi
1300-1415	Malangan vs Karanas	I Tovia
1430-1545	MSC vs Elcom	L Duba
1600-1715	NGI vs Varsity	J Sogai

C grade Diamond 3

1000-1115	Karanas vs Manolos	A Moe
1130-1245	Fujitsu vs MSC	L Duba
1300-1415	Admiralty vs Chebu	L Sorang
1430-1545	Malangan vs C/Tigers	T Simitap
1600-1715	PNGBC vs H/Bay	N Tata

**LAE WOMENS SOFTBALL ASSOCIATION DRAW 1993-94 SEASON - ROUND 2 Saturday, January 22, 1994**

Diamond 1 (L)

Time	Fixture	Ref
1030-1200	Elcees vs Taubar	N Hungrabos
1200-0130	Kunai vs Malangan	M Kalukal
0130-0300	Bismark vs Westpac	Costigan
0300-0430	Medics vs Gazelle	P Pasen

Diamond 2 (1)

1030-1200	Aviat vs Manolos	Defence
1200-0130	Karanas vs PNGBC	Manolos
0130-0300	Coronation vs KKK	PNGBC
0300-0430	Wantoks vs Defence	KKK

Diamond 3 (2)

1030-1200	KKK vs Coronation	BSP
1200-0130	BSP vs Defence	Coronation
0130-0300	Tarangau vs ANG	Defence
0300-0430	Manolos vs Royals	ANIugini

Diamond 4 (LR)

1030-1200	Medics vs Gazelle	Kunai
1200-0130	Bismark vs Westpac	Medics
0130-0300	Kunai vs Malangan	Gazelle
0300-0430	Elcees vs Taubar	Westpac

Diamond 5 (2)

0300-0430	Uni vs Karanas	Tarangau
-----------	----------------	----------

BYE: Kabi

Sunday 23/01/94

Diamond 4 (2)

1030-1200	ANG - BYE	
1200-0130	Katu vs Tarangau	Coronation
0130-0300	Coronation vs Manolos	Tarangau

Diamond 5 (2)

1200-0130	Uni vs Defence	Manolos
0130-0300	Royals vs BSP	Unitech
0300-0430	Karanas vs KKK	Royals

Please Note: All games must start on time. All results must be given straight after each game to either A Rukain or Alikis.

**Group A**

- 1 United States
- 2 Switzerland
- 3 Colombia
- 4 Romania

**Group B**

- 1 Brazil
- 2 Russia
- 3 Cameroon
- 4 Sweden

**Group C**

- 1 Germany
- 2 Bolivia
- 3 Spain
- 4 S.Korea

**Group D**

- 1 Argentina
- 2 Greece
- 3 Nigeria
- 4 Bulgaria

**Group E**

- 1 Italy
- 2 Ireland
- 3 Norway
- 4 Mexico

**Group F**

- 1 Belgium
- 2 Morocco
- 3 Holland
- 4 Saudi Arabia

**League stage**

Fri June 17:	Chicago (C) Germany-v-Bolivia Dallas (C) Spain-v-South Korea
Sat June 18:	Los Angeles (A) Colombia-v-Romania Detroit (A) USA-v-Switzerland New York (E) Italy-v-Ireland
Sun June 19:	Los Angeles (B) Cameroon-v- Sweden Orlando (F) Belgium-v-Morocco Washington (E) Norway-v-Mexico
Mon June 20:	San Francisco (B) Brazil-v-Russia Washington (F) Holland-v-Saudi Arabia
Tue June 21:	Chicago (C) Germany-v-Spain Boston (D) Argentina-v-Greece Dallas (D) Nigeria-v-Bulgaria
Wed June 22:	Los Angeles (A) USA-v-Colombia Detroit (B) Romania-v-Switzerland
Thu June 23:	Boston (C) South Korea-v- Bolivia New York (E) Sweden-v Italy-v-Norway
Fri June 24:	San Francisco (B) Brazil-v- Cameroon Detroit (B) Sweden v - Russia Orlando (E) Mexico-v Ireland
Sat June 25:	Boston (D) Argentina-v -Nigeria New York (F) Saudi Arabia-v-Morocco Orlando (E) Mexico-v- Ireland
Sun June 26:	Los Angeles (A) USA-v-Romania San Francisco (A) Switzerland-v-Colombia Chicago (D) Bulgaria-v-Greece
Mon June 27:	Chicago (C) Bolivia-v- Spain Dallas (C) Germany-v-South Korea
Tue June 28:	San Francisco (B) Russia-v- Cameroon Detroit (B) Brazil-v- Sweden Washington (E) Italy-v- Sweden
Wed June 29:	Orlando (F) Morocco-v-Holland Washington (F) Belgium-v-Saudi Arabia
Thu June 30:	Boston (D) Greece-v- Nigeria Dallas (D) Argentinian-v- Bulgaria

**Knockouts Stages**

Round of 16

Sat July 2:-	1. Chicago	Winner of group C-v-Third from group A,B or F
	2. Washington	Second of C-V-Second of group A
Sun July 3:	3. Dallas-	Second of group F -v-Second of group B
	4. Los Angeles	Winner of group A- v-Third from group C,D, or D
Mon July 4:	5. Orlando-	Winner of group F-v Second of group E
	6. San Francisco-	Winner of group B-v Third from group A,C, or D
Tue July 5:	7. Boston-	Winner of group D-v-Third from group B,E, or F
	8. New York-	Winner of group E-v-Second of group D

**Quarter-finals**

Sat July 9:	Match A. Boston-	Winner of game 7-v-Winner of game 2
	Match B. Dallas-	Winner of game 5-v-Winner of game 6
Sun July 10:	Match C. New York	Winner of game 8-v-Winner of game 1
	Match D. San Francisco-	Winner of game 4 -v-Winner of game 3

**Semi-finals**

Wed July 13:	New York -	Winner of match C-v-Winner of match A
	Los Angeles	Winner of match D-v-Winner of match B

**3rd / 4th place playoff**

Sat July 16:	Los Angeles
--------------	-------------

**Final**

Sun July 17:	Los Angeles
--------------	-------------



**NCDC PUBLIC SERVANTS  
SOCCER ASSOCIATION  
GRAND FINALS (Draws)**

Saturday 22/01/94  
BISINI 1 (Round 10)

Time	Div	Fixture	Referee
1 1000	W1	PTC vs DCA	J Mangor
2 1120	M2	PNGBC vs BPNG	F Kasau
3 1250	W1	Finance vs Labcis	M Sapek
4 0210	M2	Uni vs CMB	R Tsuga

BISINI 2

5 1000	W2	Lands vs E/cation	B Kawa
6 1120	M1	Works vs Finance	S Modagai
7 1250	W2	BPNG vs Uni	C Nur
8 0210	M1	Labcis vs DCA	J Silikara

Rules: Draw at fulltime - 10 (20) minutes extra  
Draw at extra time - Five penalty kicks  
Draw at penalty kicks - sudden death penalty.  
Timing: Round 10 & 11 - men 35 (70); women 30 (60) minutes  
Round 12 - men 40 (80); women 30 (60) minutes  
Round 13 - men 45 (90); women 35 (70) minutes

NOTICE: All NCD Public Servants referees are asked to turn up by 9:00 am on Saturday. Gates open at 9:00 am.

Sunday 23/01/94 (Round 11)  
BISINI 2

9 1000	W1	Loser (G1) vs Winner (G3)	
10 1130	W2	Loser (G5) vs Winner (G7)	
11 0140	M2	Loser (G2) vs Winner (G4)	
12 0300	M1	Loser (G6) vs Winner (G8)	

Saturday 29/01/94 (Round 12)  
BISINI 1

13 1000	W2	Winner (G5) vs Winner (G10)	
14 1130	W1	Winner (G1) vs Winner (G9)	
15 0140	W1	Winner (G6) vs Winner (G12)	
16 0300	M2	Winner (G2) vs Winner (G11)	

Sunday 30/01/94 (Round 13)  
BISINI 2

17 1000	Women	vs	(C/Raiser)
18 1100	Women	vs	(G/Final)
19 0140	(M) PSSA	vs	PMSA (C/Raiser)
20 0300	Men	vs	(G/Final)

**NCDPSSA POINTS LADDER  
AFTER GAME 19**

MEN (Pool 1)

No	Teams	G/P	W	D	L	G/F	G/A	Pts
1	Works	9	5	3	1	14	3	18
2	Finance	9	4	3	2	11	4	15
3	Labcis	9	3	5	1	18	13	14
4	DCA	9	3	5	1	8	10	14
5	PTC	9	4	1	4	17	10	13
6	Transport	9	2	5	2	8	10	11
7	McGregor	9	2	4	3	11	14	10
8	A/General	9	2	3	4	9	14	9
9	POSF	9	1	4	4	9	16	7
10	NBC	9	1	3	5	4	14	6

Pool 2

1	PNGBC	9	6	3	-	19	5	21
2	BPNG	9	6	2	1	16	8	20
3	University	9	4	4	1	12	7	16
4	CMB	9	4	1	4	17	14	13*
5	Lands	9	3	3	3	14	10	12
6	Education	9	4	-	5	16	15	12
7	Teachers	9	3	2	4	14	15	11
8	P/Ministers	9	2	3	4	15	15	9
9	Deced	9	2	3	4	8	11	9
10	NPF	9	-	1	8	4	16	1

\* Education appeal successful against CMB (21/11/93) 3 points deducted.

WOMEN (Pool 1)

1	PTC	9	6	2	1	19	3	20
2	DCA	9	5	3	1	12	6	18
3	Finance	9	3	4	2	8	8	13
4	Labcis	9	4	1	4	7	9	13
5	Works	9	3	3	3	16	7	12
6	Transport	9	3	3	3	6	6	12
7	McGregor	9	3	1	5	6	11	10
8	NBC	9	3	-	6	7	16	9
9	POSF	9	1	5	3	5	9	8
10	A/General	9	2	2	5	6	18	8

Pool 2

1	Lands	9	7	1	1	12	3	22
2	Education	9	6	2	1	9	1	20
3	BPNG	9	3	5	1	12	4	14
4	University	9	4	2	3	8	7	14
5	NPF	9	3	3	3	9	7	12
6	CMB	9	4	0	5	4	10	12
7	Teachers	9	2	4	3	7	10	10
8	PNGBC	9	1	4	4	2	4	7
9	P/Minister	9	2	1	6	4	12	7
10	Deced	9	1	2	6	4	10	5

\* Education appeal against CMB successful (21/11/93) 1 point deducted.

**PUBLIC SERVANTS  
VOLLEYBALL ASSOCIATION  
DRAWS**

Venue: Sir John Guise Indoor Stadium  
Round: Nine  
Date: 22/01/94

Court No. 1

Match No.	Time	Health	Teams	Division	Referee
113	9.00		vs Education	W	K. Dick
114	10.30	NRI	vs NCDC	W	P. Vagi
115	12.00	PTC	vs Lands	W	M. Gima
116	1.30	DEC	vs Fire	W	Ykolisa
117	3.00	NHC	vs Sports Com.	W	Charlie

Court No. 2

118	9.00	NCDC	vs PTC	M	V. K. Au
119	10.30	Health	vs Fire	M	Magela
120	12.00	UPNG	vs Elcom	M	G. Wala
121	1.30	NRI	vs NHC	M	Bobola
122	3.00	DEC	vs Lands	M	Oa Mairi

Court No. 3

123	9.00	Elcom	vs Att. General	W	Lisenia
124	10.30	Finance	vs UPNG	W	Unatah
125	12.00	Finance	vs Sports Com.	M	M. Walo
126	1.30	Education	vs Att. General	M	K. Walo

**Points Ladder - Round eight**

Men

Team	GP	W	L	SF	LF	SF	SA	PF	PA	MP
Fire	8	7	1	-	-	23	12	464	382	15
UPNG	8	7	1	1	-	22	14	178	424	15
DEC	8	5	3	2	-	19	13	425	318	13
Lands	8	5	3	3	-	18	11	387	333	13
Health	8	4	4	-	-	20	14	414	365	12
PTC	8	4	4	-	-	18	15	369	305	12
Education	8	4	4	1	-	18	16	445	414	12
NCDC	8	4	4	1	1	16	18	390	439	11
NRI	8	3	5	1	-	13	18	377	354	11
Sports Com.	8	4	4	-	2	13	15	272	349	10
Elcom	8	4	4	-	2	13	15	272	349	10
NHC	8	2	6	-	-	12	21	370	436	10
A/General	8	3	5	1	4	11	18	234	340	7
Finance	8	-	8	-	1	9	24	309	492	7

**DAVID UNAGI OFF SEASON LEAGUE  
DRAW - ELIMINATION FINALS**

Sunday, January 23, 1994

Time	Grade	Teams
10.00 am	C	5 Mile vs Korobosea
11.00 am	C	Saraga vs Makana
* 3/4 Mile on bye.		
* 11.00 am match - Do or Die - Winner to meet loser of 10 am match. Winner of 10.00 am match will meet 3/4 Mile next week.		
12.00 pm	B	Korobosea vs 3/4 Mile
1.00 pm	B	Gordons vs 6 Mile
* Saraga on bye.		
* 1.00 pm match - Do or Die. Winner of 1.00 pm match to meet loser of 12.00 pm match. Winner of 12.00 pm match will meet Saraga next weekend.		
2.00 pm	A	3/4 Mile vs Gordons Ridge
3.00 pm	A	Korobosea vs Saraga
* 6 Mile on bye.		
* 3.00 pm match - Do or Die. Winner of 3.00 pm match to meet loser of 2.00 pm match. Winner of 2.00 pm match will meet 6 Mile next week.		
* All clubs must turn up on time for matches.		

**PEPSI OFF SEASON LEAGUE TOURNAMENT  
POINTS LADDER  
as of Sunday, January 16, 1994**

MASTER

Team	W	L	D	A	PTS	LAD
Morata	4	1	-	10	8	8
Kujari	4	1	-	10	0	8
Hohola	4	1	-	8	28	8
Porebada	3	1	1	12	12	7
Lealea	3	2	-	28	8	6
Tatana	4	1	-	0	24	8
Poreporena	2	3	-	6	2	4
South Settlement	3	2	-	14	40	4
Opogo	1	4	-	24	0	2
Hisiu	1	3	1	12	12	3
Sogeri Valley	2	3	-	0	10	4
Unagi	2	3	-	2	6	4
Tauruba	2	2	1	4	24	5
Roosters	0	4	1	40	14	1
Opo	0	5	-	24	4	0
Manumanu	2	2	-	8	10	6

NOTE: Current point table after round 5

**PORT MORESBY WOMEN'S SOFTBALL ASSOCIATION INC.  
1993/94 SEASON DRAW Round 2  
(Week 15 - 22/01/94)**

Time	Diamond One	Grade	
9.00	Wantok vs NGI	B	T Simitap
10.30	Malangan vs Yokomo	A	T Simitap
12.00	Gazelle vs A/Stars	A	L Duba
13.30	Fujitsu vs Royals	A	S Kalai
15.00	Wantoks vs Elcom	A	C Terra
16.30	Mazda vs United	A	P Chalapan

Diamond Two

0900	Elcom vs PomTech	C	A Moe
1030	Admiralty vs G/Country	C	C Terra
1200	Karanas vs Chebu	B	M Robinson
1330	United vs C/Tigers	C	K Paivu
1500	Gazelle vs Admiralty	B	N Tata
1630	Yokomo vs Royals	B	L Paivu

Diamond Three

0900	Fujitsu vs Chebu	AR	L Duba
10.30	UPNG vs PNGBC	C	J Sogai
12.00	Norths vs Mazda	AR	P Mesak
13.30	UPNG vs Malangan	AR	P Chalapan
15.00	Karanas vs A/Stars	AR	J Avuchulas
16.30	Tarangau vs G/Country	AR	P Mesak

BYE: Norths  
GRADE: 'C'

**PEPSI OFF SEASON LEAGUE  
RESULTS FOR ROUND 5  
January 16, 1994**

Hohola	28	def	Lealea	8
South Settlement	40	def	Roosters	14
Manumanu	10	def	Morata	8
Tauruba	22	def	Opo	4
Unagi	6	def	Poreporena	2
Hisiu	12	drew	Porebada	12
Sogeri Valley	10	def	Koairi	0
Tatana	24	def	Opongo	0



• Wanpela pilala bilong Hawks I laik das I go long bes.



# Sogeri laik stapim ol top tim

## WINIS MAP i raitim

SOGERI Veli i tingting nau long stapim ol tim husat i go pas long poin lata bilong Pepsi op sisen lig. Long las wiken ol i bin mekim save stret long ol wantok bilong ol long Koiari. Koiari bihain long raun 4 i bin go pas long poin wantaim 8 poin. Koiari wantaim Morata Swans i stap long 8 poin. Tasol long las wiken tupela tim wantaim i kisim taim long ol birua. Morata i no stapim Maumanu na lusim

gem. Bikpela tingting bilong ol manki long Sogeri Veli em long bagaram sans bilong ol lain i stap antap long poin lata. "Mipela i laik traim stapim ol tim i stap antap. Bikos mipela tu i gat tingting long stap insait long fainal," tim kepten bilong Sogeri Tei Soreki i tokim Wantok.

Long las wiken Sogeri i bin stapim tru Koiari na winim pilai long 10-0 skoa. Na long dispela wiken ol i gat tingting long givim wankain mekim save long Morata.

Kepten bilong Sogeri, Tei Soreki na wanpela sinia pilaia Obert Batia i bilip ol bai stapim Morata. Soreki na Batia i bilip tim wok bilong ol pilaia long fil bai helpim ol rausim tket bilong Morata taim ol i bung long Hohola lig oval.

Morata i wanpela strongpela tim long resis tasol long las wiken ol boi Manumanu i strong na winim ol. Morata i gat sampela bikpela fowat tru long kompetisen husat i save givim hat taim long ol birua.

Tasol long dispela wiken Sogeri tu i redim pinis ol strongpela fowat husat bai stapim ol fowat

bilong Morata. Tupela prop husat i bin pilai strong tru long las wiken Albert Baeka na Roy Mitaro wantaim helpim bilong Alex Dokara na Gibson Soreke long seken row bai go pas long brukim ol banis bilong Morata.

Long dispela wiken huka Tei Soreki i mas traim na setim gut ol fowat na beklain. Em i mas wok bung wantaim hap bek na faivet ol dispela tripela bai helpim tim long win sapos ol i wok bung long setim ol wanpilaia.

Sapos ol boi bilong 15 mail i laik tru long winim dispela pilai ol i

mas yusim kain teknik ol yusim long Kaugere taim ol i pilai wantaim Koiari. Long dispela pilai difens bilong tupela tim i bin strong tru. Tasol ol fowat bilong Sogeri i bin kisim bal na ran i go stret long banis bilong birua. Ol i bin salensim tu strong bilong birua.

Long dispela wiken ol i mas traim brukim banis bilong birua na sapos fowat lain bilong Morata i strong Obert Batia i mas toksave hariap long ol fowat na larim bal i stap long beklain. Bikos ol beklain i ken wokim ol bikpela fowat bilong Morata i sot win.

## Ples nogut bilong Isten Hailans kirap long spot



• Ol lain bikman bilong ples i kisim nau mani i kam long wanpela mausman bilong provinsal gavman. Gavman i luksave olsem spot insait long ples bai helpim long daunim kain kain bikhet pasin nabaut.

## SAPE METTA i raitim

OL bikman bilong ples Kompri long Henganofi distrik i amamas tru long gutpela pasin Isten Hailans provinsal gavman i mekim long givim mani long developim ol ples bilong pilai long ol ples. Kompri i gat nem nogut tru bikos planti yangpela bilong ol i save wokim raskol pasin.

Ol yangpela bilong dispela ples i save hensapim ol ka n apsendia husat i ran long hailans haiwe na stilim ol samting long ol.

Planti bikman bilong ples i bin amamas tru taim ol i harim olsem provinsal gavman i givim K50,000 long wokim ples bilong pilai long Kainantu, Okapa na Henganofi. Bikos ol bikman i save olsem dispela bai helpim tru ol yangpela long

stap long mekim trabel.

Long dispela K50,000, Henganofi bai kisim K10,000 long wokim ples bilong pilai. Na ol bikman bilong ples i bilip olsem dispela helpim ol yangpela na stapim ol long wokim raskol pasin.

Ol bikman bilong ples i tok aut olsem Kompri i ga nem nogut long kamapim trabel long ol ka na pasindia husat i ran long Hailans haiwe.. Tasol dispela gutpela sapot

provinsal gavman i givim bai helpim tru ol yut na senisim pasin nogut bilong ol.

Kompri Veli Vilis Ragbi Lig i wanpela gutpela piksa we planti yangpela manki i save pilai ragbi lig na ol i save lus tingting long mekim trabel. Dispela nupela helpim gavman i givim bai mekim ol yangpela i amamas tru na ol bai tingting long kamapim kainkain pilai na lus tingting long wokim raskol pasin.

# Bikpela hevi bungim sofbal long Kavieng

## WINIS MAP i raitim

KAVIENG Sofbal Asosiesen i bungim nau bikpela hevi long kamapim ol pilai long wiken.

Bihain long bikpela pilai bilong Malangan Sofbal Tonamen em i bin kamap long Kavieng long Krimas na Nu Yia wiken long las yia na dispela yia. Planti tim husat i pilai long Kavieng sofbal resis i no moa kamap

long ples bilong pilai long statim gem.

Ripot Wantok i kisim long wanpela sofbal pilaia em i tok olgeta pilai long Kavieng i pundaun pinis. Dispela pilaia i tok long t pela wiken nau pilai i no kamap gut. "Samting olsem tu o tripela tim tasol i save kamap. Sapos tupela tim i kamap long Sarere wanka namba tu i save kamap long Sarere," dispela pilai i tok.

Kavieng sofbal i no

pundaun bikos long dispela bikpela sofbal tonamen ol tim bilong Nu Ailan provins i kamapim long Desemba, 1993 na Janueri 1994. Sofbal kompetisen long Kavieng i pundaun bikos i gat sampela hevi kamap long lokol asosiesen yet.

Bihain tasol long tonamen na ol i laik holim ol pilai i no gat planti pilaia na sapota i bin kamap. Planti tim i no kamap na dispela i bin kamapim hevi.

Samting olsem 4-pela tim bilong ol lain long ples i no bin kamap long pilai tu.

Hevi i bin kamap taim ol graun komiti i go het na wokim dro. Dispela ol graun komiti i no bin kisim tingting bilong ol klap opisal pastaim long ol i mekim dro. Dispela nau i bin stapim ol klap long kamap long fil bikos ol i no bin amamas long dro.

Long las wik Tunde eksekutiv i bin traim long holim wanpela kibung long stretim dis-

pela hevi. Tasol planti eksekutiv memba i no bin kamap long kibung na ol i no holim kibung.

Kavieng i stap yet long raun wan na ol i gat tupela moa gem bipo long ol i pinisim ol pilai bilong raun wan. Kavieng sofbal asosiesen i gat narapela tupela raun pastaim ol i pilaim ol fainal.

Tasol wantaim dispela hevi i luk olsem Kavieng sofbal bai bungim bikpela hevi na ol i no inap pilaim fainal.

## Lahanis tu statim ol trening bilong ol

### SAPE METTA i raitim

SP INTA siti sempion bilong las yia, Goroka Lahanis i statim pinis trening bilong en. Lahanis bihain long ol i lukim planti ol arapela senta i tok aut long tim na trening taim long niuspepa i no westim taim na statim trening.

Na long las wik sponsa bilong las yia Sir Danny Leahy i bin singautim ol eksekutiv bilong Goroka Ragbi Lig (GRL) na ol opisal bilong Goroka Lahanis long holim wanpela kibung. Long dispela kibung olgeta i bin tok orait long larim olgeta pilaia husat i bin pilai long las yia.

Dispela ol pilaia husat i bin helpim Lahanis long winim inta siti kap i statim pinis long dispela wik Mande. Tasol ol i no makim yet ol tim opisal husat bai luk autim tim. GRL i askim ol man long aplai long posisen bilong kosa, trenan, tim menasa na tim dokta. Aplikesen i op long husat i laik kisim dispela ol posisen long luk autim tim.

Sir Danny i promes pinis long givim laip sponsasim long Goroka Lahanis tasol em i no tok aut yet long hamas mani em bai givim long dispela sisen. Collins na Leahy wanpela bisnis bilong Sir Danny bai baim ol nupela yunifom bilong pilai.

GRL presiden, James Korarome i tok em wantaim ol eksekutiv bilong em i bilip ol pilaia i fit long pilai. Tasol ol i askim olgeta pilaia long kamap long trening.

## Gavman luksave long viles spot long

SPOT o pilai long planti ol bikpela senta na long sampela ples i save kisim sapot i kam long gavman.

Gavman i save givim helpim sapos em i luksave long wan wan spot asosiesen husat i kamapim kain kain pilai.

Long las wik wanpela ples insait long Isten Hailans provins i bin amamas long lukim provinsal gavman i luksave long wok ol i mekim na givim ol helpim. Ol pipel bilong ples Litipinaga long Lufa distrik i bin kisim K400 long provinsal gavman. Ol pipel long dispela ples i bin wok hat tru long wokim wanpela pilai graun. Provinsal spot opis long Goroka i bin luksave long hat bilong ol dispela pipel olsem na em i go na helpim ol wantaim dispela mak bilong mani.


Ples Litipinaga i stap antap long het bilong maunten na ol pipel i painim hat tru painim ples bilong pilai. Olsem na ol lain bilong ples i bin sindaun na pasim tok long yusim han bilong ol yet long wokim pilai graun. Ol i bin brukim graun na stretim i go na kamapim wanpela ples bilong pilai.

Dispela i soim tru olsem ol pipel i no stap bek na askim gavman long helpim ol. No gat, ol i go het na wokim samting long laik bilong ol. Ol yet i yusim han bilong ol na pilai graun i kamap. Dispela pilai graun i bin kisim ol planti mun long pinisim.

Ol pipel i laik tru long kamapim kainkain pilai tasol long dispela taim ol i no gat ples bilong pilai. Olsem na ol yangpela bilong ples wantaim helpim bilong ol lapun ol i bin wok hat i go na nau pilai graun i kamap.



# WANTOK SPOTS



*Norths laik bagarapim ples...* Long op sisen ragbi tas resis bilong Mosbl, ol lain bol bilong Norths ragbi lig tim tu i laik kirapim das liklik. Bikos Mosbl em ples bilong san oltaim olsem na ol i laik wokim hul long graun. Ol i save resis long Walgani ragbi tas resis.

## PSSA autim ol tim bilong fainal

BIHAIN long kik bilong raun 9 long las wiken Pablik Sevan Soka Asosiesen (PSSA) i tokaut pinis long wanem ol tim bai i go kik long fainal long wan wan pul na divisen.

Long pul wan, 4-pela tim bilong man husat i winim ples long kik long fainal em Works, Finance, Labcis na DCA. Tim bilong ol meri long pul wan em PTC, DCA, Finance na Labcis. Ok, long pul tu ol tim bilong man husat bai kik em PNGBC, BPNG, Unvesity na CMB. Tim bilong ol meri em Lands, Education, BPNG na Unversity.

Dispela yia em i wanpela gutpela yia bilong 5-pela tim bikos tim bilong man na meri wantaim bai kik long fainal. Ol dispela 5-pela tim em Labcis, Finance, DCA, BPNG na Unversity.

Wanpela gutpela samting em i gat tupela nupela tim husat i bin stat long kik long 1993/1994 sisen. Dispela tupela tim em BPNG na Finance, tupela i gat tim bilong man na meri bai kik long fainal. Dispela i soim tru olsem ol plaia na klap opisal i wok hat tru long kamapim kik bilong ol.

Long pul wan, kik bilong ol man bai stap namel long Works na Finance. Dispela bai wanpela strongpela gem. Works bai tingting strong long banisim titel em ol i winim long las yia. Tasol Finance i gat bilip olsem ol bai nekim Works bikos long dispela sisen taim ol i pilai wantaim Works ol i bin dro 1-1. Long dispela taim Finance i bin gat 9-pela pilai tasol taim Works i bin gat 11-pela pilai olsem na kepten bilong Finance i bilip dispela gem bai kamap strong tru.

Narapela strongpela kik bilong ol man long pul wan bai stap namel long Labcis na DCA. Tupela wantaim i tingting strong long winim kik.

Long divisen bilong ol meri PTC bai wok hat tru long stapim DCA. Bikos ol meri DCA tu i laik winim dispela gem na go long semi fainal. Taim Labcis bai kisim taim liklik long ol meri Finance. Finance i nupela tim tasol ol tu i laik long winim kik.

Strongpela kik bilong ol man long pul tu bai stap namel long PNGBC na BPNG. PNGBC i wanpela strongpela tim long las ol i bin amap namba tri na long disela yia ol bai trai long winim kik. Tasol kain nupela tim olsem BPNG ol bai no inap larim wanpela tim i winim ol.

Narapela pilai long dispela pul bai stap namel long Unversity na CMB. Dispela tupela tim bai traim long daunim arapela.

Na long kik bilong ol meri long pul tu Lands bai traim long stapim Education long win.

## Fainens salim ol man na meri long fainal

WANPELA nupela tim long Pablik Sevan soka resis, Finance i wokim nem pinis. Finance i gat tim bilong man na meri husat bai kik long fainal.

Dispela yia em i namba wan taim bilong Finance long putim tim long pablik sevan soka. Taim kompetisen bilong pablik sevan i stat Finance i no bin putim tim. Tasol long dispela yia ol wok man na meri i stretim toktok na tok orait long putim tim.

Olsem na long dispela wiken ol boi Finance bai traim soim Works olsem ol tu inap pilai soka. Works em i sampion bilong 1992/1993 sisen na ol bai traim long winim bek taitel em ol i winim long las yia.

Sapos Works i laik winim bek taitel ol i mas winim Finance na dispela bai givim ol sans long go pilai long priliminari fainal long Sande. Na sapos ol i wokim gut ol bai go long semi fainal long neks wik.

Kepten bilong Finance, Mark Lowap i bilip ol boi bilong em bai kamapim strongpela gem long stapim Works. I tru olsem planti ol pilai bilong em i no save pilai soka tumas. Tasol em i gat bilip long dispela ol nupela pilai husat i

bin helpim tim na pinis namba tu long pul bilong ol.

Long dispela wiken tupela franlain pilai, Mathias Lasia na Junior Mark bai traim brukim umben bilong Works. Long midfil Finance i gat bilip long Steven Mali na John Sam. Wok bilong tupela em long setim ol straika long skoa na stapim ol fowat na midfil bilong works long brukim banis.

Tupela man husat bai banisim ol straika bilong Works long beklain em Mark Lowap na Mali Heai.

Tasol ol maniman i mas was gut long Peter Panau wantaim ol resa manki bilong Works. Bikos bikpela tingting bilong Works nau em long traim defendim taitel ol i winim long las yia. Olsem na ol bai kamapim strongpela kik long stapim biru tim. Wanpela gutpela samting long Works em olgeta lain husat i bin pilai long las yia i stap yet. Tupela nupela pilai husat i kik long dispela sisen em Posenei Ndrihin na goli Ben Tomati. Olgeta em ol pilai bilong las yia sisen yet.

Long dispela wiken tripele beklain pilai Duri Yarawi, Cas Igiem na Jonathan Korus bilong Works bai wok hat tru. Dispela tripele i mas stapim Lasia na

Mark long skoa. Stia bilong Works long midfil bai stap long Peter Panau na Raymond Lokowah. Tupela i mas traim na stilim bal long Mali na Sam na setim Wesley Waiwai na Paul Moang long skoa. Waiwai na Moang i gat gutpela sstail bilong pilai na tupela i save gut long stail bilong ol olsem na tupela bai go pas long

bagarapim sans bilong Finance.

Narapela tim husat i gat tingting long winim kik bilong fainal na go insait long semi fainal em DCA. DCA i gat bikpela tingting long winim pilai namel long ol na Labcis.

Kosa bilong DCA, Kisakiu Pakop i gat bilip olsem tim bilong em bai win bikos nau ol i trening hat tru.

Bikpela tingting bilong DCA long winim pilai i stap long Eric Petrus na George Bayang. Pterus i save midfil na Bayang i save pilai long beklain.

Long winim kik DCA bai traim long wokim gutpela bal wok sapos ol pilai inap larim bal i stap daunbilo long graun na setim ol wanpela bilong ol dispela bai helpim ol.

# Nupela soka asosiesen laik joinim PNGFA

### WINIS MAP i raitim

WANPELA nupela soka asosiesen i tingting pinis long afiliet i go long Papua Niugini Futbal Asosiesen (PNGFA) long dispela yia.

Nu Briten Pam Oil Development (NBPODSA) i tok aut pinis olsem ol bai afiliet wantaim PNGFA long dispela yia. NBPODSA i no wanpela nupela soka asosiesen, ol i bin statim dispela soka asosiesen long 1975. Long dispela yia i go inap long 1984 ol i no bin afiliet wantaim PNGFA. Tasol long 1984 na 1985 soka sisen ol i

bin kamapim gut kk na afiliet i go long PNGFA.

Bihain long 1985 olgeta samting i no kamap gut na ol i no afiliet wantaim PNGFA. Long ol dispela yia ol i save holim kik tasol ol i no save stap insait long ol bikpela kik ausait bikos ol i no afiliet long mama bodi.

Maus man bilong NBPODSA, John Raka i tok asua i kamap bikos i no gat gutpela man i lukautim kik long dispela ol yia. Em i tok ol edministretiv wok bilong asosiesen i no save kamap gut bikos ol man i lukautim asosiesen i save lusim wok na go wok long sampela hap.

Long dispela yia NBPODSA

i bin askim arapela tupela soka asosiesen long afiliet wantaim na ol bai afiliet i go long PNGFA. Arapela tupela asosiesen em Kapiura, Plentesen Soka Asosiesen na Kapiura Oil Mil Soka Asosiesen. Dispela tripele soka asosiesen bai bung wantaim na ol bai kolim ol dispela soka lig.

Taim ol i afiliet i go long NBPOSA ol bai kam aninit long lukaut bilong NBPOSA. Dispela bai mekim isi long ol na ol bai i gat sans tu long larim sampela pilai i makim ol long pilai long bikpela kik

em PNGFA i holim.

Tasol bikpela as tru long larim tripele soka asosiesen i kam aninit long wanpela asosiesen na afiliet i go long PNGFA em long traim kamapim stendet bilong kik namel long ol dispela asosiesen.

Ol kamapim dispela tingting em long bungim olgeta wok man na famili bilong ol. NBPOD i laik bungim olgeta wok man wantaim na i luk olsem kampani bai helpim tu long ranim asosiesen long dispela.





MAIK I MEKIM OL SEKURITI GAD OLSEM OL LIKLIK MANGI... EM LAP WANTAIM NA EM I GO...



EM DRAIN I GO NA LUKIM OL PLIS I MEKIM ROT-BLOK...



HAH! OL POLIS NATING! MI MINISTA! MI BIKMAN BILONG OL! OL BAI HARIM TOK BILONG MI! HAH!



EM I GO STOP...



NAU MAIK I KAMAUT NIA TOK POLITIK LONG OL...



TASOL TOKTOK BILONG EM I LUS NATING LONG WIN...







Hepi Niu Yia Olgeta !!

# REBO



EM BELHAT TRU LONG AUDA...

MONING PAR, HA! HA! HA!

AUDA!! YU GAK? BAI MI HOLI MI NEK BILONG YU!!



MAN! PLES I HAT TUMAS, YAH! NOGAT KOL WINI TRU YAH..EMILY! YU LAIK YUMI GO LONG PLES BILONG MI?

HEY? EM GUTPELA AI-DIA STRET! MI NO LUKIM PLES POREBADA YET!



EMILY AMAMAS TRU..EM I GO STRETIM OL KAGO LONG KARIM I GO...

EM NAU! NAU MI REDI LONG GO SWIM LONG PLES NA PAINIM PIS!

HAH, YES! IZ-PEKS BI-LONG MI STAP LONG FRIZ!!



AAH, OL I KOL GUT TRU MI BAI STRETIM NEK LONG NAMBIS!

MI LES LONG YU SPAK NA DRAIN, OKE ?!



NAU OL I GO LODIM OL KAGO...

MAN! DISPELA ESKI BILONG YU TASOL NA BOOT I NOGAT MOA SPES YAH!

SSH! SUBIM OL I GO INSAIT TASOL! MAKI KOMPLEN!



NA TEK-OFF IGO LONG POREBADA VILES... PLES BILONG REBO...

AUDA, PASIM GET NAU!

ASTE YET! YU WARI AH?!

KLIK!

\*ELETRIK GET.



# HEY, WANTOK!

YU LAIK RITIM NIUSPEPA LONG TOK- PLES BILONG YUMI?... ORAIT, BAIM

## WANTOK

NIUSPEPA BILONG OL PAPUA NIUGINI STRET

EM NIUSPEPA BILONG YUMI OL PAPUA NIUGINI STRET!

INO DIA TUMAS. 40t TASOL!



# Manus ailan bringim wari long boi Pere

i kam long pes 1

i givim gutpela nek na bekap long Keni. Olsem na ol singsing tu i swit na nais moa yet.

The Sanders Harmony Group em ol lain famili memba na ol wantok bilong Keni husat i stap skul na wok long Mosbi. Em i bungim ol wantaim na bihain ol i go long studio na givim nek bilong ol.

Wanpela pren bilong Keni, James Kouabe i bin raitim dispela singsing *Love Yam* na givim long em bilong putim long musik. Em nau Keni i bungim wantaim gutpela bekap nek bilong ol lain The Sanders na ples i paia.

Tasol dispela i no min olsem Keni i lusim-tingting long Papua Niugini.

Em i save olsem i gat ol narapela lain tu bai laik harim dispela kaset na ol singsing insait long en. Olsem na ol arapela singsing bilong em i stap long *Tok Pisin* na tok inglis.

Wanpela bilong ol tasol i narakain liklik na i kam long kolples long hailans yet. Singsing ya i bilong Gumine long Simbu provins. Dispela em singsing *Bong Yame*.

Tasol long olgeta singsing bilong em, i gat wanpela samting i kamap ples klia tru. Keni em i no kain man bilong wokim singsing long ol meri o olkain samting nabaut olsem. Nogat. Planti singsing bilong em i sut stret long laip na sindaun bilong ol pipel.

Em yet i laikim olsem ol singsing bilong em i mas gat mining tru.

Olsem na long taim bilong stori, Keni i tok bikpela laik bilong em i sut long wokim singsing em i pas long kain sindaun insait yet long famili. Dispela em long pasin bilong skulim man long no ken paitim nating meri, lukautim gut pikinini na olkain liklik samting olsem em inap kamapim gutpela famili.

Bipo Keni i bin wok wantaim wanpela biknem politisen bilong kantri, na bihain em i lusim. Tasol em i no stap nating long haus. Aninit long haus bilong em long Tokarara, Keni i gat wanpela liklik studio bilong em.

Long dispela studio, em i redim nau narapela kaset bilong em na tu i wok long ol arapela projek nabaut.

Maski em i no go skul long musik, Keni i gat


bikpela eksperiens olsem wanpela musik ensinia. Bihain long em i katim tupela solo kaset bilong em wantaim Kuanua Studio long Rabaul, Pacific Gold i kisim long wok olsem wanpela rekoting ensinia. Bihain em i lusim ol na go stap wantaim Tumbuna Track Studio long Madang.

Insait long wok bilong musik tasol, Keni i bin helpim tu wanpela biknem minista bilong gavman long ol wok kempen bilong em.

Pastaim long em i kamap olsem wanpela solo musik atis, Keni i save pilai raun wantaim X-Tension na Bits & Pieces. Ol man husat em i stap wantaim long dispela taim em Ben Hakalitz, Peter Kailep, David Waive, Peter Molin na Mark Soi. Tasol bihain ol i bruk na go bilong ol yet.

Long sampela taim, em i save go limlimbur na traim nek wantaim wanpela pawa ben husat i save pilai oltaim long Travelodge Hotel long Mosbi.

Keni i tok bihain long em i stap malolo moa long 4-pela yia, em i tingting long katim narapela kaset na em nau, dispela kaset album bilong *Manus Ailan Bilong Mi* i kamap.




• Keni Lukas (lephan) i sindaun insait long liklik stidio bilong em. Na long antap Keni i sanap isi tasol long kisim poto.

# Klostu bris i bruk



# SUPA SWIT MOA



HIRO BILONG YUMI I KAM LONG TAIM STRET''' EMI HOLIM DAUN BRIS NA SEVIMI LAIP BILONG OL PIPEL LONG PLES''' HIP, HIP, HUREII! SUPA SWIT MOA TASOL!!



# MUSIK NA TELEVISEN

PAPUA NIUGINI



## Manus ailan bringim wari long boi Pere

I NO olgeta taim Papua Niugini i save gat ol gut-pela saveman bilong wokim musik i save tingting i go bek long ples na kain sindaun bilong ol pipel bilong ol. Na ol i save autim tru dispela insait long ol singsing bilong ol.

I gat wan wan bilong ol dispela kain man i stap. Wampela kain man olsem i stap wanpis yet na long wan wan taim i save bung wantaim ol gutpren na olpela poro bilong em long raitim singsing na katim kaset em Keni Lucas.

Keni i bilong liklik ailan bilong Pere long sautkos bilong Manus. Em i wampela eksperiens man bilong raitim ol singsing.

Inap long taim em i stat raitim na kamapim ol singsing i kam inap nau, Keni i bin katim pinis tripela kaset wantaim Pacific Gold Studio. Ol dispela tripela kaset bilong bipo i bin kamap aninit long ol nem olsem *Wiken Soldia*, *Mwen Tapo* na *Nuclear Protest*. Na nau em i gat narapela kaset bilong em ken i stap. Em i katim dispela kaset tu wantaim Pacific Gold Studio long Mosbi wantaim helpim bilong Ben Hakalitz, Louie Warupi, Patti Doi, John Wong, Augustine Yendi na ol sampela lain wantok bilong em yet bilong Manus.

Ol dispela man bilong studio i no nupela long Keni. Em ol olpela pren bilong em, wankain tu long Augustine Yendi husat i skrapim ol ki bilong seksafon long tupela singsing bilong Keni.

Long dispela nupela kaset bilong em aninit long het tok: *Manus Ailan Bilong Mi*, Keni i tromoi olgeta tingting i go bek long provins bilong em, Manus, i drip nating long solwara i stap.

Dispela tingting i kamap tru long tripela singsing insait long dispela kaset. Namba wan singsing em *Manus Island Version II* i stap long sait wan na tu long sait tu.

Keni i tok, "Dispela singsing i stori long wanem samting mi pilim long ailan bilong mi long Manus. Em i toktok long kain sindaun na laip em wampela man i save pilim taim em i lusim ples na go sindaun long narapela provins.

"Bikos oltaim em i save wari yet i go bek long ples bilong em."

Orait narapela tupela singsing em bai sutim lewa na givim kain kain tingting bilong sori long man i stap long sait tu. Dispela tupela singsing em *Apepatu* na *Leve Yam*.

Singsing Apepatu em i wampela isi singsing na i gutpela moa. Dispela singsing i bilong Pere ailan yet na i stap long tok ples Titan. Long ples, ol mama i save singim dispela singsing bilong wokim ol bebi i slip.

Orait *Leve Yam* tu i wankain. Em i singsing bilong



• Keni Lucas.

wokim ol pikinini i slip na i stap long tok ples Loni u na Pitilu.

Stori tumbuna bilong dispela singsing i toktok long wampela lapun meri na wampela yangpela meri. Tupela i bin pul long kanu i go long wara bilong pulimamim wara.

Tasol long hap, wampela masalai man i tanim kamap olsem dispela yangpela meri na go kalap long kanu wantaim lapun meri, na ol i lusim liklik meri long nambis. Long dispela taim, wampela Chauka Pisin i sindaun long diwai i singautim lapun meri na tokim em olsem, "Lapun meri, yangpela meri tru i stap yet long wara. Meri husat i stap wantaim yu em masalai man."

Long dispela tupela singsing, ol lain wantok bilong em yet bilong The Sanders Harmony Group

i go moa long pes 3

## I KAM LONG Ela Motors OL WIL BILONG NESEN

### AMERICAN TOP FORTY

AS AT 15/01/94

CUR.	TITLE	ACT NAME
1.	<i>Hero</i>	Mariah Carey
2.	<i>Please Forgive Me</i>	Bryan Adams
3.	<i>All That She Wants</i>	Ace Of Base
4.	<i>Again</i>	Janet Jackson
5.	<i>All For Love</i>	Sting/R Stewart/ Bryan Adams
6.	<i>Breathe Again</i>	Toni Braxton
7.	<i>I Can See Clearly Now</i>	Jimmy Cliff
8.	<i>Because The Night</i>	10,000 Maniacs
9.	<i>I'd Do Anything For Love</i>	Meat Loaf
10.	<i>Said I Loved You... But I Lied</i>	Michael Bolton
11.	<i>What Is Love</i>	Haddaway
12.	<i>Linger</i>	The Cranberries
13.	<i>Mr Vain</i>	Culture Beat
14.	<i>Can We Talk</i>	Tevin Campbell
15.	<i>Found Out About You</i>	Gin Blossoms
16.	<i>Higher Ground</i>	UB40
17.	<i>All About Soul</i>	Billy Joel
18.	<i>Something In Common</i>	B/Brown & W/Houston
19.	<i>No Rain</i>	Blind Melon
20.	<i>Shoop</i>	Salt-N-Pepa
21.	<i>Dreams</i>	Gabrielle
22.	<i>Miss You In A Heartbeat</i>	Def Leppard
23.	<i>Hey Mr D.J.</i>	Zhane
24.	<i>Choose</i>	Color Me Badd
25.	<i>Amazing Aeromsmith</i>	
26.	<i>Jessie</i>	Joshua Kadison
27.	<i>Just Kickin' It</i>	Xscape
28.	<i>Daughter</i>	Pearl Jam
29.	<i>Sweat (A LA LA LA LA Long)</i>	Inner Circle
30.	<i>Cryin'</i>	Aeromsmith
31.	<i>Both Sides Of The Story</i>	Phil Collins
32.	<i>Dreamlover</i>	Mariah Carey
33.	<i>Queen Of The Night</i>	Whitney Houston
34.	<i>IF</i>	Janet Jackson
35.	<i>The Power Of Love</i>	Celine Dion
36.	<i>The River Of Dreams</i>	Billy Joel
37.	<i>Will You Be There</i>	O Heart
38.	<i>Another Sad Love Song</i>	Toni Braxton
39.	<i>Two Steps Behind</i>	Def Leppard
40.	<i>Life (Everybody Needs Somebody To Love)</i>	Haddaway

## EMTV TELEVISEN

THURSDAY 20TH JANUARY, 1994


5.27	STATION OPEN
5.30	ITN NEWS (G)
6.00	TODAY SHOW (G)
8.00	SESAME STREET (G)
9.00	STATION CLOSE
2.57	STATION RE-OPEN (G)
3.00	KIDS KONA (G)
4.00	SESAME STREET
	KIDS KONA
	FAT CAT (G)
4.30	TOP CAT (G)
5.00	SHIP TO SHORE
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS
	NEWS
6.30	A CURRENT AFFAIR (G)
7.00	NEIGHBOURS (G)
7.30	LOTTO DRAW (G)
7.35	FIZZ (G)
8.27	EM-TV TOK SAVE (G)
8.30	A DIFFERENT WORLD(G)
9.00	MARRIED WITH CHILDREN
9.30	A COUNTRY PRACTICE(G)
10.30	NATIONAL EMTV NEWS REPLAY
11.00	A CURRENT AFFAIRS (Replay)

11.27 MEDITATION WITH PASTOR WALO ARNI

11.30	STATION CLOSE
	FRIDAY 21ST JANUARY, 1994
5.27	STATION OPEN
5.30	ITN NEWS (G)
6.00	TODAY SHOW (G)
8.00	SESAME STREET
9.00	STATION CLOSE
1.40	STATION RE-OPEN (G)
1.47	EMTV TOK SAVE
1.20	ONE DAY CRICKET
5.00	SHIP TO SHORE (G)
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS
6.30	A CURRENT AFFAIR (G)
7.00	NEIGHBOURS (G)
7.25	EMTV TOK SAVE (G)
7.30	ONE DAY CRICKET (G)
9.30	FRIDAY NIGHT MOVIE
	"Fright Night II" (G)
11.00	NATIONAL EMTV NEWS REPLAY
11.30	A CURRENT AFFAIRS
11.57	MEDITATION WITH PASTOR WALO ARNI
12.00	STATION CLOSE

SATURDAY 22ND JANUARY, 1994

4.27	STATION OPEN
4.30	GILLETTE (G)
5.00	BONANZA: "The Stallion" (G)
6.00	NATIONAL EMTV NEWS
6.30	DISNEY MOVIE (G)
8.00	NCDC NEWS (G)
8.20	TOK SAVE
8.30	BURKE'S BACKYARD
9.30	HAWAII 5-0
10.30	NATIONAL EMTV NEWS REPLAY
10.57	MEDIATION WITH PASTOR WALO ARNI
11.00	STATION CLOSE
	SUNDAY 23RD JANUARY, 1994
1.00	STATION OPEN
1.20	CRICKET TEST SERIES
5.00	BONANZA (G)
6.00	NATIONAL EMTV NEWS
6.30	ONE DAY CRICKET
9.30	SUNDAY NIGHT MOVIE "For Fire" (G)
10.57	CHIT CHAT WITH SIR PAULIAS MATANE
11.00	CHURCHES MAGAZINE PROGRAMME
11.30	NATIONAL EMTV



NEWS REPLAY  
12.27 MEDITATION WITH PASTOR WALO ARNI  
12.30 STATION CLOSE

G - General Exhibition  
PGR - Parental Guidance Required  
M - Mature Audience

## PNG TOP TWENTY

AS AT 15/1/94

NO.	SONG	ARTIST
1 (2)	<i>Em Ino Isi</i>	Basil Greg
2 (1)	<i>Chako Chako</i>	Chako Chako
3 (4)	<i>Sweet Smile</i>	Vuvu Vibrations
4 (3)	<i>Kir Ta Prove</i>	Kokoratts
5 (5)	<i>Askere</i>	Hollie Maca
6 (6)	<i>City Meri</i>	Kanini Bros
7 (8)	<i>Rosie Lalokau</i>	JT/ Siule Hoods
8 (10)	<i>No No Peren Pas</i>	J. Boi/W. Ilau
9 (7)	<i>Data Tut</i>	Festalight
10 (12)	<i>Misout Tam</i>	Telek
11 (9)	<i>A Mistake Awa</i>	Leonard Kania
12 (11)	<i>Lukluk Tamavatur</i>	Barike
13 (18)	<i>Honiara</i>	Basil Greg
14 (0)	<i>Sutim Toktok</i>	Barike
15 (14)	<i>10 x Pekitona</i>	Pongoros
16 (0)	<i>Bing Lur</i>	Jr. Devil Boys
17 (17)	<i>No Compromise</i>	Max Manimbi
18 (0)	<i>Iau Rejected</i>	Kopex
19 (19)	<i>Sauga Mei</i>	Sauga Band
20 (0)	<i>Ifagome</i>	Frank Pala

• Ratings based on requests on Radio Kalang and not cassette sales.

EIA MOTORS - OL WIL BILONG NESEN



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.